

近代中國史料叢刊第十四輯

沈雲龍主編

岑襄勤公（毓英）年譜

趙藩編

文海出版社印行

學襄勤公年譜

卷一起道光九年訖咸豐十一年

卷二同治元年訖七年

卷三同治八年九年十年十一年

卷四同治十二年十三年

卷五光緒元年二年三年四年

卷六光緒五年六年七年八年

卷七光緒九年十年

卷八光緒十一年

卷九光緒十二年十三年

卷十光緒十四年十五年

右書十卷門人劍川趙藩所編輯操繫於壬辰夏五閱八十日而竟序之曰名公卿鉅人長德率有年譜或自訂或成於子弟門人故吏或異世之士寄嚮慕而爲之論世知人誠有取也西林岑襄勤公勛業炳蔚九牧歎仰公初以諸生治鄉兵捍閭里薦膺丞佐從戎於滇起牧令至開府中閒奉諱復出駁歷黔閩仍返滇鎮視師越南盡瘁於位溯自咸豐丙辰訖光緒己丑公之樹聲建績實以滇相終始藩滇之鄙人生長兵閒習與諸將佐遊又客公幕府者三年略知滇亂之大凡與公之行事曩公薨後鎮遠中丞屬爲草疏陳公勛績蓋已綜其重且要者而顯

揭之今辱諸公子譖謗據所睹記鑾成是書固陋之譏懦懦弗
免方咸同閒滇疆麋爛西南數千里霾曠不見天日者積十有
餘稔公提孤軍介嫌疑危險之際動心忍性出死入生卒以贊
中興而夷大難近歲南交之役尤天下安危所係考公所爲或迅頤
以赴機或委曲以濟變或忍辱以負重或勇斷以藏功或默運
潛移而隱患以消或審敵蓄威而便宜是守或心迹幾難自明
而久乃大白或措施不求共諒而徐無異詞此類顛末無隱無
飾務存其真將使後之景公生平攷求邊事者有所徵信焉然
而辭則費矣光緒十八年七月朔日書於京師安福胡同寓齋

年譜卷一

岑襄勤公年譜卷一

公諱毓英字彥卿號匡國廣西西林人岑氏系出東漢舞陰壯
侯諱彭公世居南陽棘陽傳至諱仲淑公居浙之餘姚第進士
宋皇祐中累官武威上將軍從狄武襄討平儂智高留知永寧
軍遂家焉卽今南寧府也以功晉懷遠大將軍卒贈粵國公又
七世至諱怒木罕公元時授泗城路軍民總管府遷居今泗城
又三世至諱子成公明永樂中授分管上林峒長官司遷居今
西林又六世至諱密公襄長官司遷居縣屬那勞寨傳子諱恩
公入

國朝仍襲長官司康熙五年鄰境土司爭地搆訟改土設流世職

遂晉又七世至諱作公公高祖也會祖諱正美字玉堂

誥贈榮祿大夫累贈光祿大夫妣黃氏

誥贈一品夫人祖諱秀岐字鳳山

誥贈榮祿大夫累贈光祿大夫妣周氏鄧氏

誥贈一品夫人考諱蒼松字鶴亭泗城府學生員

誥贈榮祿大夫累贈光祿大夫妣謝氏

誥贈一品夫人繼妣謝氏

誥封一品夫人叔祖諱秀岐無嗣以公官

贈榮祿大夫妣黎氏

贈一品夫人公兄弟四人女兄弟三人公則鶴亭公長子爲元

配謝太夫人出諸弟妹俱繼配謝太夫人出

己丑道光九年公生

公生五月二十五日午時端峯山者西林城東鎮山也鳳山公以杖鄉之年切望抱孫鶴亭公因禱於山靈而生公體貌瑰偉異於常童生時有大星流於居宅光芒煜耀鄧太夫人見而驚異以告鳳山公公大喜曰是孫將亢吾宗宜善視之是年鶴亭公應院試入郡庠

庚寅道光十年公二歲

三月十二日妣謝太夫人卒葬寨北山下平捫田公時未周眸襁褓哀啼如有知識不食他人乳惟餵粥糜鄧太夫人哀憐彌

至躬自鞠養至於成立

辛卯道光十一年公三歲

公性穎異鳳山公奇愛之因述昔葬祖考諱作公於寨西北之那亞山形家謂三十年後當生達人以時考之殆其是矣

壬辰道光十二年公四歲

二月繼妣謝太夫人來歸同邑謝公錫寬之女 公甫受學於庭日識數十字

癸巳道光十三年公五歲

從家塾師周先生大謨投書能舉字義因事問難妙契理解師甚稱異 七月公大妹生後適同邑韋氏婿名孔安守節獲

甲午道光十四年公六歲

從事韋又新先生受學凡六年 六月公侍鳳山公觀漁於舍側鳳山公笑謂漁者水大得無病魚乎公率爾對曰以孫恩之

當不其然魚病無水不病水大猶人病無風不病風猛也鳳山

公首領之歸爲鶴亭公詫其宿慧

九月公弟毓祥生

後以涖功游擢

分省補用道 賞二品封典按
察使銜花翎振勇巴圖魯名號

乙未道光十五年公七歲

丙申道光十六年公八歲

九月公二妹生後適同邑黃氏婿名學超

丁酉道光十七年公九歲

是年讀五經畢始爲時文試律

戊戌道光十八年公十歲

己亥道光十九年公十一歲

從事許漢階先生受學凡三年

庚子道光二十年公十二歲

是年公作時文成篇 二月鳳山公卒壽六十有七歲葬那亞
山 凤山公伉直任俠勇於爲善抑強扶弱里黨敬憚性尤友
愛弟秀嶮公喪偶無子矢不再娶公爭之不得則別治一室兄
弟同寢處連牀款話極意慰娛之十數年如一日迨鳳山公考

終而秀峻公亦哀毀尋卒邑中稱孝友無間言。鳳山公將易
簾命呼公至榻前撤所覆重衾之一以賜曰恨不及見汝之成
立覆此如日侍祖側耳公泣跪而受之後夜讀倦每引衾輒感
涕復起讀益勤鶴亭公嘉其有至性鍾愛彌篤雖從師授學暇
輒躬督課程不以愛而弛教也。八月公三妹生後矢志不字
養母終身以孝獲

旌

辛丑道光二十一年公十三歲

公資敏而溺苦於學無他玩好鶴亭公慮積勞致疾令於讀書
之隙兼習弧矢劍槊導引氣血久之遂嫻武技。閏三月公弟

毓寶生後以軍功授福建鹽法道擢雲南按察使賞二品頂戴花翎黃馬褂額圖譚巴圖魯名號

壬寅道光二十二年公十四歲

鶴亭公詔公博習親師以成學業乃襍被負笈徒步至雲南廣南郡城從事建水舉人周虹舫先生受學

癸卯道光二十三年公十五歲

七月自廣南還家肄業本邑書院院長爲貢生溫先生名安業

甲辰道光二十四年公十六歲

復至廣南從寶甯貢生殷仲春先生受學

乙巳道光二十五年公十七歲

自廣南還家二月赴縣城應本年歲科併試取列第一名知縣

爲直隸進士劉公熙樵賞公試藝召入署齋讀書四月赴泗城

應府試取列第一名知府爲貴州進士鄒公拙山六月赴奉議

州應院試取入西林縣學附生第一名提督學政爲烏程甲辰

進士周公綬雲發落日呼至案前獎勵數十語諭諭以讀有用

書爲不朽人相勗旋歸家侍鶴亭公讀書家塾是年六月公弟

毓琦生

後以軍功添擢分省補用道

賞


二品封典花翎鹽運使銜

丙午道光二十六年公十八歲

十一月公配江夫人來歸外舅爲同邑處士江公毓鯨 是年

鄰邑土寇竊發鶴亭公奉邑令檄聯保甲扼險要爲預備寇不

得侵掠鄉里獲安



營醫藥十一月十五日鶴亭公卒葬塞東北客腊山公哀毀殊甚 西林岑氏世職改流後以耕讀相承無顯者自鶴亭公始用文學起家負文武才顧數奇不遇課塾終其生居恒袁錄先哲嘉言高曾董戒爲祖訓一編臨歿出以授公俾服習之

庚戌道光三十年公二十二歲

金田寇洪秀全等作亂蔓延全省有

詔舉辦團練邑令檄公爲西鄉團總公以居廬讀禮辭令援墨經從戎之義相敦勗乃出受事自捐家財儲糧製械以兵法部勒丁壯日事訓練隱然節制之師

辛亥咸豐元年公二十三歲

二月二十九日西林西隆土寇陸大陳三等陷縣城公帶團堵勦西鄉獲安其冬廣南師宗沙寇王福王富等復勾結土寇李發科何博長等分竄西林之八橋八表西隆之舊州戛邊凌雲之河口洛里公往來堵勦屢獲勝仗

壬子咸豐二年公二十四歲

正月公計擒王富七月陣擒李發科俱解官正法十一月十

七日公子春榮生

癸丑咸豐三年公二十五歲

是年冬公陣殲何博長王福楊亞左李亞狗擒王毛弟等寇目十一人解郡正法於是奸宄之渠斬刈略盡解散脅從間里頓

安守令上公功時善化勞文毅公崇光廵撫廣西彙疏請獎奉旨以縣丞選用

甲寅咸豐四年公二十六歲

四月公長女生後適臨桂唐氏增名則瑀

乙卯咸豐五年公二十七歲

時鄰氛未靖公仍帶團保境外寇闖入屢擊卻之是年冬邑境無事迺呈請撤團歸農

丙辰咸豐六年公二十八歲

時雲南漢回所在仇殺全滇騷動是年巡西回寇陷姚州大理賓川跋之戕巡西道林廷禧提標參將懷唐阿太和縣知縣毛

玉成賓川州知州潘仲輯永平縣知縣朱慶鏗保山縣知縣周錫桐等文武十餘員蒙化回寇擁保山回酋杜文秀入居大理稱僞帥蓄髮易服逆燄尤張

詔以在籍侍郎黃文潔公琮御史竇公垿總兵周公鳳岐會辦團練公在廣南久習於滇人乃募勇入滇投效因竇公垿導謁大府與論兵事賞其曉暢檄往迤西總兵福陞軍營差遣進勦紅岩時雲貴總督爲恒春公雲南巡撫爲舒興阿公提督爲文祥公

丁亥豐七年公二十九歲

正月公奉派會同都司何有保攻熊家營寇壘破之連克大東

村石匣村斑鳩村各屯遂逼紅岩力攻一晝夜火其柵門有保
奮身躍入公督兵繼之克紅岩是爲公入滇會勦之始叙功
賞戴藍翎時巡東南回寇亦踞澂江嵩明安寧總督恒春公主東

撫西勦寇佯就撫行省弛備寇出不意竄犯省城焚南關屢肆
火半月不息人民死者無算六月恒春公憂憤自裁舒興阿公
引疾布政使桑公春榮兼護督撫篆巡西官軍失利西寇連陷
順甯雲州永平蒙化鄧川浪穹雲南趙州彌渡公偕副將福兆
援省旋假歸西林措資募勇八月

詔以吳公振棫總督雲貴桑公春榮巡撫雲南起張公亮基五品京
堂幫辦雲南軍務是年二月初一日公次子春煦生

午歲豐八年公三十歲

公在籍奉郡守檄調團會營勦土寇陳義順關奇吳廷光等旋
撲滅之 是年吳公振棫張公亮基先後率師入滇張公大破
宣威回寇殲斃數千軍聲頗振吳公復主撫議劾罷團練侍郎
黃公琮等疏請給回人掌教馬德新四品頂戴回目收標拔補
弁委然回心未壹漢夷不逞之徒又交煽於其間焚掠時聞回
尋破武定祿勸屠昆明屬之漁村各甲當道慮敗撫局不問也
桑公春榮旋引疾奉

召入京張公亮基代爲廵撫未幾吳公振棫亦引疾

詔張公亮基爲總督按察使徐公之銘擢廵撫

己未咸豐九年公三十一年

二月公復募勇至滇派防北城時回目馬鴻先馬良玉等佯就撫竄踞宜良縣城復屯縣屬湯池爲犄角四月公奉派往勦抵湯池立營未畢寇分道來犯迎戰三時之久寇卻復前公督隊衝入寇陣撓其後寇敗走連日復犯大哨大凹口各營皆擊破之公弟毓寶乘勝攻下施家窩七孔坡寇壘殲斃甚多六月公移營海邊料寇必乘我預令守備陳開榜把總張福保箇銳卒效寇裝伏湯池後山松林中寇果分股出犯公督把總陳大升等扼水路把總米洪順等扼山路寇輕我寡爭前進伏兵張自轍馳下山湯池寇以爲黨也突入其壘殲之卽易赤幟抄出來

擊寇驚潰斬級數百溺斃無數盡得其驃馬礮械進攻宜良城
寇以全力要路迎戰公身先奮擊斬馬鴻先於陣馬良玉乘夜
率黨竄逸遊練乘隙入城縱掠公軍急馳進城遣練目潘文興
吳鳳岡李成功等彈壓解散安撫居民城中乃定叙功奉

旨以知縣留雲南補用加知州銜 十月奉檄署宜良縣事嵩明練
目陳玉順陸開元滋擾縣屬北屯公馳往彈壓玉順頑抗使其
黨李缺觜刺公公奪刀傷右手從兵格殺缺觜玉順結營拒戰
公圍之開元密來謁請夜半刦營願擒玉順自效如其言遂擒
斬玉順籍游練歸伍 十二月公奉派會勦路南踞城夷寇先
遣弟毓祥偕張福保攻板橋公續至土官莊立營以夷衆不可

勝誅示諭招撫夷弗聽公督兵進攻破板橋寇壘幅城而營留
福保駐攻公往來宜良籌濟軍糧時西林土寇復擾公家屬
離析江夫人奉鄧太夫人挈子女寓那陽寨公遣僕往迓力不
能偕來遣公弟毓祥奉鄧太夫人就養至宜良鄧太夫人慮公
乏內助聘賴夫人以九月禮娶來歸連平賴公國治之女賴以
遊幕寓昆明者也巡西姚州彌渡前爲西路官軍收復是年
寇復陷之並陷景東大姚白井東南官軍近復嵩明武定安寧
而東寇復陷阿迷昆陽富民元謀廣通定遠惟景東富民廣通
旋即克復提督文祥公堵勦無功張公亮基劾罷之

詔以傅公振邦爲雲南提督方勦捻淮徐不能來福兆公署提督接

辦軍務西事益劇張公檄褚武烈公克昌代之專辦西寇疏調處州府知府馬椿齡回滇襄辦東南招撫椿齡新興回紳也
庚申咸豐十年公三十二歲

正月十九日鄧太夫人卒於宜良公丁承重憂稟請解任終制
大府奏留給假治喪仍辦軍務奉

旨報可二月攻路南軍失利夷寇旬陸涼回寇侵宜良北屯公馳往防勦三月寇陷我碧落甸各營公悉銳攻板橋寇堅守不出乃進營連珠寺規路南之右約參將何自清會勦寇分股竄大哨秦家寨射雞村斷北屯糧路公弟鍊寶及牟正昌楊福章李廷碧等連夜擊走之又破之於得馬村柴石潭因於夢卜所

木竈前所結三營以扼北山 五月何自清破紫玉山寇壘與
公會軍路南境內 七月公會何自清破寇塔山糧臺進拔板
橋寇巢夷三十餘壘殲寇渠三自清督勇衝橋而過復破五壘
公亦破附城數壘遂會軍城下議留北門不攻以待寇竄夜梯
城東北隅而上火其望樓殺寇千計州城立復躡敗寇至北山
鷺毛寨李子箐寇殊死反鬪我軍失利公陷圍中中飛石墜馬
復躍上馳突還營是夜夷酋趙發率衆來歸自言方戰時廻公
近忽聞震霆聲瞥睹黑虎躍起而公已突圍去公殆神人不敢
抗願歸命公笑而受其降路南肅清叙功奉

旨以同知直隸州補用加運同銜大府旋檄公兼署路南州事移勦

澂江時寇分澂境爲六營三十六哨脅漢民按戶出丁爲前趨
公謀撫漢民以孤賊勢先遣守備潘文元設法招徠十二月公
軍入境沿途要隘望風歸順直抵城外而營寇來犯屢破之奉
檄兼署澂江府事是冬江夫人奉謝太夫人攜家就養至滇
是年東南軍復安甯晉甯呈貢諸公克昌督西路軍連破寇
於沙橋鸚武關普昌河霖霧鋪克彌渡紅岩進駐賓川分攻姚
州大姚雲南趙州軍威大振而東南寇竄陷廣通楚雄南安鎮
南定遠西路軍腹背受敵屢戰失利糧盡援絕賓川大營告陷
褚公克昌戰死西寇得以專力攻陷鶴慶麗江劍川緬甯東寇
李芳圍留踞楚雄五城他寇仍回竄陷祿豐富民晉甯嵩明復

圍省城李芳園尋舉楚雄五城附西寇 時張公亮基委申公有謀署提督接辦西路軍務委布政使鄧公爾恒率馬椿齡暨省紳孫鈞撫澂江新興之回議粗定而督撫有隙何自清部勇入督署鼓譟殺知縣雷焱張公引疾疏發卽行徐公之銘兼署督篆

辛酉咸豐十一年公三十三歲

正月公招撫澂江被脅練目陳梓劉福長計殲悍回百餘率衆以鎮海營來歸遣分營魚戶村蕭家觜以偏右所寇壘復遣弁目郭秀畢明於二家村後山結二營城寇數千出犯血戰半日殲斃甚多寇卻而復前圍營數屯寇首馬良驥督戰甚力公飭

東基哨各營出軍抄其後寇陣始亂把總范登龍練目燕林交矛刺傷馬良驥擒斬之寇退屯紅山中樹村連日接戰獲勝公相二家村踞險要非破之不能進兵迺選精銳夜伏村外黎明乘微雨大霧直逼壘下拔簽踰濠拋放火球噴筒順風助火頃刻延燒寇棄壘狂奔爲我軍截殲殆盡遂夷其村 五月公會總兵林自清攻昆陽海口踞寇大小十餘戰先破外援遂圍寇巢將弁肉薄爭前援牆湧進前者傷墜後者繼登壘戰竟日至夜克之殲寇酋楊振彩斃寇數千獲械無算海口自爲寇踞屢勦無功旋撫旋叛爲省會肘腋巨患至是苦戰夷之一方稱快自清爲何有保養子從其姓擢總兵後乃復姓 七月十六日

文宗顯皇帝龍馭上賓八月杪雲南奉到

哀詔公在營次行禮成服 時西路各軍復安甯祿豐廣通元永黑
琅六井進規楚雄府屬各城麗江團紳和耀曾張潤等亦克麗
江劍川未幾楚雄師潰得者復失西寇併陷永昌騰越龍陵雲
龍永北景東礮嘉東寇復陷安甯晉甯呈貢易門羅次嵩明圍
擾省會大府檄徵各路兵入援 是年公命弟毓祥奉鄧大夫
人柩歸邢勞葬塞北平幹山 三月二十三日公三子春澤生
九月公次女生不字

詔授貴州巡撫劉公源灝爲雲貴總督張公亮基留辦雲南軍務劉
公旋奉

召入京以福濟公代之

諭即赴任福濟公堅請叩謁

梓宮奉

旨革職起前湖南巡撫潘忠毅公鐸署雲貴總督擢福陞公爲雲南提督 徐公之銘劾申公有謀革職委林自清署提督自清殺呈貢知縣許正裕易門知縣周行釗於省垣何有保殺升任陝西巡撫鄧文愍公爾恒於曲靖行館徐公方倚自清平寇優容之飾詞入告中外物議譁然不恤也

岑襄勤公年譜卷二

壬戌同治元年公三十四歲

正月公自宜良帶兵援省攻克大樹營寇壘轉戰而前入城助守林自清日驕蹇戰不力徐公之銘苦不能制思仍以撫局爲結束二月令自清於軍前張示招撫建水回目武生馬如龍自呈爲故總兵馬繼美猶子三代殉難志在報效迫於仇殺鋌而走險實非得已願率衆就撫自清引之見徐公如龍請必得信義素著如公者至回營定議徐公乃令公往宣諭

朝廷威德因其所呈導以嚮義復暢陳順逆利害慷慨透切俾卽獻還城池散遣外回疏通官道一一維命公僅攜從兵數人留回

營信宿飲食談笑如平生歡如龍雅敬服以次交出所踞新興
昆陽晉寧呈貢嵩明羅次易門富民各城厥後回目仍多反復
者而如龍執節甚堅由公忠信威畧有以感孚而維繫之者深
也如龍旣來歸而馬德新亦率澂江回衆就撫徐公以撫局定
疏請破格授如龍總兵德新二品伯克其餘首目分別獎敘又
陰倚公備緩急疏陳公戰功檄委代理雲南布政使奉

旨皆報可三月公接代理藩司印迎養謝太夫人至署回人入省寢
與自清忤自清不自安徐公疏請以自清赴四川勦寇自清不

俟

命下以四月率所部赴蜀至瀘州索餉大諱張公亮基奉

旨馳往撫定之散遣其勇令自清引疾回黔後卒爲黔撫黎文肅公
培敬諭勅寘之法 五月副將何有保爲其下所殺 七月巡
撫徐公之銘以辦理安撫著有成效敘公功奉

旨加按察使銜並換花翎 閏八月署總督潘公鐸至曲靖九月入
省接篆視事 十月總兵馬如龍以臨安紳圍撓撫局憤兵往
攻相持不下督撫檄公往諭解不聽公仍還省 是年知府夏
家疇參將李維述田仲興等復楚雄鎮南廣通南安祿豐黑元
永各井 西寇陷普洱思茅 粵寇石達開之衆自黔竄入滇
境分股擾平彝宣威鎮雄大關東川陷巧家永善旋棄之渡金
沙江趨蜀 提督福陞公以逗留川境罷

詔授胡公中和爲雲南提督方勦蜀寇不能來時東南回衆雖妥撫而猶懷猜忌西寇則盤踞已固渝陷浸廣抗拒如故滇中綠營官兵承平久多恆怯頻年征戍傷亡略盡中原方有事粵捨協餉不時至庫藏奇紺兵取諸圍練餉取諸捐輸勢岌岌不可終日公受任於危疑之際深切隱憂惟以忠義激勵官紳士民人自爲戰家自輸貲虛己禮士拔其豪俊量材器使援勦各路假以便宜俾盡所長人樂爲用又加意聯絡廸西紳團李維述和耀曾張潤李鳳祥劉光瑛等伺暇抵隙牽制西寇故省會粗安官紳亦皆倚公以爲重

癸亥同治二年公三十五歲

正月署武定營參將回酋馬榮潛結西寇假赴援臨安爲名率
寇入省城十五日戕署總督潘公鐸及雲南府知府黃培林昆
明縣知縣翟怡曾在籍侍郎黃公琮等殉難者數十人踞省以
叛徐公之銘走匿馬德新家武獨偕諸弟率所部官兵勇士千
數百人力保藩署泊城東南隅各官多走依公變起倉卒人心
洶洶公奉謝太夫人率眷屬聚處一樓積薪其下出而憑血誓
衆曰吾受

國厚恩有民社責已矢全家與城爲存亡衆感憤泣下皆誓死相
從寇屢來犯悉擊却之寇以公在慮不得逞黠者猶陰持兩端
奉馬德新入居督署稱護理總督約公集議於昭靈觀公隻身

往與寇渠約勿擾間閭餌以和議而密馳檄允書責馬如龍以
大義趣赴援如龍遂與臨安圍紳泰將梁士美約棄嫌急公立
率所部星馳回省士美亦助兵踵其後二月初一日夜分內外
夾擊殲寇酋李俊斃寇數千馬榮僅以身免走南寧合馬聯升
而省垣復安堵如故是月徐公之銘疏聞奉

旨優卹殉難官紳徐公褫職逮問出力人員交新任督撫查明請獎
先是川黔大吏聞滇省失守移撫同殉卽摭大概情形馳奏
詔以勞公崇光爲雲貴總督賈公洪詔爲雲南巡撫

命賈公由川入滇先駐昭東相機籌辦勞公尋查明復奏奉
旨岑毓英著免升知府以道員補用欽此徐公之銘仍攝理督撫

事時附省各城復爲寇踞乃疏請以馬如龍與公會辦全省勦撫如龍駐省公統兵出省西征是月守備牛世有夏毓秀知縣伊勒通阿復富民擒斬馬富富馬榮之弟也遊擊楊英培參將馬青雲知州鄭廷璧復武定都司張其昌知縣楊載賡復羅次牛世有等進復祿豐公弟毓祥遊擊趙發克嵩明陸涼夏家疇田仲興克他郎公督副將馬忠李維述等分道西進復安寧廣通南安黑元永三井疊破西寇於捨貲小腰站進攻楚雄馬榮馬聯升陷尋甸霑益平彝東川兵變狀知府黎新德三月昭通回寇陷大關知府夏廷楫旋復之四月東路寇氛日熾公奉徐公之銘檄回援乃留李維述督攻

楚雄躬率親軍馳赴東路破天生關易隆寇屯進復霑益平彝
攻曲靖尋甸寇乞撫於省城馬如龍啟徐公許之檄公旋師西
征五月寇陷武定鄭廷璧等旋復之馬如龍撫定恩安魯
甸大關回寨西寇陷維西六月遊擊車愷同知張象奎復
礮嘉參將梁士美知州榮恩復阿迷公復至西路大營與
諸將議分道進兵以一軍攻大姚姚州一軍攻景東鎮沅一軍
攻雲南趙州一軍越險深入攻賓川鄧川公自督各軍攻楚雄
鎮南兼顧三路往來策應又飛檄永北鶴麗官紳相機進剿牽
制寇援部署既定剋日分進七月公督軍連破羅川腰站戴
家屯曲甸壩寇壘進逼楚雄鎮南夏毓秀等復元謀車愷

張象奎等復景東 泰將陳占斗攻卡南寇屯陣亡 八月田
仲興車愷會克鎮沅恩樂南邱長發按板各井 知縣朱士達
復白井 西寇陷中甸和耀曾走永北助勦 十月公督軍破
小孤山古山寺雙橋寇屯克復楚雄 朱士達復大姚 十一
月都司張潤守備李文元知府朱慶椿陸希曾等復中甸雜西
麗江 十二月遊擊錢大川等復賓川鄧川 同知張愉泰將
王洪順等復永北 時馬如龍密函商公勦撫並用派副將楊
振鵬徑赴大理招撫杜文秀於路陰結回目陳義保文明馬朝
珍馬春林等轉約雲南趙州紅巖彌渡浪穹鶴慶諸回皆願反
戈歸誠義等假名送振鵬入大理驟攻僞帥府文秀走逸義等

踞城搜捕適雲州寇馬國春率萬餘寇自蒙化至文秀走依國春復攻義等皆敗死振鵬被執文秀不殺縱之歸諸歸誠者聞文秀在復觀望持兩端 是年張公亮基署黔撫與勞公崇光備石冠餘黨賈公洪詔至四川疏陳滇中撫局難恃川督駱文忠公秉章亦奏稱滇事辦理不善紀綱廢弛賈洪詔銳意入滇然兵餉兩絀恐蹈潘鐸覆轍宜加持重

詔令賈公進駐昭通川省籌撥兵餉川督復陳蜀力難於兼顧故迄未成行 是年公四子春華生三女生後子十四齡而殤女十

齡而殤

甲子同治三年公三十六歲

正月公督軍攻破沙橋鸚鵡關普淜安南關寇屯合圍鎮南遣將襲克定遠 泰將劉鴻文知縣尉遲品玉等復威遠 田仲興夏家疇等復思茅及石膏抱香二井進攻普洱 麗江永北軍攻上關失利鄧川浪穹鶴慶降寇復叛竄陷麗江 二月寶川軍攻下關失利趙州雲南彌渡降寇悉叛寇勢復振全力竄援鎮南公督軍迎勦於普淜大破之進克波川蕎甸禾甸米甸四屯 東寇馬聯升馬榮陷霑益竄擾宣威馬龍徐公之銘病甚不能視事東路告警沓至省垣官紳慮有內患促公回顧根本乃班師東下公弟毓寶偕李維述留防楚雄 車愷劉鴻文尉遲品玉復繙甯 四月西寇陷賓川 徐公之銘病卒勞公

崇光咨催賈公洪詔赴任檄公暫代折行撫署公事 馬聯升
陷馬龍州 六月勞公崇光奏委公督勦東寇解餉濟師公乃
布署東征 貴州豬拱箐苗寇竄鎮雄大關義良牛街 七月
公東征至陸涼大破天生關越州寇屯遂薄曲靖營於城南遣
將分攻尋甸馬龍霑益 攻普洱軍失利西寇復陷思茅石膏
抱香二井 西寇陷永北 八月 賈公洪詔引疾

詔以林公鴻年爲雲南巡撫劉公嶽昭爲布政使席公寶田爲按察
使又奉

上諭著勞崇光林鴻年傳諭馬如龍岑毓英令其激勵兵勇妥速進
剿剋日攻拔大理殄除杜文秀以明心跡而膺懋賞等因欽此先

是刑部尙書趙文恪公光疏稱馬榮之變馬如龍岑毓英同心
協力轉危爲安近復進攻杜逆收復楚雄景東各城督臣勞崇
光採訪公論欲重用二人惟撫臣賈洪詔意見不合以係徐之
銘保舉不足深恃徐之銘行同敗類原屬可鄙但未可因其人
不足取並疑所保之人亦棄而不用也現時滇中大勢除用馬
如龍岑毓英別無籌辦善法從來用兵貴以操縱權宜之術濟
之始克有成人才難得機會易失似未便再事遷延而勞公崇
光亦奏稱馬如龍彈壓省垣岑毓英帶兵出省連克堅城善爲
驅策未嘗不可爲先路之導故有此

旨並

諭將出力情形確切查奏候

首施恩 公攻曲靖屢獲勝仗馬聯升自率萬餘寇直犯大營公開
壁出擊大破之殲寇過半聯升中弔傷奔竄入城我軍盡剝城
外寇屯偏城合圍楊武愍公玉科時隸和耀曾部爲隊長公見
其屢陷陣識拔之命領百人爲選鋒 楊盛宗楊國發和耀
曾何秀林夏毓秀等克復霑益馬龍 九月公令霑益馬龍各
單助勦尋甸自往督戰晝夜輪攻馬如龍不忍盡誅同類自省
帶兵來會諭寇縛獻馬榮馬興才開城降順 西寇復陷彌寧
威遠 十月公會馬如龍以地道攻曲靖城寇怖懼如龍勒令
獻還城池縛獻馬聯升斬於軍前東路肅清 十一月公駐曲

靖鑿善後馬如龍押馬榮馬興才還省會司道訊供戮於市剖其心以祭潘忠毅公並殉難官紳 西寇陷鎮沅恩樂 景東兵變殺副將車愷 十二月元江知州沈保恒殺遊擊李虎
滇中自變亂以來不惟漢回勢不兩立各屬之官仇官民仇民動輒治兵相攻弱肉強食報復無已上下視為固然紀綱蕩盡矣

乙丑同治四年公三十七歲

正月西寇陷景東礮嘉 河西土寇李秀襲陷書戛知縣彭叫死之把總李士思等旋復城秀逃去 田仲興殺沈保恒 勢公崇光疏獎公曲尋戰功二月奉

上諭加布政使銜並賞勳勇巴圖魯名號 是月公派鍾念祖帶兵
會夏家疇田仲興進攻普洱思茅 富民散練剽掠攻城公弟
毓寶會夏毓秀彈壓解散 三月廣西州土寇殺遊擊陳萃公
派楊國發馳擊斬寇酋張顯餘寇解散 夏家疇鍾念祖等復
普洱思茅 西寇陷維西 五月苗寇陷鎮雄泰將張兆綏殺
官紳從逆 六月公遣千總楊玉科繞道赴中甸協同官紳規
進取 七月楊玉科殺降將李祖裕祖裕時署維西協副將陰
通寇玉科刺殺之代將其軍護協篆 八月楊玉科會張潤破
寇白塔村復維西 時恭遇

覃恩請封三代皆封榮祿大夫一品夫人公以本身妻室應得封典

龍封叔祖父母九月二十六日領

詰 四軸 是月楊玉科會張潤克復麗江分規鶴劍 十月初十

日公五子春蓂生 楊玉科克復鶴慶玉科至是乃知名 十

二月西寇復陷麗江鶴慶張潤退扼石門關楊玉科走永北

是冬勞公崇光林公鴻年奉

旨嚴飭赴滇由貴州四川先後啟行 林公在蜀邊先招降昭通土
寇李開甲漆維新等至是復叛踞彝良之礦礦山牛街之礦子
山 公自入滇治兵至是逾十稔矣於山川扼塞勦撫利鈍益
閱歷有得慨然有攬轡澄清之志當馬如龍受撫冀可結以平
寇而如龍勇獁無遠識每幽庇同教馬榮馬聯升等旣降復叛

肆擾東南西征之師屢爲所絏卒至蹉跌又馬德新楊振鵬輩
陰通西寇仍懷反側故力圖改弦而更張之思於東南先立不
拔之基廻以全力攻曲靖曲靖爲廻東大郡扼黔蜀入滇門戶
省會糧運所自出既克復遂留屯弗去修繕城池簡練兵馬勸
農興學減稅恤商凡有經營無所牽制得行已意聯絡東昭開
臨互相犄角屹然爲省東重鎮回衆慮不利於已以危詞聳如
龍請公還省夏秋之交走使函書交錯於道公以東路善後未
清紳民攀留爲詞婉謝之復書略謂同袍有年肝膽相照在省
在曲莫非其勤

王事有何區別而生嫌疑且三舍弟奉老母留居省署脫有異意嘗

不如此願無聽造言和衷報

國如龍意釋然而回衆固不懶也

丙寅同治五年公三十八歲

正月勞公崇光至平彝公迎謁於行館勞公一見奇之詳諮滇事公暢陳軍情冠勢及厯來辦理之乘請勞公進省坐鎮漸收旁落之權以維根本而用兵則宜先清東南俾無牽掣然後併力西征自可遞收全功勞公深然之疏陳入省有五不可緩又疏稱貴州豬拱箐苗巢聚苗教各股悍賊至十數萬之多兩陷鎮雄彝良疊犯大關昭通滇屬路梗黔之大定黔西威寧畢節各屬遍遭蹂躪驛道亦斷近年且擾及川疆不止爲滇黔腹心

之思黔省屢次用兵未得要領臣考輿圖鎮雄卽古之芒部豬拱箐距該州僅數十里須由滇籌勁兵一枝先復鎮雄次攻豬拱箐可期得手署藩司岑毓英謀勇兼優所部尤多勁旅臣飭該司迅選精銳五千親統進剿俟復鎮雄卽擣豬拱箐務使犁庭埽穴以除三省邊患已飭昭通府知府孔昭鈪籌辦糧米供支軍食又附陳馬如龍與岑毓英意見不和擬令馬如龍督勦迤西分專責成而泯爭競疏入

上嘉允之是月林公鴻年至昭通飭楊盛宗由舊衙坪進兵規取永北二月勞公崇光至省城林公鴻年罷

詔以劉公獄昭代之方勦貴州上游之寇未能赴滇是月公以將

越境征苗迎養謝太夫人至曲靖 三月公由曲靖督軍赴昭
通派前鋒進屯彝良公弟毓祥留守曲靖 是月初十日奉

旨補授雲南巡南道 四月彝良寇大出迎拒奮擊破之連下仰天
窩柱房溝各屯擒斬寇目楊洪順張呵呵公至軍督諸將進屯
角奎破新街冠屯殲寇目胡正陽胡大作全壩寇目蔣興順雷
有福新街冠目余天祐率黨數千獻營乞降公汰留精銳領以
降目爲嚮導餘悉遣散移降目家屬交彝良州同吳泰彥安撫
羈縻之遂進攻周家營冠屯公率親軍捫羅攀葛而上施放火
箭燒其草房大雨驟注乃斂軍退趕製擡牌五百具揀精卒步
步逼進去寇屯數武搶築新壘密開地道轟破寇牆十數丈冒

煙衝入殄寇千計擒斬寇酋鄒滋保 五月連克獅子山賀家營收降目賀心田縱入礦礦山爲內應反戈縱火官軍四面齊進鏖戰一晝夜遂夷寇巢李開甲逃逸俘其妻子乘勝克香爐山彝良境內肅清 七月進規礦子山先破竹箭桿寇屯寇築路口柵三層長牆數道破燬之殲寇累千進逼山頂老巢都司許占春陣歿 八月公督兵各挾薪草一束併堆遞進直薄牆外縱火延燒立破寇巢分兵連破王家寨板栗樹大河邊各屯斃寇數千擒斬漆緝新漆維邦並其家屬酋目百餘人牛街境內肅清 九月分兵攻破鎮雄城外朝陽洞馬道各寇屯寇棄城遁入蓮花山公入城安撫遣將分徇雲臺山等處連克百餘

屯復督親軍會攻蓮花火饅二山下之擒斬悍酋十餘人先後
殺寇盈萬鎮雄境內肅清惟李開甲逸去十月公弟毓琦偵
擒李開甲於威寧之牛樂溝交昭通府縣訊明極刑處死是
月勞公崇光奏派署提督馬如龍布署西征分三路進取中路
出鎮南大姚北路出永北南路出景東威遠悉歸如龍節制均
限十一月次第起行十一月田仲興尉遲品玉復鎮沅恩樂
威寧畢節一帶冬令嚴寒不能用兵勞公崇光疏請飭公駐
軍鎮雄度歲防堵各隘稍資休息俟明歲春暖卽越勦豬拱箐
並陳公才氣可備大用奉

督允行十二月楊盛宗軍至永北進攻馬坊梁士美攻克呵白

寺寇巢斬夷酋李春 公赴昭通籌備糧運豬拱筈苗冠出犯
鎮雄公同援大破之於新營柳林 是年公六子春熙生後十
二齡而殤

丁卯同治六年公三十九歲

正月二十六日奉

上諭雲南布政使著岑毓英補授又

諭春日融和正可乘勢進兵又

諭劉嶽昭速將大定黔西一帶節節疏通取道赴滇合兵勦辦豬拱
筈劉公嶽昭疏言岑毓英卓著戰功實心任事部下將士皆經
百戰自上年肅清鎮雄卽防勦豬拱筈於賊情地勢均所熟習

不必客兵助効實堪獨任艱鉅臣但籌濟軍火餉需勿庸再派
兵前往以一事權而專責成毓英必能迅奏膚功

上允之公遂剋日遵

旨出師是月先破苗寇於茶山二月勞公崇光薨於位

詔以張公凱嵩繼之未至按察使宋公延春暫攝其任先是

上以滇亂久郡縣多陸沈命勞公崇光繪圖以進兵燹後文獻蕩然
勞公依省志晨夕鉤稽摹繪圖未上而卒劉公嶽昭專疏呈獻
是時淪陷府城四曰大理曰麗江曰永昌曰順寧州八曰姚曰
趙曰賓川曰鄧川曰雲龍曰鶴慶曰劍川曰雲廳六曰騰越曰
蒙化曰永北曰緬甯曰龍陵曰彌渡縣三曰雲南曰浪穹曰永

平而太和順寧麗江保山之附府者不計焉其他村堡市鎮不可勝數其酋皆統於杜文秀更調久暫無常號是月公督軍至豬拱箐築壘休士卒而日遣間諜偵寇中形勢以報初陶三春陶新春之倡亂也先踞海馬姑紅巖尖山山勢壁立斗絕大河帶其前烏道一線攀援而登一夫扼險萬人莫進故寇呼爲鐵桶江山嘯聚日衆山隘不能容陶新春復分踞豬拱箐其地界三省之交八山環合三面嶄然惟青松梁一面爲往來之徑絕頂孤峰勢凌霄漢三泉下注匯山麓爲河寇巢分踞山險房屋櫛比十餘萬間山下沃壤曰吳家屯廣七十餘里寇糧資焉屯內有閭道可達海馬姑外有二龍闕大了口小了口三隘以

爲門戶寇悉置堅壘分布嚴密出掠退守操縱自如惟一隘曰大溜口者路徑險僻寇防稍弛偵者具白其實公乃密派張保和林守懷夜率二千人由大溜口小路抄出二龍關後掩襲吳家屯而自督三千人攻二龍關黎明寇傾巢出犯戰方酣忽聞關後槍礮轟鳴煙燄燭天寇驚回救我軍尾追夾擊連破三隘及吳家屯各壘擒斬數千得輜重牲畜無算寇奪氣 三月朔至望我軍擠紮山半三十四營偏近老巢寇出撲十餘次皆擊敗之陣斬冠目楊大仁十六日公弟毓琦通判牛樹勛率後隊三千餘人至聲威益壯援寇之自海馬姑來者公親督隊截於半道斬其渠魁餘悉竄回 四月初二日寇以千餘斤巨石斷

爲火輪中貫硝磺松脂引火於蒂乘夜自山頂滾下驅牛馬隨而冲踏毀我營二十餘座將士多損傷公督親軍拚命迎勦手殲悍酋熊潮龍羅大漢陶五等殺寇千計寇始收隊乃易別將填紮舊營於營前圍掘深坑寇如前攻犯輪石盡落坑中寇伎窮堅守不出以待海馬姑之援公遣蔡標周賈牛樹勛會總兵王丕烈分勦海馬姑用夷目安申華率降夷混入紅巖尖山放火內應我兵乘之立克尖山寇援遂斷。五月初二日在營專摺恭謝授布政使

恩

六月初十日寇大出撲犯陶逆張黃益坐柵門指揮鋒銳甚公督將士奮擊寇大敗我軍施火箭焚其柵棚會大雨乃引還公

偵知苗俗連袂踏歌此唱彼和以傳心事乃令苗之從我軍者
徧山環歌諷以解散寇中聞歌逸去者萬餘人苗目王璧文譁
名王大紅袍旋來降公賜以酒食推誠相待璧文感而獻計曰
寇守備甚嚴每一弓地守以一人家東南者守西北家西北者
守東南互相牽制莫敢二心每日惟卯酉二時然礮爲號留一
人守十弓地餘聽各歸家餐飯飯後趨守如前公於此二時乘
隙猛擊必破之矣公用其謀選敢死士二千人以任仕斌崔萬
象林守懷趙得元李廷標將頭隊楊玉科張保和崔金斗岑寬
德將二隊何秀林吳永安姜飛龍夏天德張兩翼接應申明賞
罰有進無退十九日昧爽公親率頭隊帶擡牌草細偃旗息鼓

伏冠營外至卯時填壕猛進連破其木城二重令夷目安中華
王璧文大呼投誠免死苗衆紛紛棄械乞降寇勢瓦解後軍繼
至士氣愈奮奔躡山頂老巢冠殊死鬪鏖戰兩時公身先士卒
直搗中堅縱火掩殺風烈巢焚斬首二萬餘級擒逆首僞帥陶
新春僞天將楊應寨熊草果羅正春楊八僞軍師周國悉凌遲
處死救出難民男婦四萬餘人豬拱等肅清七月公督勝兵
合勦海馬姑十七日以劉重慶黃得勝等軍攻後山申路楊玉
科張保和等軍伏前山小路冠傾巢出後山接戰前山伏軍抄
出奪其子營三十餘座殺二千餘人保和陣斬僞左翼勝軍張
項七寇敗回老巢我軍四面以噴筒環燒寇柵賈勇而登寇驚

潰盡毀其壘擒斬焚溺以三四千計餘寇狂竄山頂夜大雷雨
饑困甚我軍鼓譟搜殺昏黑中寇倉皇投巖墜澗死者相枕籍
擒僞帥陶三春楊應芳及酋目二百餘人斬之救出難民數千
凡用兵四閱月三省邊界肅清八月奉

上諭賞給頭品頂戴 規畫豬拱籌善後事宜六條上之黔撫張公
亮基嘉許採用 時西師失利劉公嶽昭檄公旋滇駐防曲靖
先分派公弟毓祥劉重慶呂鎮南楊國發和耀曾柳明泰周之
珪等軍馳助省防聽護督宋公延春調遣 十月公還曲靖二
十一日專摺恭謝

天恩賞給頭品頂戴 先是西寇聞官軍議大舉西征加意戒備厚

積軍儲騰永順雲鶴鹿寇兵精銳強半移至前敵迎拒是年春
馬如龍進駐定遠遣楊振鵬攻賓川合國安楊先芝攻姚州李
維述攻鎮南與寇屢戰互有勝負四月軍中病疫士無鬪志賓
川姚州鎮南軍相繼潰敗南路軍退保普洱新平北路軍退保
舊衙坪如龍留軍守定遠自回省城養病寇燄大熾同弁多通
冠杜文秀探知公越境遠出益領巢下竄六月陷定遠七月陷
大姚八月陷廣通祿豐暨黑白琅各井九月陷南安十月陷元
謀武定祿勸十一月陷楚雄羅次省會戒嚴督撫馳奏奉

上諭張凱嵩前奏暫駐東昭先勦迤西此時情形萬緊該督應先入
省城著卽募齊勇丁審機前進岑毓英已撥兵援應應否馳回省

坦著劉嶽昭宋延春安商辦理欽此 十二月公在曲靖疊接劉
公獄昭宋公延春飛函促援乃簡練士馬定期自將援省

戊辰同治七年公四十歲

正月寇陷富民安寧分竄省會西北村堡 省中徵南路田紳
興鍾念祖梁士美等軍入援 二月公飭弟毓祥同守曲靖以
十三日統兵援省揚言師出馬龍而取道宜良七旬進兵連破
寇屯二十餘處二十五日進克小板橋 是月寇陷易門 楊
振鵬踢昆陽叛 田慶餘踢新興叛 振鵬慶餘導西寇襲陷
晉寧呈貢 張元林踢澂江叛 嵩明尋甸降回並延西寇陷
城且謀窺曲靖東川 合國安馬學林馬雲龍謀內變刺馬如

龍偵獲逆書如龍遣馬柱誘斬學林雲龍李維述誘斬國安
楊先芝馬天順馬世德馬文成馬葵馬文照各踞所屯營壘叛
應西寇 劉公獄昭前部李家福至曲靖添防 時西寇十餘
萬益以裹脣號三十萬全注省會結壘百餘環西南北三面皆
滿西以土堆南以江右館北以虹山爲老巢公分派將弁屯三
面禦之而東面以弟毓寶屯焦三橋一路力保糧道通往來文
報又懲同心反側專選漢兵守城以李維述馬忠領之 三月
初二日公督軍攻克金馬寺等處十餘屯進紮大樹營分軍攻
晉寧呈貢接通東西糧道築響水關大營公居中策應省垣人
心粗定 初五初六兩日馬如龍李維述馬忠公弟毓寶先後

來見公籌商軍務如龍自悔羣同賣已公推誠慰勞約其竭力報

國如龍感激捐棄前嫌和衷協力措拄危局 冠陷欽莊邵甸守將周云禮劉爾直陣亡公派鍾念祖等軍馳援 冠攻楊林甚劇將弁戰沒四人公自將往援約李家福軍會勦十九日燒冠柴碼寇鎗凡傷公鼻準血涔涔下仍裹創督戰用地雷破寇壘六碉樓三楊林圍解 鍾念祖等復徇尾古城廠口 楊玉科繞道克復元謀破土環州馬街寇屯擒斬叛弁楊榮芝 是月劉公獄昭至曲靖張公凱嵩至蜀以病免

詔授劉公雲貴總督授公雲南巡撫授宋公延春雲南布政使公尋

於閏四月初二日在營接受關防 劉公派楚軍規尋伺

四月楊盛宗軍潰於功山楚軍將全祖凱馳往助防 楊振鵬

夜渡滇池犯九甲河口十九日公弟毓寶督兵迎戰大破之毀

海埂三營蹙寇入水溺斃千計 楊玉科克復武定祿勸羅次

閏四月回弁李仲入城謀叛馬如龍誘斬之 初四初五日

公弟毓寶會李維述攻破古佛寺各寇壘進克石虎關 馬如

龍破寇大虹山克其一壘 五月十四日公還駐響水關大營

輕騎入城二次巡視城防以弟毓寶所部爲遊擊之師 田仲

興攻新興復後裕鄉 是月初四日張潤結劍川圍紳何慎言

襲克州城分兵攻麗江鶴慶騰永寇分股赴援劉光瑛李鳳祥

等部因出圍龍陵扼斷蘭滄潞兩江渡口以攻騰永寇疲於奔
救後路日擾矣 劉公獄昭疏請令提督胡公中和率川軍援
滇

詔下川督崇實公行之川督派道員劉獄曙將二千八百人赴滇胡
軍仍不至 六月公赴呈貢督攻大敗援寇 楚軍合尋甸圍
寇復陷羅次 七月初二日梁士偉攻破晉寧城西門寇踞
半城力抗 馬宗龍等克元謀屬馬街 八月十四日克復呈
貢十五日公入城安撫 九月公派兵助攻晉寧二十日全城皆
復寇蹙焉 楚軍議遏草海水灌尋甸 寇復陷武定祿勸楊
玉科走還省營 鶴麗軍失利寇復陷劍川何慎言舉家殉張

潤退屯石門關 十月初六日公督馬忠等攻澂江寇乞降十四日收復郡城 二十七日鍾念祖等破邵甸七壘 十一月公還省城調度增派各路防勦 李維述敗寇廠口 黃文學敗寇欵莊 何秀林敗寇官渡 鍾念祖敗寇甸頭 是月初八日劉光瑛李鳳祥等克復龍陵鳳祥軍出杉木河分規永平雲龍 十二月初三日張保和克復富民 黃文學復祿勸鍾念祖楊玉科黃文學會攻武定 邵甸古城復陷二十四日李廷標復邵甸二十七日李維述復古城 是月尋甸圍師敗潰退保曲靖劉公嶽昭上疏自劾諸將降革有差 公子春榮春熙至軍省視適值尋甸潰師曲靖戒嚴省事亦劇驛路復梗

公仍令繞道還曲靖寬慰謝太夫人 是年閏四月初二日專
摺奏恭謝

天恩五月十六日馳奏省外官軍厯次戰勝並陣亡遊擊楊文忻等
十三員請卹一摺附片奏楊林戰狀奉

上諭李毓英臨陣打仗身受槍傷奮勇可嘉現在調治當已痊愈著
劉嶽昭隨時馳奏以慰厯系欽此二十七日馳摺奏旋抵省營布
置防勦附片奏請催解協餉又片奏帶傷已愈奉

旨覽奏欣慰欽此八月十八日馳摺奏攻克州縣城池各路勝仗情
形陣亡遊擊金長壽等二十四員請卹並陳明准督臣函商軍
情由臣自行奏報以免遲延又摺奏司道庫及通省倉糧屢限

盤查附片奏陣亡千總張成樑鄧宗福請卹十月初六日馳摺
奏官軍肅清晉寧州城餘匪及各路勦辦情形又摺奏軍務方
殷京銅一時難辦附片奏參縱兵訛詐守備王文鳳革職十一
月十一日馳摺奏收復澂江府城各路勝仗並陣亡守備楊仕
代等十員請卹附片奏副將李維述等請開復處分又片奏呈
解僞印僞劄十二月初六日馳摺奏攻克富民縣城肅清澂江
餘匪分援新興嵩尋並陣亡守備馬鳴鑾等五員請卹附片奏
岑毓寶援勦出力係臣胞弟未敢擅擬獎敘奉

上諭同知岑毓寶著以知府用嗣後續有勞績著咨由劉獄昭奏請
獎敘欽此又會奏遵保節次出力員弁開單請獎一摺恭進雲南

輿圖一摺附片奏查明同治二年克復城池員弁請飭照單注冊又片奏已革知州王家霖等員請開復處分又片奏總兵范清等請免按律定擬留營効力又附奏廸東釐金歸併省局管理又片奏叅監造火藥失慎千總萬繩武革職留營効力二十日馳摺奏尋甸官軍失利後路喫緊糧餉支綃並陣亡千總李安貴等五員請卹附片奏協餉請改撥隣省又摺奏查明藉差延不同滇各員開缺另補附奏兵勇數目俟挑足造報又馳奏應陳滇省軍務現在籌畫情形酌擬八條一選定兵勇六萬分路進取輪班戰守一兵勇勿須外募就調集本省練勇八萬餘人中汰選足資得力一擬易勇爲兵俟事平歸伍以復舊制

一練勇餉項酌立章程仍由地方籌捐供支一籌備軍食地丁
錢糧全數改徵糧米仍抽捐釐穀俟事平裁止一劃定兵餉每
月需銀八萬兩本省稅課釐金所入得半餘待協濟一協餉請
改撥隣省方濟急需一選任鎮將宜取知兵能戰不拘資格奉
旨下部分別議行 公旣握疆節益感激發舒統籌全局規畫戰守
引爲已任不避小嫌劉公獄昭亦和衷虛己慎事遂日有起色
自後疏報軍事詳公奏稿中此第件繫條舉不復覩縷鋪敘尋
常陳奏事件則擇書其稍重者而已

李襄勤公年譜卷三

己同治八年公四十一歲

正月初四五日公會同馬如龍攻江右館破寇碉十四寇槍子
洞穿如龍衣甲 初七日呂鎮南劉興克柯郎 十一日何秀
林破援寇於邑市 十六日楊玉科岑寬德克柯渡 二十六
日鍾念祖黃文學克武定 二十七日張保和鍾念祖軍會克
羅次 是月楚軍復進攻尋甸 迹南寇謝洪馬國泰竄據師
宗屬洛紅甸豆溫鄉 二月初二日馳摺奏克復武定羅次兩
城及邵甸古城柯郎柯渡各巢陣亡都司王瓊等十六員請卹
附片奏出力員弁請獎又片奏馬如龍宋延春請開復前得降

留處分又片奏土藥仍舊止稅抽釐又片奏劣生私刻圖記冒
取夫糧查明正法又摺奏差委須員請飭部揀發查催 初三
四日寇大股圍楊林初八日陷之何秀林帶傷潰走宜良寇進
圍大板橋前鋒竄至省東羊芳凹牛街莊興復寺距江右館六
里許公與馬如龍出扼其前派弟毓寶抄截其後力戰三日復
羊芳凹牛街莊興復寺寇退居十里鋪小偏橋圖斷糧道省防
喫緊徵各軍入援 是月初七日張保和破富民烏龍堡寇碉
十四毀其老巢 二十六七日蔡標馬和擊敗洛紅甸豆溫鄉
踞寇陣斬馬國泰師宗肅清 二十五日馳摺奏嵩尋賊竄稻
楊林圖斷省東糧路官軍堵勦情形並攻克師宗縣屬洛紅甸

豆溫鄉縣境肅清陣亡都司馬恩才等三十一員請卹附片奏
馬如龍傷重自請開缺並陳明東南回心視如龍爲輕重請

賞假調理毋庸開缺又摺奏協餉請改撥鄰省釐金以濟急需附片
奏各省關欠餉開單報核又摺奏第十卯捐輸請獎附片奏知
府鍾念祖前捐知縣執照請飭部填給又片奏各部院發滇公
文請暫交兵部附入馬遞專摺奏謝年終

恩賞

是月馬世德竄踞彌勒屬竹園村檄梁士美軍進剿 元謀
防軍援省馬街寇復入踞縣城 四月初四日馬周結僞大司
衛姚得勝襲陷澂江署知府楊保恒參將崔萬象死之 十三
日馳摺奏澂江復陷自請議處並陣亡文武請卹 援省軍四

集公督鑾戰十六日大破蕭家山十里鋪小偏橋三壘乘勝
躡寇至長坡六十餘里中毀寇百餘碉斬馘數千計 二十一
日公同馬如龍攻克南城外羊神廟四壘如龍中礮子傷腹甚
重 二十六日公弟毓寶等進攻楊林克連路寇壘十三座 二
十八日李維述段朝相攻克富民屬團山 五月初二日公弟
毓寶等攻克楊林 初四日馳摺奏大破省東寇壘乘勝攻克
楊林圍山軍務大有轉機陣亡千總陳萬朝等八員請卹附片
奏馬如龍力疾臨陣身先破棚中礮傷重情形 是日公弟毓
寶會楊玉科圍攻嵩明僞大司寇李芳園僞大司平馬興堂挾
僞帥女蔡杜氏以城降玉科解降人至省公以興堂撥隸楊玉

科部隨征以蔡杜氏交馬如龍派回婦收管令作書招其夫蔡廷棟歸誠以芳園陰狡叵測並其黨宴洪等十餘人駢誅之芳園本宜良革生乘軍興爲亂掠東而西附杜逆稔惡最久其誅也人皆稱快十六日高發陳定邦彭子祥復白井十七日李維述克羅次上甸寇屯縣境肅清進復大腰站祿賤以規祿豐截斷迤西大路李廷標夏毓秀進攻安甯何秀林進攻易門分截迤西小路張保和創愈進攻昆陽以遏省壩寇糧圍攻新興竹圍各軍連獲勝仗楚軍克復尋甸收降馬天順馬廣李家福移軍入省會勦是月

詔授馬公如龍雲南提督

賞內府丹藥四料。六月初三日馳摺奏克復嵩明各路勝仗附片
奏騰永圍練克復龍陵又片奏夏毓秀請開復原銜又片奏提
督唐友耕援滇魯甸回民驚擾委員馳往調辦又片奏澂江回
弁馬良驥等請革職研訊又片奏逆女蔡杜氏逆姪楊鳳翔分
別管禁。初五至二十七等日公督軍攻克李家地老鴉營大
營寺各隘。七月初十日馳摺奏疊破附省賊壘各路分勦情
形陣亡守備劉興周等二十一員請卹。十五日公弟毓寶會
張保和克復昆陽屬海口。十六日李維述等克元興永濟阿
陋草溪各井乘勝收復廣通屬捨貲。十七日黃文學克琅井
二十一日楊玉科克黑井。二十二日李維述克廣通屬羅川。

范清等克安甯屬八街 八月初一日何秀林等克復易門
初八日馳摺奏克復易門縣城及黑琅各井海口羅川各隘
又代奏馬如龍謝

恩賞內府丹藥又片奏籌發嵩明難民籽種 是月初八日楊玉科
錢大川克復大姚 初九日張仕進克復廣通 時省寇歸路
已斷勢日窮蹙僞大司戎馬國春杜逆所遣節制羣寇者病死
江右館諸酋不相統攝公偕馬如龍復用間離之心日攜貳僞
大司疆段成功先獻款十三日公與馬如龍李家福於城外嚴
兵以待成功率所部五千人舉南面數十壘歸降西北兩面寇
壘二百餘一時驚擾官軍督降卒連夜掩擊至十四日一律蕩

平僅餘南面江右館北面馬村西面土堆三巢十五日攻克江
右館擒斬僞監軍大參軍楊崇章僞大都督蔡廷棟據棉花行
馬如龍勒令擒獻僞大司藩安文義以降是夜馬村寇乘雨遁
併入土堆省圍解嚴 十七日公弟毓寶等克復安甯 十八
日馳摺奏攻破附省三面賊壘省圍已解並克復大姚廣通兩
城附片奏克復安甯州城又附奏請更降目段成功名永忠馬
興堂名永順並給都司職銜以爲反正者勸 二十六日李維
鏞等克復南安 李維述等克復楚雄 九月初三日黃文學
徐聯魁等克復定遠 張保和攻昆陽急馬光明乞降而楊振
鵬懼誅猶嵎負馬如龍馳往諭振鵬出見預令保和及公弟毓

琦伏兵東門外擊殺振鵬十二日收復州城捕振鵬兄振鴻並
叛弁馬聯魁等駢誅之 十六日馳摺奏克復楚雄南安定遠
三城陣亡守備張星等十八員請卹附片奏軍營擒獲賊酋馬
清等飭知府鍾念祖就近訛明正法又奏遵查前保出力員弁
請照原案給獎又奏彙報第二十二次捐輸請獎 二十三日
王鍾祥克復彌渡 是月劉公獄昭至省城 十月十七日會
摺馳奏克復昆陽州城各路勝仗陣亡守備馬春等十員請卹
又奏議覆馬恩溥條陳事宜附片奏逆族楊鳳翔等正法梟示
二十七日劉興克復紅岩張潤克復永甯土府進克麗江屬
鳳柯大具臘寶東山各里 十月初七日陳定邦等克復寶

川初十日王鍾祥攻蒙化陣亡十三日何秀林等克復祿豐十六日公偕劉公獄昭馬公如龍督各軍攻破土堆僞大司政劉成僞大司助米映山撲滇池溺死擒馬德良楊景修等酋目十餘人分別斬釋省會全境肅清二十三日張潤克復麗江是月楊裕培丁耀龍楊存初等軍進規鄧川浪穹軍無紀律聞克城寨旋復失陷十二月初五日會摺馳奏攻克土堆賊壘附省一律肅清並克復祿豐縣城陣亡都司劉陞廷等十九員請卹又摺奏遵保力解省圍並節次克復城池出力員弁開單請獎又片奏司道籌防出力請獎又片奏總兵李家福出力請獎又片奏各屬災荒田畝請免錢糧又附奏總兵特克

慎等請開復原官三片 初九日張潤克復劍川進攻鶴慶浪
穹 十五日張家銘林光耀克復緬甯 二十日摺奏查明各
屬遺失關防印信請補鑄頒發又摺奏省垣廟祀諸神護佑地
方請

賜匾額 是月公弟毓祥子春榮至省省視隨命還曲靖奉謝太夫
人至撫署就養 是年春四川將軍崇實公總督吳公棠奏派
前雲南提督唐友耕統軍援滇五月次昭通友耕故大關人姦
民流言友耕將先勦昭東回族復仇回大恐皆據寨自保公與
劉公嶽昭檄促友耕馳援省城以解之並派總兵全祖凱知府
吳春然往勘兼保護漢寨使至則唐軍已與魯甸回接仗漢回

互傷唐軍尋擊破同寨回獻其酋李本忠乞降公與劉公急咨
川省撤唐軍回川唐軍入滇凡九月幾釀巨患於是東昭始安
庚同治九年公四十二歲

正月二十四日奉

上諭劉獄昭另片奏岑毓英之胞弟隨營出力懇恩獎勵等語知府
岑毓寶着免補知府以道員分發省分遇缺前先補用並賞給額
圖璋巴圖魯名號知縣岑毓琦着免選本班以同知直隸州知州
分發省分遇缺前先補用欽此 是月許繼衡等克復威遠 竹
園寇竄擾廣西州東山張保和擊敗之 李鳳祥楊萃等大破
永昌寇於諸葛營 田仲興攻新興馬忠攻澂江皆失利 二

月初八日公出省督徵江軍攻復中關大了口九村各壘 是
日黃文學攻永北東山陣亡 十五日馬公如龍出省督新興
軍 十六日劉公嶽昭出省至公中關營次會勘地勢籌商進
攻之策住八日還省 二十二日會摺馳奏克復麗江緬甯彌
渡賓川劍川等城馬街紅岩各巢軍務日有起色請

勅催各省協餉並陣亡遊擊率永昌等六員請卹附片奏會籌徵江
新興軍務察勘地勢情形又附奏籌撥馬如龍軍營專餉又附
奏迪東道蔡錦青隨辦營務又片奏副將黃文學陣亡請卹專
摺奏知府岑毓寶等謝

恩獎擢又摺奏滇省軍務漸清本年文闈鄉試堪以依期舉行並請

帶補戊午己未兩科歸併取中附片奏委署知府各缺 三月

馬如龍攻破新興城外各壘截斷東溝寇援總兵田仲興陣亡
如龍亦受槍傷 張潤大破浪穹寇於鄭家莊赤洞壁九氣臺
進復縣城寇分踞峩墩鳳羽鄉 丁耀龍楊存初破鄧川寇於
新橋復州城寇退踞魚潭坡已而寇援大至鄧浪復陷張潤退
扼白土營丁耀龍等退保羅川 四月初一日楊玉科克復姚
州斬馘六千餘級擒僞大司軍馬金寶僞鎮東大將軍藍平貴
檻送省城梟誅姚州淪陷十餘年城堅寇悍力攻八閱月始克
之寇中奪氣 李鳳祥王祖佑等軍收復雲龍 段永忠叛於
雲州 大理寇大舉出援東路趙州蒙化雲南縣官軍皆挫退

寇復陷彌渡 五月初一日馬公如龍克復新興陣斬寇酋田慶餘移師勦辦河西屬大小東溝老巢 公督勦澂江自四月以來連日接仗次第破寇二十餘壘 二十七日會摺馳奏克復姚州隨摺保總兵楊玉科等並陣亡都司陳春等十二員請卹附片奏澂江竹園軍情又片奏段永忠復叛請撤銷保案又片奏迤西道趙樹吉派駐楚雄會籌進勦又片奏洋人武齡等出力請獎 是時楊玉科與李維述不睦公馳書和解之而檄玉科專辦鶴慶浪穹賓川鄧川維述專辦鎮南雲南蒙化趙州以專責成 是月玉科自姚州西上敗寇於雲南驛前鋒段瑞梅蔣宗漢等收復鄧川 六月公製木碉數十具併力攻澂江

寇破龍王廟妥白村雙樹村各巨壘毀寇碉四十餘
攻破鎮南附城鸚哥山堡子山寇壘 楊玉科敗援寇於賓川
遂解城圍 張潤軍會段瑞梅蔣宗漢復浪穹 七月寇復陷
鈕川浪穹段瑞梅合張潤軍退扼白土營張潤自劍川馳援雲
州叛寇段成功竄永昌李鳳祥軍大破之於施甸 李維述軍
攻補渡敗挫 八月初旬公督軍日夜攻澂江破附城寇壘百
餘平毀西山村西街子寇寨 十六日降目蔡廷棟攔蔡杜氏
潛逃出城尋緝獲蔡杜氏正法廷棟竄大理 十九日會摺
馳奏攻克澂江西山村西街子等處賊巢陣亡都司袁亮等十
員請卹附片奏鎮南竹園等處軍情專摺奏恭謝年終

恩賞附片奏

臣

暫回省辦理文闈澂江軍務派岑毓寶馬忠接統又

摺奏彙報二十三四兩次捐輸二十日公還抵省署

是月初八日黃世昌等軍克復永北二十日楊玉科鍾念祖張潤

克復鶴慶二十六日李維述克復鎮南是月公四女生後

適武進周氏婿名世銘九月初六日具摺奏入闈監臨日期

並分布軍務情形附片奏鎮南鶴慶軍情是日公入闈監臨

是月楊玉科鍾念祖張潤等大破寇於白土營徐聯魁攻

賓川失利二十一日公出闈還署十月張潤收復浪穹進

破鳳羽鄉白米莊寇巢蔣宗漢段瑞梅收復鄧川進規上關

蔡廷棟馬年玉分路竄援永昌李鳳祥軍破走之十一日

會摺馳奏克復永北鶴慶鎮南三城附陳李維述楊玉科戰功
卓越懇

恩獎勵並陣亡千總楊本春等四員請卹奉

上諭賞給李維述楊玉科白玉翎管搬指荷包等件以示優異又會
奏彙保節次克復城池出力文武員弁附片奏總兵范清等請
開復原官又片奏委員查辦會澤縣差歐斃遊擊楊玉麟一案
又摺奏武闈鄉試未能依限舉行擬請展緩辦理又摺奏彙報
二十五次捐輸請獎閏十月張保和張來慶等攻克竹園寇
巢彌勒境內肅清十七日公出省赴澂江大營十一月十
五日公督軍攻破澂江附城五靈廟紅山鳳翔寺寇壘逼城穴

攻 是月楊玉科張潤合軍敗寇於長邑村鍊鐵進攻橋後并
克之獲僞龍韜大都督楊占鵬檻送省城梟誅占鵬杜文秀本
宗母兄也 張潤進規漾濞 馬公如龍破東溝寇碉三十餘
十二月初九日會摺馳奏克復竹園賊巢隨摺保張保和楊
國發等員並陣亡參將劉自馨等八員請卹附片奏攻克澂江
附城紅山各賊壘又片奏蔡廷棟蔡杜氏私逃出城又摺奏軍
餉奇絀請撥給有着的餉並請

簡派雲南京官督催報解又摺奏彙報二十六七兩次捐輸請獎又
摺奏迤西道趙樹吉因病呈請開缺 大理寇出上關分竄鄧
浪楊玉科鍾念祖等擊敗之 下關寇出竄雲南彌渡官軍失

利

辛未同治十年公四十三歲

正月公在澂江初二日總兵麟志等克復開化屬江那土城初
十日奉

上諭雲南軍務日有起色未經收復地方尙有若干各路帶兵將弁
某員勦辦何處均着劉嶽昭岑毓英繪圖貼說詳細奏聞欽此

是月四川蠻寇竄擾昭通邊境李家福等擊走之 馬公如龍
攻東溝不克 上關寇復出竄鄧浪楊玉科鍾念祖等擊敗之
張仕進攻彌渡敗挫雲驛小橋雲川三隘失守楊玉科李雜
述馳援大破寇於小橋復三隘 尉遲品玉等軍攻順雲敗挫

劉光瑛李珍國等攻克官乃山寇寨。公召子春榮春煦至澂江大營隨侍周閱各壘尋命春榮還那勞省墓公雖身羈軍旅而心繫松楸令諸弟輪替歲一回籍修墓卹族亦閒遣長次二子隨往祭埽。二月初一日公督軍克復澂江我軍自正月二十四日用地雷轟破城垣入城鏖戰者八日始奏肅清殲寇酋馬和李萃等十餘人屠寇罄盡先是澂寇延西寇姚得勝踞城得勝驍悍無匹尤習於迤西形勢往年西路戰陣官軍遇之輒挫公督重兵攻澂與之苦戰經年始合城圍得勝勢日困憊而用法嚴其婦弟彭永壽乃刺殺之來歸寇勢遂不支以迄於滅亡。裨將邵天貴嚴勝美等縱兵擾民公捕斬之。初八日

會摺馳奏克復澂江府城陣亡都司楊思潤等六員請卹附片
奏擾民將弁邵天貴等正法又片奏武闡鄉試請督臣代辦主

試又摺奏採訪忠義第三案 三月初五日楊玉科克賓居老

巢 李維述軍攻彌渡敗挫遊擊陳定邦陣亡 張保和攻破

茂克寇巢 馬公如龍攻克小東溝老巢斬寇酋合國治 四

月派弁會同廣西西隆州官紳殲除滋事土寇甯人王李品珍

二十四日公還省署 二十七日會摺馳奏攻克賓居賊巢

並收復雲龍州城陣亡遊擊陳定邦十二員請卹附片奏攻破

茂克賊巢又摺奏遵保克復澂江竹圍江那出力員弁開單請

獎附片奏派弁會殲廣西西隆州滋事土匪又附奏未經收復

地方派攻將弁遭

旨繪呈圖說 是時官軍已復三十二城其未復者大理永昌順甯
三郡城蒙化騰越二廳雲趙永平雲南四州縣耳 六月十六
日具摺奏軍餉奇絀地方復遇水災請飭催協餉以資補救又
摺奏彙報二十八九兩次捐輸請獎 七月二十三日李鳳祥
王祖佑等克復永昌 公以西事日順而東南尚有邱北屬之
曰者鄉臨安屬之館驛婆溪田心東溝五處寇巢皆距省較近
不宜留爲後患而派勦各軍苦戰日久漸成弩末馬公如龍又
新傷未痊迺商諸劉公嶽昭自赴廵南督勦二十五日遂由省
起行 八月初七日公行抵通海設糧餉軍火局委道員蔡錦

青司之十九日會摺馳奏遍籌全局分路添兵並督勦迤南踞匪附片奏克復永昌大概情形奉

上諭岑毓英親赴迤南督勦可謂勇於任事卽着激勵各營分投掃蕩延拔各巢肅清東南一路所有迤西軍務仍着妥籌兼顧等因欽此又摺奏遵保克復麗江永北鶴慶劍川賓川姚州鎮南城池出力員弁附片奏鹽法道沈壽榕飭赴新任九月十三日公進駐曲江二十六日公督軍攻破太平莊妙白山各寇壘收復五山夷寨十月攻破館驛四面寇壘逼圍土城十一月初二日會摺馳奏進攻館驛收復附賊夷寨附片奏迤西各路軍情又片奏陣亡署彌渡通判羅熙藻請卹又片奏副將楊林

被戕請卹 是月蔣宗漢張潤等克復永平縣城移攻曲硐老
巢 十二月十六日公督軍以地雷轟破館驛西北兩門與寇
共城而壘寇徧掘地窖入處其中隧道以通來往隙孔以施槍
礮我兵用西洋炸礮轟寇迄不能傷寇且伺懈而擊我乃如其
法穴地以自衛相持至明年秋始歲事鑿兵九地極戰陣之奇
苦然演軍地營之規制因是役而講求益精云 是月馬公如
龍創粗愈督軍攻克大東溝老巢寇酋馬成林等三十餘人悉
擒正法河西肅清 楊玉科破援寇於漾濞之哈臘左 李維
述攻克雲南縣附城三面寇碉 田心寇嗾其黨竄蹊開化屬
黑末夷寨張保和馳勦撲滅之

王同治十一年公四十四歲

正月十三日張保和攻克田心老巢寇酋馬世德等自焚死

二十五日蔣宗漢鍾念祖等軍會克曲碉老巢永平肅清

二十八日會摺馳奏攻破館驛兩門並克復田心賊巢附陳西路

軍情陣亡都司朱占鼇等二十七員請卹又摺奏計典屆期展

緩辦理又摺奏彙報第三十至三十二三次捐輸請獎附片奏

第十二卯捐輸請獎又附奏同治十年分各屬被災田畝分別

減免錢糧又摺奏循例密陳年終考語 二月張保和收復曰

者鄉 李維述楊國發等大破寇援於小橋雲南驛 楊玉科

軍破漾濞之馬廠金牛屯合江鋪各寇壘 是月公子春榮生

子德裕五歲殤。三月十四日楊玉科軍克漾濞上下街子老巢。李維述軍收復彌渡。李維述楊玉科軍會克紅岩。雲州軍失利參將梅洪順陣亡。四月十六日李維述楊國發等克復雲南縣。二十六日會招馳奏克復永平雲南兩縣城並曲硐漾濞各賊巢陣亡。參將李棟材等二十二員請卹附片奏收復曰者鄉並陳館驛婆溪軍情。楊玉科軍進攻趙州二十九日杜文秀自率萬人出援跟蹤敗歸玉科軍追至下關而還。五月初三日楊玉科軍克復趙州進攻大理下關。初七日蔣宗漢出天生橋閒道結內應襲奪下關。同日段瑞梅張潤李應舉等軍水陸並進亦克上關。十七日李維述楊玉科會

軍克復蒙化廳城維述進攻大小圍埂老巢 六月遊擊沈朝輔刺殺署臨沅鎮總兵梁士美公由營派何秀林等馳往查辦楊萃等攻克順甯屬公郎冠寨 七月楊玉科軍大破大理寇於五里橋 公命弟毓祥毓琦奉謝太夫人還那勞里第太夫人就養至滇逾十年水土不服常患嗽疾有鄉園之思故仰體其意 八月初四日會摺馳奏克復趙州蒙化兩城及大理上下兩關請將尤爲出力人員先行獎敘陣亡副將李廷標等四十九員請卹又摺奏梁士美被仇刺殺情形又摺奏軍務得手請飭催協餉附片奏永昌等府印信請補鑄頒發專摺奏恭謝年終

恩賞

初七日公有疾甚劇還通海醫調至月杪漸愈館驛軍事委

馬忠經理 公弟毓寶子春榮至營省視 是月尉遲品玉軍

克復緬甯 九月十六日張保和等收復婆溪 二十三日公

令馬忠計誘館驛寇酋馬敏功納善馬國政等擒而誅之許回

衆投誠分徙各村寨安插館驛乃定東南一律肅清 何秀林

捕斬沈朝輔 十月十二日會摺馳奏勦除館驛婆溪積年鉅

匪東南兩廻地方肅清陣亡遊擊趙廷雲等一百零四員請卹

附片奏瘴故道員周之珪請

敕部優卹又片奏陣亡副將李廷標請於館驛與周之珪合建專祠

又附奏委員辦理曲江善後又摺奏查明學政汪敘疇具奏滇

省情形據實覆陳又附奏道員王德材知府姚家驥同知陳泰琨等請獎三片總兵申有謀同知定森等請開復原銜二片又摺奏彙報採訪忠義第四案附片奏帶兵還省卽赴迤西督勦是日公自通海啟行十六日還省署時楊玉科軍自九月初十至十月初六日連克大理附城之三塔寺東岳廟五里橋上下碓鹿角莊豐成莊南門街各寇壘偪近城下越濠而營穿隧以攻十一月初九日公自省起行西征初十十三等日楊玉科軍以地雷轟破大理東南城垣進據內校場蓮花池寇憑西北及僞禁城而守二十六日杜文秀率死黨出拒楊玉科督將士力戰擊敗之文秀入僞禁城飲毒求死僞大司衡

楊榮僞大經略蔡廷棟等乞降昇文秀獻玉科營氣息猶屬即割其首解送省城 是日公行次鎮南州 二十七日馳摺奏遵

旨督攻大理自省西上行抵鎮南日期及各路打仗情形附片奏帶
關防赴營署中公事概由行營辦理又片奏知府孔昭鈁俟楊
玉麟案辦結再給咨北上 十二月初一日楊玉科派段瑞梅
蔣宗漢張潤李應舉徐聯魁等揀備勁卒先令瑞梅將二百人
偕署太和縣知縣譚席珍入城屯太和縣署諭寇薙髮繳械宗
漢等部陸續入屯各城樓 初四日公抵大理駐城南五里橋
大營玉科來見公稟商撫事公察寇懷反覆又憚酋狡黨猶衆

慮以姑息貽鉅患督玉科密爲聚殲計布署略定初七日玉科率親軍入城屯僞帥府初九日玉科令楊榮蔡廷棟暨僞大冢宰馬仲山等悍酋十三人出詣五里橋大營謁公公駢誅之卽舉號礮內外夾擊凡兩晝夜殲寇四萬計擒斬酋目二百餘人獲文秀子三女二十一日大理城內外一律肅清十九日會同劉公嶽昭由六百里馳奏克復大理府城首逆伏誅羣酋盡滅全郡肅清一摺奏言杜逆倡亂歷十八載攻陷五十三城西及四川會理東及貴州興義僞造禁城僭規王制直欲追蹤洪逆並駕一時官軍西征四次迄無成功咸豐六年提臣文祥調川軍助勦克紅岩圍賓居而東南各回圍省退兵還援則彌渡

雲南縣失矣九年提臣褚克昌克鸚鵡關雲南驛而館驛澂江
回衆攻陷廣通楚雄鎮南以襲其後則褚克昌全軍覆矣同治
二年臣毓英在署藩司任內連拔景東鎮沅永北楚雄廣通定
遠進規鎮南而馬聯升馬榮率霑益尋甸之衆占踞曲靖馬龍
平彝撤兵回顧則大理之役遂不果矣六年提臣馬如龍甫至
定遠前軍失利而合國安楊振鵬等內外勾結連失定遠楚雄
以次二十城則省圍幾莫解矣推原其故皆由東南黨援未除
則迤西寇氛愈熾故先從各路征勦克曲靖而東隅固解省圍
而內患清復澂江而內地甯平臨安而南徼定由此內顧無憂
遠圖易舉臣等所以先事東南而後專事迤西者職是故也並

陳明楊玉科謀勇兼優力當艱鉅懲

因破格優獎陣亡守備李正昌等一百員請卹解呈杜逆僞用金印
衣冠等件附片奏廸西未復地方僅餘順甯雲州騰越三城及
小猛統猛即錫臘烏土寨馬家村大小圍埂六巢現在分軍規
取情形 是月十五日李維述攻克大圍埂寇巢 二十四日
公親至蒙化軍營規畫戰事添派楊玉科會勦小圍埂

岑襄勤公年譜卷四

癸酉同治十二年公四十五歲

正月公在蒙化軍營 初二日派段瑞梅率軍進攻順寧 初四日派蔡標率軍進攻雲州 初五日楊玉科李維述等攻克小圍埂蒙化肅清 初九日江夫人卒於撫署奉謝太夫人函諭以賴夫人爲繼配 二十二日會摺奏攻克大小圍埂蒙化境內肅清並陳明提臣派攻順雲兵力尙單已遣段瑞梅蔡標往勦出力員弁楊玉科李維述等請獎陣亡副將岑寬德等二十三員請卹附片奏順雲軍務擬責成楊玉科督辦又摺奏查辦行刺梁士美首從各犯正法情形附片奏拆毀杜逆偽城改

修城署又片奏請開復和耀曾副將原官免繳捐復銀兩又片奏參革棄營私逃都司楊九貴嚴拏訊辦 是月楊玉科督後隊陸續進發順雲 二月初六日派李維述率軍進剿騰越和耀曾率軍進剿小猛統 十二日楊玉科軍攻克錫臘老巢 二十三日蔡標軍攻克猛郎老巢 二十四日奉到正月二十四日

上諭劉嶽昭岑毓英奏克復大理府城首逆伏誅全郡肅清并遵查已復未復城池各摺片杜逆自倡亂以來流毒十有八載攻陷五十三城據險負嵎其勢甚熾岑毓英於兵單餉絀之時激勵衆心堅忍耐苦先將東南各郡次第蕩平然後專事迤西卒使全郡肅

清渠魁授首實屬謀勇兼優功績懋昭劉獄昭遇事和衷共濟成績均堪嘉尚本日已明降諭旨分別加恩並將出力陣亡各員照所請獎敘俟該省全境肅清再行普沛恩施等因欽此 同日奉上諭劉獄昭岑毓英奏克復大理首逆伏誅全郡肅清一摺覽奏實深欣慰雲南巡撫岑毓英當兵餉支絀之時激勵衆心親臨前敵攻克堅城渠魁授首實屬謀勇兼裕調度有方深堪嘉尚著賞穿黃馬褂並賞給騎都尉世職雲貴總督劉獄昭與岑毓英和衷共濟克奏膚功著開復革職留任處分交部從優議敘記名提督開化鎮總兵楊玉科著賞給騎都尉世職並賞給白玉翎管一枝白玉搬指一個玉刀一柄大荷包一對小荷包兩個等因欽此其同

案奉

旨優敘者總兵段瑞梅副將徐聯魁等二百餘員奉
旨優卹者陣亡守備李正昌千總木映芳等一百員皆公前疏所請
也 二十五日楊玉科督軍克復順寧 三月初三日會摺馳
奏克復順寧府城並錫臘猛郎兩處賊巢陣亡守備楊昌善等
七員請卹附片奏總兵李維述帶兵起程赴騰越督勦又片奏
遵

旨籌辦大理等處善後事宜又片奏滇省由粵採辦洋槍無論行抵
何處請飭悉數截留又片奏道員吳寶森籌餉出力請獎又摺
奏查明雲南各銅礮實在情形請

敕部籌撥工本以資採辦又摺奏本年雲南鄉試堪以依限舉行附

片奏廸西道陳席珍飭赴新任專摺奏恭謝

天恩賞穿黃馬褂並給騎都尉世職又代奏總兵楊玉科叩謝

天恩 是日王誠攻克騰越烏土寨寇巢 初七日李維述等攻克

馬家村寇巢 四月初三日楊玉科蔡標等克復雲州 十三

日會摺馳奏克復雲州陣亡遊擊伍起雲等四十五員請卹又
摺奏策保節次克復城池賊巢出力員弁開單請獎附片奏逆
子杜宗楊杜廣楊先後病故杜成楊及幼女一口發司監禁俟
及歲起解又片奏同知曾元廣等留營差遣又摺奏大理府知
府景興久不到任請開缺另選附片奏雲南府知府等缺以臨

安府知府熊昭鏡等署理又摺奏永善縣知縣高國鼎調補昆明縣知縣二十日和耀曾等攻克小猛老巢五月初四日李維述等克復騰越廳城雲南全省皆平六月初九日會摺馳奏克復騰越廳城並小猛統烏土寨馬家村各賊巢雲南全省一律肅清一摺奏言臣等伏查雲南軍務自咸豐六年迄今十有八載不惟官紳兵民死亡者難以數計卽前任督撫臣或死於危急或死於戕害或死於憂勞禍如燎原不可嚮邇蓋由滇省地處極邊毗連外域一州一縣多縱橫數百里峻嶺崇山蠻煙瘴雨兵少則不敷分布兵多則糧運爲艱賊匪踞險負固意在割據內結漢奸則人鮮異心外連諸夷則退有餘地故大

理已破而餘孽猶踞順雲騰越百戰而後克之此用兵之難也
滇省地瘠民貧承平時錢糧稅課尙不敷開支歲需外省協濟
軍興以來正款收穫無幾協餉積欠尤多滇軍每名月餉六錢
且不能屆時卽領此籌餉之難也方_臣等用兵之初羣雄別戶
而分門內外懷疑而構怨既苦於

君門萬里懸訴無由更苦於轉戰數年成敗未定處危疑之地無時
不惕厲戰兢幸蒙

朝廷軫念邊陲不棄庸陋界之疆甿寬以歲月凡舉得力將弁悉邀
破格

恩施各將弁兵民感激

皇恩高厚

聖主憂勤無不投命致身毀家紓難
收得晚劫運而睹昇平是皆仰賴

皇上宸謨廣運

訓示周詳

治炳中興

功邁前古樞部諸臣籌策劃餉費成定遠之勳臣等遭逢際會倅免

愆尤曷勝慶幸第念傷亡將士眷屬無依烽火殘黎元氣難復
惟有督飭地方各官將善後事宜妥籌辦理以期長治久安並
陳明總兵楊玉科縱橫轉戰掃穴擒渠立功以之爲最應如何

加恩破格優獎之處出自

聖裁其餘出力員弁開單請獎陣亡副將張漢威等三十三員請卹

附片奏提臣馬如龍總兵馬忠張保和何秀林吳永安戡定東

南疊著戰功均請

賞穿黃馬褂以昭激勸又片奏布政使宋延春按察使程誠糧儲道

韓錦雲鹽法道沈壽榕補用道張同壽通籌糧餉克濟時艱懇

恩優予獎敍又片奏四川兩湖廣東江蘇江西浙江各督撫藩司協

助軍餉願持大局懇

恩分別給獎又片奏陝西道員徐輔清駐渝會籌滇餉出力懇

賞鹽運使銜花翎又摺奏滇省軍務肅清善後經費孔亟請

敦催各省協餉附片奏擬將民兵釐穀自本年以後永遠裁止並請免積年民欠錢糧又片奏查訪各屬土司分別整頓又片奏總兵陸純綱等所部粵勇先行遣撤回籍欠餉核明補發由廣東協餉撥發清款又片奏總兵明慶知縣鮑廩久陷賊中現在逃出請

旨辦理又摺奏署順雲協事楚雄協副將魁昌孤守緬寧廳城四年之久城陷闔門殉難死事最烈懇

恩優卹並於緬寧建立專祠以該員家屬並同城殉難之知府汪堃陣亡之知州吳景蘇把總何懷清被戕之耿馬宣撫司罕恩澤把總楊玉成等附祀以彰忠節附片奏記名提督和耀曾之父

大理城守營都司和鑑被賊戕害母和趙氏投水自盡和鑑已
得卹典和趙氏請照例旌表並准於大理合建專祠又片奏楊
玉科帶兵在營遲造軍政履歷請免議處並請免騎射又片奏
花翎總兵銜副將黃世昌請開復銜翎又恭摺密陳籌辦善後
撤勇固不可緩馭將尤須得宜滇中諸將多籍隸本省或齊團
起義累功而至崇階或率衆歸誠受

恩而膺顯秩其循規蹈矩者固不乏人而跋扈驕恣者亦所在而有
州縣畏其權勢百姓受其魚肉不惟刑名案件每多礙難卽稅
課錢糧亦難清理當此大難初平亟宜整頓吏治蘇息民困武
員中籍隸雲南官職較大例應迴避者懇

恩敕部分別調取進京

陞見量移別省使馴良者得資甄陶狡黠者失所憑藉潛移默化委

曲保全並陳明軍務肅清請與督臣分起北上 是月鎮康土

知州刀闊歲圖灣甸土知州景佩南甸宣撫使刀守忠戶臘長

官司賴天福先後至大理見公訓勉遣還 閏六月二十日賴

夫人卒於省署 七月初二日具摺奏旋省辦理鄉試暫留提

督楊玉科在大理同巡西道陳席珍會辦善後事宜又代奏楊

玉科謝

恩賞加一雲騎尉世職附片奏已故革職巡撫徐之銘懇

恩開復處分並給卹典又摺奏前督臣勞崇光功德在民請於雲南

省城建立專祠附片奏前督臣恒春慶價自裁其妻博禹特氏相夫以義同時身殉懇

恩敕部分別旌卹又片奏軍營瘴故道員張同壽等請卹又片奏漳故叅將李和請卹又片奏傷故遊擊馬士成等請卹又片奏演民貧苦棉線布疋概免收稅並將棉花稅則酌減又片奏提督段瑞梅等二十一員并請免騎射又片奏籌建麗江府城垣又片奏清查叛產安置殘廢無業兵勇並變價修葺各屬昭忠祠書院又片奏收繳軍械分發各營伍存儲備用又摺奏酌擬移設綠營以裨地方又片奏揀委道員蔡錦青署糧儲道並會辦軍需釐金局務又片奏委道員顏培高會辦駐川催餉收捐又

名言集
摺奏第三十六次捐輸請獎 初六日公由大理啟程旋省

十一日次普淜奉到閏六月初十日

上諭劉嶽昭岑毓英奏官軍攻克騰越廳城並各處賊巢雲南全省肅清一摺覽奏實深欣慰雲南巡撫岑毓英親臨前敵調度有方用能肅清全省著賞加太子少保銜該撫前經賞給騎都尉世職著加恩改爲一等輕車都尉世職雲貴總督劉嶽昭籌備戰守克竟全功著賞穿黃馬褂雲南開化鎮總兵楊玉科戰功卓著前經賞給騎都尉世職著加恩改爲一等輕車都尉世職等因欽此其餘文武員弁獎擢有差 十九日公還省署 八月初六日專摺奏旋抵省垣日期辦理善後情形又摺奏迤東道李祐病故

員缺暫委曲靖府知府賈鐸署理請

旨簡放專摺奏謝

天恩賞加太子少保銜並一等輕車都尉世職又摺奏叩謝年終恩賞附片奏停止馬如龍湖北專餉仍解重慶轉運局又片奏騰越

鎮總兵李維述丁憂開缺請

旨簡放又片奏廣西提解土匪張世顯韋裳飭司發交解往又片奏請飭部頒發空白貢監從九執照填發指生 是日公入闈監

臨二十日公出闈還署 十月初六日公下闈典校武鄉試

總兵博昌會考 十五日試竣取中武舉如額 十六日楊玉

科至省見公稟商散勇善後事件 二十七日具摺奏遵

旨議復雲南酌辦撤勇停捐課吏事宜附片奏吏治營伍財用三者爲立國之根本欲整頓吏治必先停捐欲停捐必先足用欲足用必先易勇爲兵臣管窺蠡測如有可採請

旨敕下臣擬卽滇省先行試辦疏入奉

上諭軍興以來募勇籌捐本係一時權宜之計軍務平定自應規復舊制免滋弊端滇省已就肅清據該撫查明所部粵勇除遣散外所餘不過千人其籍隸本省勇丁挑選精壯充補綠營兵額餘令歸農歸廠自謀生理所奏深合機宜卽著會商劉獄昭督飭得力將領將現在各營勇丁分別遣留各勇准其充補兵額仍著該督撫隨時勤加訓練束以營規俾成勁旅其遣散各勇尤須妥

爲安置免致滋生事端至該省及各省所設捐局既可裁撤即行查明奏聞一律停止以免有名無實滇省變亂日久仕途既雜吏治宜及時講求該督撫當慎選賢能牧令與民休養生息遇有庸劣各員亟應隨時甄別毋任濫竽厯年收捐款項卽著該督撫查明實數應如何加廣學額中額之處請旨辦理另片奏吏治營伍國用各節深明大計卽著照所議辦理停捐裁勇滇省能先舉行足見該撫勇於任事著與劉獄昭和衷商辦實事求是整頓地方用副委任該撫所議各節本日並諭令各省督撫等酌度情形籌議具奏矣欽此 同日摺奏滇省鹽務廢弛多年遽難復舊請予限試辦附片奏廻西各井皆已歸官廻南正飭清理又片奏滇

省善後未完奏事夾板仍由驛遞又摺奏訛明失守城池總兵
知縣各員照例議擬附片奏各府廳州縣遺失印信請補鑄頒
發又片奏查明路南州知州蔣維鏞被戕死事實屬慘烈 時
劉公獄昭疏請入

觀奉

旨報可

命公兼權總督公具摺奏瀝陳下情籲懇

天恩另行簡員署理督篆並陳明總督衙門應行事件由臣遵卽接

辦所有總督關防暨

王命旗牌暫存司庫 十一月初八日劉公獄昭交卸關防北上

二十五日摺奏道

旨查明雲南應行調劑撫恤情形附片奏各營勇餉各省協餉省城軍需局各處糧臺皆至十二年十二月底分別概行停止裁撤又片奏杜逆派人在緬甸開設元興元發二商號查有貨物本銀約共三萬四千餘兩委員提給永昌騰越帶兵武員李鳳祥王誠等充賞並陳明緬甸國王呈請進貢又片奏前署提督褚克昌遺愛在民請於雲南省城大理府城各建專祠又片奏督署公文委中軍副將督同書吏查記封固又片奏道員盛世豐給咨赴選又片奏署糧道迤南道蔡錦青俸滿北上所遣糧道缺委候補道崔尊彝署理又摺奏滇省軍需報銷積累年久酌

擬變通辦理請將自咸豐六年起至同治二年正月無可稽查之案免其報銷自同治二年二月起至十二年底止除前任督撫在川黔收支各款未准移交有案無憑造報外凡本省收支軍需各款有案可查者按照同治三年

諭旨將款目總數分年分起開具簡明清單奏明存案免其報銷俟同治十三年後仍按年造冊呈報以符舊制並陳明本省各屬民間捐供勇營工食釐穀等項分別飭查遵

旨請加中額學額八片奏候補州同李應庚按照提督李朝斌例免其歸宗仍補下本生母憂十二月初五日職員楊汝楫刺殺知府孔昭鈞於省城寓所以痛親情切殺仇自首公飭司收禁

立派府縣相驗 十三日公督同司道提訊楊汝楫一案 二十二日具摺奏彙保克復大理蒙化趙州出力員弁開單請獎附片奏總兵呂鎮南請免騎射又摺奏採訪忠義第五案 二十三日具摺奏搜捕餘匪殲除窩匪土目罕恩正又摺奏在籍職員因仇刺殺撤省查辦之知府請

旨革職嚴訛懲辦又奏彙報第三十七八兩次捐輸請獎又奏滇省藩庫收捐第三十卯請獎附片奏飭部催發前請貢監從九執照又片奏和耀曾等捐復銀兩在滇繳清又片奏前金鄉縣知縣李人驥賠款據其子李鈁華繳清請開復處分又片奏前迤西道林廷禱太和縣知縣毛玉成署提標中軍叅將懷唐阿於

咸豐六年在大理府城殉難慘烈請在該地建立專祠以殉難
官弁紳民附祀

甲戌同治十三年公四十六歲

正月初八日原摺遞回欽奉

硃批覽奏已悉岑毓英向來勇於任事朕所深知雲貴總督仍著該
撫兼署將地方應辦事宜悉心經理毋許固辭欽此 卽日行司
賣送關防接受啟用 十九日提督馬公如龍交卸北上公檄
委普洱鎮總兵博昌署理提篆 二十四日專摺奏兼署督篆
日期恭謝

天恩又摺奏採聞越南有警籌防滇邊附片奏用滇交界巴蠻時擾

挑兵巡防又片奏請頒發雲南鹽法道巡西迤南道

敕書 二十八日准部咨題請開復降二級留任處分十二年十二

月十二日奉

旨岑毓英降留之案准其開復欽此 二月十八二二十五等日

公在署考試文職各員 二十七日具摺奏遵

旨易勇爲兵停止捐例並整頓錢糧稅課釐金附片奏委崔尊彝總
理釐全局務又附奏武職廉俸請免搭鈔又附奏提臣馬如龍
欠餉擬由兩湖協餉補發又摺奏遵

旨整頓吏治考核各項人員分別議擬附片奏開化鎮總兵楊玉科
鶴鹿鎮總兵張保和遵

旨進京陞見檄委蔡標李文益署鶴鹿開化兩鎮篆務又片奏請頒

發雲南提督

王命旗牌又片奏張保和請免騎射專摺奏開復處分恭謝

天恩 三月十八日具摺奏藩司宋延春呈請開缺回籍養病並陳

明先行揀委鹽法道沈壽榕署理請

旨簡放又摺奏移設鹽提舉員缺附片奏副將錢大川等請免騎射

又片奏雲南府知府等缺委大理府知府毛慶麟等署理 大

理同馬新德自幼赴西域朝天房學經而歸傳教三迤同尊信

之咸同聞大吏主撫同疊保授德新二品伯克銜掌雲南同教

冀其化導約束德新狡險屢煽同爲變馬榮之踞省垣也德新

居督署稱護督謀僭號平南王會公與馬公如龍破寇乃止然與杜文秀仍往來交通亂平德新自知不爲滇人所容避匿新興同寨年已七十矣公慮其惑衆貽患是月密派總兵馬忠捕誅之並磔其黨馬應鸞馬尙雄收繳新興尋甸回民軍械分別安插歸業漢回皆悅 四月二十二日具奏捕誅要逆遣散降回一摺附片奏陳查收槍礮分撥操防又片奏清查省城漢回霸佔房產 謄越之克也僞大司空李國倫逃入烏索同寨地界緬邊煙瘴極惡回目柳應倉乞降願獻首自效遂罷兵後李維述遣都司蔣湘士率三百兵往收軍械勒獻國倫應倉疑懼誘殺湘士坑三百兵上年秋維述督軍進勦會丁憂解任徐聯

魁代之公檄令赴軍並益以蔣宗漢和譚曾之軍會勦是月初九日攻克寇巢應倉閭門自焚國倫走雲峰山搜斬之中匈

歸化寺僧因宰只木聚衆刦掠派記名提督李廉舉捕獲正法

五月十三日馳摺奏勦滅騰越烏索叛匪陣亡遊擊顧定侯

等五員請卹又摺奏委楊國發署普洱鎮總兵吳永安署昭通

鎮總兵附片奏臣部粵勇多係泗城府三屬之人隨臣勦賊滇

黔陣亡不少現在總兵覃修綱等自行捐貲擬於西林縣建陣

亡副將岑寬德等專祠以勇丁附祀懇

恩列入祀典又摺奏雲南臬司程誠降調員缺揀委道員貴齡署理

附片奏委員管解犯官明慶等赴部發遣六月二十六日具

摺奏彙報第二次考核人員附片奏摺獲逆匪馬映東等正法
又片奏請揀發正途州縣十四員赴滇委用 七月十六日摺
奏道

旨移設綠營請頒發遊擊都司關防附片奏署提督博昌由省進駐
大理以符定制又片奏委蔣宗漢署騰越鎮總兵又片奏考試
武職月課章程又片奏補用州同毛鴻儀嫡母毛梁氏罵賊被
害請旌 八月十五日具摺奏京銅定限起運惟查今昔情形
迥異請變通銅本運費並陳明揀委丁憂道員鍾念祖等督辦
厥務附片奏糧儲道韓錦雲飭回本任道員崔尊堯仍委總辦
釐金會辦善後採訪各局又摺奏應陳滇省餉需缺乏請

欽定四庫全書
卷一百一十一
五
敕催各省補發欠餉附片奏請

敕部咨發緬甸進貢表式又具摺奏結楊汝楫一案又摺奏採訪忠義第六案專摺奏恭謝年終

恩賞

二十八日公赴校場核閱督標撫標城守營官弁馬步槍箭

是月永北賓川交界校羅箐清風寺妖道朱洪順作亂派記

名提督李應舉等往捕十三日格殺其黨趙洪李洪順生擒朱

洪順訛明正法 景東直隸同知凌應梧等七獲硝硝匪首何

應壽正法 是月公命長子春榮次子春煦扶江夫人賴夫人

柩歸粵卜地安葬於臨桂縣城東堯山先是公以西林距省會

二千餘里子弟讀書應試既苦道遠又渺觀摩有僑居臨桂之

意廼命二子於營葬後購宅於省垣水東門內仁壽宮井巷留居讀書迨公奉諱歸後增置田宅建立廟望爲長久計而以西林祖遺產業公之諸弟云 九月二十六日具摺奏查明節次出力人員開單請獎附片奏第三次考覈文職各員又片奏文武減成養廉請支實銀免其搭鈔以示體恤又片奏陣亡景東直隸同知鄭自燿景蒙營遊擊特通阿功德在民請於景東建立專祠又附奏殲除中甸賓川景東滋事僧道士匪又片奏考覈省標員弁又片奏請頒發騰越鎮總兵

王命旗牌 是月越南黃崇英夥黨苗冠竄入開化蒙自交界大窩子擾踞新現戈姑大黑山各寨官兵旋撲滅之 十月初五

日具摺奏滇省軍需用款遵照部議章程分別開單報銷又摺奏遵

旨清查雲南通省荒熟田地酌擬應徵應減錢糧成數開單恭呈
御覽附片奏各屬商牲稅課暫擬儘徵儘解又片奏新授雲南布政
使潘鼎新接印任事十二月十八日具摺奏滇省紳民歷年
捐輸請分別廣額設學開單恭呈

御覽附片奏粵勇欠餉請加廣廣西全省中額泗城府西林縣學額
又片奏總兵楊玉科報效所部欠餉懇

恩量予獎敘又片奏官軍撲滅越南竄滇苗匪又片奏緬甸國王進
呈馴象二隻擬於明春解送京又片奏滇省應辦計典暫請

展緩又片奏州縣陋規病民清查裁革又片奏第四次考覈文職各員又摺奏遵

旨酌擬改設石膏井提舉員缺應辦事宜並查明課額不敷緣由二十四日專摺奏糧儲道韓錦雲病故出缺委員接署請

旨簡放附片奏設立交代總局清釐各屬交代又摺奏採訪忠義第七案附片奏滇省欠發各款酌發減成實銀 是年公納側室

長壽唐氏 廣南蓮城書院公昔曾應課其中喜郡人之不以畛域分也至是捐廉二千金令弟毓琦攜交郡紳置產添濟書院膏火

李襄勤公年譜卷五

乙亥光緒元年公四十七歲

正月初四日接奉

哀詔驚聞上年十二月初五日

穆宗毅皇帝龍駁上賓公慟哭失聲卽率城中文武員弁成服赴五

華山

萬壽亭哭臨三日日三哭 二十八日專弁賛奏泣陳愚悃籲懇
聖躬稍節哀情一摺 二月二十日具奏緬甸貢使抵演循例委員
護解進京一摺附奏遵

旨覆陳一片又片奏開化鎮總兵楊玉科鶴麗鎮總兵張保和先後

由京回滇飭回本任又片奏滇省文報改歸貴州正驛行走又
片奏滇省秋審案件展緩辦理又摺奏楚雄協副將等缺揀員
開單請補附片奏武職月課獎賞請仍照前擬章程以示體恤
三月初五日接總理各國事務衙門咨查英國繙譯官馬嘉
理在滇邊被戕一案先是上年冬有英吉利國繙譯官馬嘉理
執總署護照出京道滇入緬公派州判周祥送之出境馬嘉理
既去而騰越傳言洋人將田綱至騰互市又有洋兵藉互市襲
城之謠騰紳李珍國者以團練殺寇功敘參將權南甸營都司
受代將行騰人議保境馳書珍國聯絡土司沿邊會哨有司不
得而禁也會馬嘉理偕其國官兵柄卽復由緬入滇次蓋建士

司屬南平河聞野夷梗道柏郎止不前馬嘉理獨進正月之望至蠻允宿佛寺次日出迓柏郎行至戶宋河邊遇野夷遊匪刦殺馬嘉理及其徒四人柏郎還稩英公使訴於

朝執謂李珍國所爲其詞多所牽連 初九日馳摺奏英國繙譯官馬嘉理在滇邊被戕一案現准咨會實深駭異已委總兵楊玉科會同迤西道陳席珍知府徐承勛馳往騰越督同地方文武親到邊境查勘據實稟覆如果在土司屬地卽責成鎮道嚴拏匪徒究辦不致稍涉含混並陳明請

敕總督照會英使達知印度英官不得派兵入界其由稩赴京英官暫且改道行走免再另生枝節 初十日奉到

上諭總理各國事務衙門奏英國繙譯官馬嘉理在滇被害請飭查辦一摺英國注意雲南等處已非一日現欲借此開釁以爲要挾之計亟應加意籌防着李毓英將此案確切查辦並着劉獄昭迅卽回任會同該撫持平辦理毋得稍涉含糊一面遴派明幹之員帶領得力弁兵前往就近駐紮借彈壓土司爲名暗杜彼族不測之謀或騰越一帶本有兵勇屯戍卽由該督撫相機密籌不可過事張皇亦不可稍涉疏忽總期邊釁可息後患無虞方爲妥善等因欽此 二十三日馳摺奏遵

旨籌辦邊務現在布置拒防英人如果不候查辦擅自派兵入關滋擾惟有據險設伏以禦之附片奏英國由京派員來滇觀審自

未便強阻若欲赴邊地及由緬派員入滇途中難保無事應行
阻止 同日具摺奏委楊玉科署理雲南提督張保和調署開
化鎮總兵附片奏道員鍾念祖等辦獲京銅一百萬斤委員分
起領解北上又片奏文武廉俸請發減成實銀 四月十六日

奉到

上諭總理各國事務衙門奏探聞英國欲派兵進滇藉端滋擾並聞
威妥瑪出京時俄使與之密商英兵進滇俄兵亦由伊犁進使中
國首尾不能相顧等語赫德亦稱該國現派兵五千由緬甸藍貢
海口至雲南交界處所駐紮英國蓄志在雲南通商已非朝夕此
時適有馬嘉理一案倘辦理稍有不善難保不墮其術中所聞各

節虛實雖未可知亟應先事綢繆妥爲防範此次彼族狡焉思逞
總由此案而起使在我果能實事求是在彼亦無隙可乘總之馬
嘉理無論爲何人所殺均應澈底確查秉公辦理方足以折其心
而籍其口滇省野人雖居鐵壁關外其地倘屬中國不得謂非中
國管理設馬嘉理非野人所戕而諉之野人或實係野人所戕而
謂野人非王法所能及勢必如上年臺灣番社之事彼族即可派
兵自辦遂其奸計大局所關實非淺鮮着劉嶽昭李毓英恪遵前
旨迅將此案確切情形據實奏聞並一切持平妥辦毋稍含糊仍
遴派得力將弁前往駐紮由該督撫隨時妥爲布置相機籌辦以
重邊防而弭後患等因欽此 二十日馳奏遵

旨覆陳一摺奏稱馬嘉理一案臣已飭楊玉科等認真查拏務得真
贓實犯不准稍涉含糊英國駐綏兵官自宜靜候查辦倘以通
商要求竟自入關滋擾欲效俄人之竊據伊犁則守土之臣應
死城郭臣惟有與地方文武帶領兵團極力堵擊生死以之附
片奏滇省礙難逼商情形又片奏撫綏土司以固藩籬 同日
摺奏揀員升補安平中甸同知等缺附片奏彷照直隸等省設
立練軍又附奏第五次考覈文職各員又附奏請

敕四川迅解協滇新餉 二十六日奉

上諭總理各國事務衙門奏遵議籌辦海防事宜各摺片雲南四川
廣東廣西福建各邊境皆有洋人窺伺並着各該督撫整頓吏治

軍政留意交涉事件以固邊防毋得輕啟釁端等因欽此 五月

十一日奉

上諭劉長佑奏防勦越南逆匪河陽爲黃逆老巢水陸可達滇省其普高地方亦緊接滇疆現在粵軍進攻河陽並擊勦普高賊匪該逆窮蹙難免不伺隙奔突着劉獄昭岑毓英多派兵勇於沿邊各要隘嚴加防堵毋任匪蹤竄逸欽此 十六日奉

上諭本日有旨派李瀚章前往雲南查辦事件着卽迅速赴滇將馬嘉理一案會同該督撫秉公訊結不可稍事耽延尤不可稍涉含混等因欽此 十七日奉

上諭岑毓英奏馬嘉理一案遵旨查覆各摺片刻下能將馬嘉理之

案安速辦竣彼族自無可尋釁岑毓英惟當飭令楊玉科等審慎
籌辦一商妥爲布置自固邊防毋得冒昧從事轉致不可收拾昨
已諭令李瀚章馳赴滇省查辦此案着卽會同該督撫秉公辦理
等因欽此 二十日馳摺奏查明馬嘉理被戕實係野人刦殺現
在拏辦情形附片奏聞英使威妥瑪帶兵至漢口欲來雲南現
飭查探確情又摺奏參辦玩視郵政之署露益州知州謝順衢
附片奏採訪忠義局添派雲南紳士隨同經理 六月十九日
馳摺奏防堵越南逆匪陳明滇餉支絀不能出關會勦謹當嚴
防邊隘附片奏悉駐綱英兵尙未越界滇邊仍加意設防又
片奏同治二年以前雲南軍需收支案卷遺失仍請免其造報

又專摺奏福建侯官縣命婦翁林氏年登百歲五世同堂請旨旌表 七月初五日專摺奏審明京控案件按律議擬附片奏加

派署永昌協副將和耀曾督催騰越文武拏解戕殺馬嘉理凶犯並調署同知吳啟亮參將李珍國等來省訊質又片奏責西道余思樞熟習洋務檄調赴滇會辦洋案又片奏殲除嵩明漏網賊匪馬五先鋒等又片奏請於泗城府城內建立臣部粵軍陣亡員弁兵勇昭忠祠列入祀典又片奏第六次考覈文職各員又片奏雲南京銅改從海道由廣西廣東江蘇直隸籌撥運費 二十八日馳摺奏騰越文武稟報拏獲戕害馬嘉理囚犯九名追出贓物數件俟訊取確供解省審辦附片奏英國副將

柏郎欲由滇赴緬須俟案結一年後以免疎虞 八月初六日

公入閩監臨本届

恩科鄉試 初八日奉

上諭着吳棠傳知前侍郎薛煥迅速赴滇幫同李瀚章訛結馬嘉理
一案欽此 十一日川滇交界游匪洪均白易照臨王添貴等竄
擾鎮雄屬威信州判地方焚署縱囚檄文武馳往相機勦撫
二十日公出閩還署 二十六日貴州巡撫曾文成公璧光因
病出缺 是月越南寇黨竄入開化屬大窩子總兵張保和何
秀林撲滅之 九月初四日文闈揭曉 初六日馳摺奏騰越
文武稟報前後拏獲戕害馬嘉理凶犯共十五名皆係野人并

獲馬匹賊物由和耀曾吳啟亮李珍國親解來省已於八月十九日自騰越起程附片奏緬甸國王遣官賚書致送象牙禮物過於拒郤恐啟猜疑謹收存司庫答以衣料茶葉仰副

朝廷懷柔之意堅其內附之心又摺奏採訪忠義第八案 初十日
鎮雄營參將朱文德知州宋德基擊潰大寨踞寇王添貴等竄
據播泥寨各處村屯 十二日具摺奏報貴州巡撫因病出缺
日期又摺奏派撥官兵勦撫鎮雄遊匪參辦失守地方之州判汎
弁附片奏撲滅竄入開化越匪 十九二十四等日和耀曾等
解犯先後到省飭司收禁 十月初一日馳摺奏拏獲戕害馬
嘉理凶犯提解到省日期又摺奏查明昆明縣屬田賦不均酌

擬更正附片奏以陸涼州大哨地方改歸路南州管理俾便巡
緝盜賊 初八日公下閩興校武鄉試普洱鎮總兵博昌會考
十四日試竣取中武舉如額 十五日馳摺奏官軍攻克鎮雄
州屬大寨踞匪又摺奏滇餉支絀現擬變通章程請

敕准各省欠餉常年兵餉附片奏參索餉鼓譟之副將李棠秀請革
職遞解回籍又摺奏遵保節次出力人員開單請獎附片奏保
楊玉科博昌又片奏滇省考覈開缺停委各員學習期滿請准
照舊供職又具奏據情懇

恩仍加雲南鄉試永遠中額一摺 二十三日李公瀚章薛公煥抵
滇以貢院爲行館 二十四日會摺馳奏請將吳啟亮蔣宗漢

一併撤任暫行革職歸案審訊 是月總兵吳永安攻破播泥
寨各匪鎮雄肅清 十一月二十二日奉到

上諭前據岑毓英奏請加雲南文武鄉試永遠中額各十名當經部
議與新章不符改爲加廣一次文武鄉試中額各十名茲復據該
撫奏稱雲南自軍興以來紳民竭力捐輸十有餘年覈計捐銀一
千零七十餘萬兩從未請加中額與他省已加永遠中額者不同
仍懇加雲南永遠文武鄉試中額等語加恩着照所請雲南文武
鄉試各加永遠中額十名以示嘉惠士林之意該部知道欽此

二十八日奉到

上諭李瀚章等奏行抵滇省並合籌大概情形一摺據稱馬嘉理被

戊 一案查係騰越紳氏誤聽謠傳集團自衛該處不法匪徒與野人乘機滋事地方官未能先事防範以致釀成事端本日已明降諭旨將辦理不善之署總兵蔣宗漢同知吳啟亮撤任暫行革職歸案聽候審訊矣卽着李瀚章等懔遵迭次諭旨認真辦理務將案內緊要情事情節一一研究明晰所有調兵阻擊栢郎等情及牽涉李珍國之處並吳啟亮等有無指使情弊均須查訊的實總期衆供確鑿有以折服外國人之心庶觀審之員不至有所藉口欽此 是月鄧川州夷目羅洪昌羅寬元等因州差緝案凌虐夷民遂刦殺書差數人據知州戴作舟至東山夷寨囚之 齋州妖人董傳言夷寇李保受等作亂焚掠村寨撲犯州城 十二月

初一日馳摺奏甯州妖匪滋事派員管帶練軍馳往勦辦附片
奏遵

旨嚴拏遊匪 初十日會摺馳奏卸署南甸都司參將李珍國計阻
洋人入境查有端倪請革職歸訊 十二日官軍疊破甯州
冠巢陣斬董傳言餘寇併聚婆溪鄉 二十一日馳摺奏官軍
疊克甯州賊巢殲除首要 二十四日官軍攻克婆溪鄉冠巢擒
斬李保受 二十六日馳摺奏攻克婆溪鄉賊巢州境肅清附
片奏鄧川夷匪滋事刦囚州牧檄大理文武帶兵查辦又片奏
鎮雄王添貴股匪已經撲滅又片奏續辦京銅請仍照前次章
程發給本腳銀兩又摺奏採訪忠義第九案又摺奏請改撥常

年兵餉又摺奏捐廉建立雲南省城昭忠新祠祀文職道員周之
珪等三十三員武職副將田仲興等六百零九員勇丁三萬六
千二百八十二名現已工竣懇

恩列入祀典 是月二十四五六等日官軍攻破鄧川東山夷寨擒
斬羅洪昌等救出戴作舟 時劉公獄囚回任行次貴州以逗
遛罷

詔授劉武慎公長佑爲雲貴總督 是年恭遇

皇上御極慶興

恩廩一子 漢爲西南極邊軍興而後文武官陣亡瘴故率無力歸
葬其家屬亦多不能自存而燕晉秦隴齊豫及隸東三省旗籍

者爲尤難軍務大定公令蒲司查出向設故員幫項又自捐廉

俸酌提外銷餘款分別遠近資送挈家歸柩先後凡數百員

丙子光緒二年公四十八歲

正月恭遇

覃恩請封三代及本身妻室皆封光祿大夫一品夫人二十日領

詔命四軸二十二日奉到

上諭李瀚章等奏請將御署都司革職歸案訊究一摺前署雲南南
甸都司李珍國於馬嘉理被戕一案據供騰越衆紳聞洋人帶領
多兵前來齊圍各保身家曾與通信等語是否另有情節亟應澈
底根究李珍國著先行革職交李瀚章等提同已革總兵蔣宗漢

已革同知吳啟亮分別研鞫以成信讞該衙門知道欽此 二月初二日馳摺奏勦辦鄧川州屬東山夷匪擒斬首要各犯州境肅清並奏參知州汎弁革職提訛附片奏請於嶍峩縣城建立殉難知州彭畊專祠又摺奏遵

旨保舉記名提鎮何秀林吳永安楊國發蔡標和耀曾等五員 三

月初二日具奏修復書院籌發生童膏火一摺奏言雲南省垣舊有五華育材兩書院軍興以來育材書院被賊焚毀五華書院亦遭損壞膏火無出絃誦久虛臣於同治七八年間破賊解圍收復黑元永各鹽井後卽與司道籌商由井按銷鹽一百斤抽釐金銀三錢隨收經費銀五分以釐金接濟餉需以經費修

理五華書院增設學舍又擇城內空閒祠宇改建育材書院分
延院長王講課士揀委監院教職規復舊章每月所需院長束
脩監院薪水生童膏火月課卷價約共合銀五百數十兩均由
鹽井經費項下發給近年舉行童試鄉試帶補歷屆科舉取士
如額復蒙

皇恩加廣學額中額士子感激奮興來省肄業者更多應添膏火舍
鹽井經費無可籌撥通省鹽井自應一體酌收經藩司會同鹽
道釐金局妥議將橋後一井鹽釐經費按照黑元永抽收白井
雲龍麗江喇雞鳴景東鎮沅按板石膏磨黑猛野各井滷淡價
廉減爲每百斤收釐金銀一錢五分經費銀三分內除石膏磨黑

猛野喇雞鳴四井經費留修各署外其餘各井經費悉提省添
發書院膏火臣惟此項經費在商民所增有限在土子受惠無
窮如經理得人自可行之永久但專歸鹽道管理難免日久弊
生臣已飭將鹽釐經費一併提歸釐金總局責成藩司會同該
局司道督飭委員認真經收與鹽道所收鹽課互相稽查以昭
覈實其應發膏火等項不准剋扣短少倘有侵挪卽照錢糧正
款詳參以副

朝廷嘉惠士林之至意仰懇

敕部立案俾垂久遠疏入奉

旨該部知道欽此附片奏雲南距京八千餘里士子北上旅費維艱

臣於同治十三年以巡撫衙門東邊鄰街餘地捐廉起建鋪面六十三間自光緒元年正月起招商賃住取租派省城紳士二人三述紳士各一人公同經營並責成雲南府昆明縣各教官隨時稽查以每月共收租銀九十兩借與商號行使每兩每月收利息銀一分以三年計合應存鋪租銀利息共合銀三千五百零八兩二錢每年給經管紳士五人薪水銀一百五十兩按年更換另給交代食費銀十六兩三年共應發銀四百九十八兩實存銀三千零一十九兩二錢擬發進京會試文舉每名銀十兩武舉每名銀五兩外有

朝考之優拔貢生亦每名發銀五兩統名會試卷金所餘銀兩留備

恩科發給及修理鋪面之用銀請

敕部立案庶年久不致爲不肖官紳把持侵吞又附奏修復普濟堂應給錢米於鹽經費盈餘項下撥放又摺奏補報各捐局在同治十二年以前所收捐項作爲第三十九次報捐又摺奏鄧川滋事夷犯提省訛明按律懲辦 三月初七日會摺馳奏遵查英官馬嘉理等被戕被阻詳細情形覆陳請

敕總理各國事務衙門會同刑部籌議定擬以成信讞一摺 李公瀚章薛公煥等以查辦事竣先後出演

朝命大學士直隸總督李公鴻章會英使議於烟臺訂立新約於雲南等處通商以免究既往保護將來定讞結案 同日奏第七

次考覈文職各員附片奏委何秀林署開化鎮總兵任士斌署
鶴麗鎮總兵附片密陳楊玉科張保和俱籍隸雲南鄉里畏其
權勢州縣更難同寅現在邊防稍鬆若任其久在雲南恐非保
全之道且馬如龍業經調任相形之下亦恐退有後言懇

恩飭軍機處於別省查缺對調並請

敕雲南提督胡中和迅速到任以重職守 是日亥刻聞訃謝太夫
人於二月二十八日卒於那勞里第公悲慟不已次日設位成
服 初九日奏報丁憂開缺一摺照例將總督巡撫關防封固
收存應辦事件委布政使潘公鼎新代拆代行 四月十三日
准劉公長佑咨擇於二十四日在途接篆委員資送總督關防

二十二日奉到

上諭李毓英現在丁憂雲南巡撫著文格補授未到任以前著潘鼎新署理欽此潘公鼎新旋於二十四日接受巡撫關防先後交御督撫關防日期當卽恭疏

題報 五月公五女生 是月移住富春街西道公館清理經手

事件 是時署騰越鎮總兵段瑞梅貪縱溺職標兵索餉譁變瑞梅棄城走參將蘇開先因據以叛盡達妖人王道士與之合於是順甯土豪悍弁戕署知府徐承助據郡城並陷雲州永昌降人李潮應之逃西大擾劉公長佑潘公鼎新每就公諭商軍事公亦規畫無隱劉公檄署提督楊玉科總兵和耀曾蔣宗漢

李應舉副將丁槐等分道往討不百日悉平之 七月公奔喪
起行取道貴州鎮遠湖南洪江以九月至桂林省城 十月自
桂林返西林過賓州至城南石合嶺謁宋知永甯軍事始遷粵
西祖蘿山公墓 十一月至西林抵家哭殯 是月謝太夫人
葬那勞寨北那訕山

丁光緒三年公四十九歲

正月公修建西林岑氏宗祠後立義塾復徧謁先祖墓治冢墓
二月自西林起行還省過泗城謁宗祠族人皆會公捐俸置
祠中義田若干畝義學一堂以田租備束脩膏火并贍族人之
孤嫠疾困者 泗郡院試向附南甯後改設專棚於百色公倡

捐二千金交紳耆籌捐經費創建考棚 五月至桂林於居第之旁增購地基遵

會典立家廟廟後爲家塾鳩工庀材費萬餘金歷三年而落成又以萬金置買房屋田地歲收租入爲廟塾義產後復撰立家廟碑銘家塾四箴並審訂經費章程編於族譜 族人之聚處於各郡者皆函書存問分別助資俾建支祠立義學其子弟來見留秀良者廿餘人闢文武二塾課之 桂林有同善堂創自勞文毅公筦以紳士司利濟諸善舉而賓興獨無費公以士爲民首力與紳士籌增自是北上者薄有舟車之助 太平泗城鎮安三郡距省會遠前學使司業池公生春於省垣桂山秀峯宣

城諸書院增置邊課膏火以待三郡士之來學者亂後款漸不繼公捐俸二千金以半添邊課半添常課 榕門相國陳文恭公爲公最所景慕權滇藩時爲文以祭文恭具述倖蹕前武景行不逮之忱及來桂林乃以暇日躬詣西鄉展謁文恭祠墓見棟瓦甃石頗有侈剝子姓貧窮勢將不能保有祠宇因捐金四百買田界其奉祠之裔歲供祭享修葺餘以資其生計 僚友故舊以緩急告無不量爲佽助至是廉俸所餘揮斥畧盡曰吾起寒素今子孫衣食粗足不敢厚貽以益其過也 是年恭奉

頒賞

欽定勦平粵匪方畧

欽定勦平捻匪方畧各一部遵卽呈請廣西巡撫代奏謝恩

戊光緒四年公五十歲

春夏之交久不雨桂林米價日昂窮簷愁歎公發私廩平糶

六月禫服公痛念前居鄧太夫人承重憂以奉

旨留營墨經治軍私心抱憾復補穿孝百日併呈起復 十月公納側室畢節周氏 十一月束裝北上初四日公自桂林買舟而行長子春榮隨侍過祁陽遊浯溪 十二日公次子春煦生子德復 十二月朔過長沙見湘撫邵公亨豫過武昌見兩湖總督李公瀚章鄂撫潘公翥過安慶見皖撫裕祿公過江甯見兩

江總督沈文肅公葆楨渡江至揚州已臘杪矣遂留度歲謁史忠正公衣冠墓歷探梅花嶺平山堂諸勝

岑襄勤公年譜卷六

己卯光緒五年公五十一歲

正月至清江浦見漕督文彬公渡河至王家營賃車陸行紓道
至鄒縣謁亞聖孟子廟至曲阜謁

至聖先師廟見衍聖公孔令詒觀金絲堂彝器謁復聖顏子廟又偕
衍聖公孔令詒出謁

望林及述聖子思子墓 是月杪過保定見大學士直隸總督李公
鴻章 二月十二日入都門寓東安門外賢良寺 十三日昧

爽趨

朝見軍機大臣於朝房蒙

召見奏對數十語退朝謁恭親王於邸第及軍機大臣寶鋆公等

十四日又

召見奏對數十語退朝 旋移寓城南興盛寺又移下斜街孫宅

閏三月十三日內閣奉

上諭貴州巡撫著岑毓英補授並加兵部尙書銜欽此 十四日遞

摺叩謝

天恩 二十八日具摺請

訓蒙

召見奏對語尤詳移時退出 是月公子春澤奉諭入京援例報捐

主事錢分工部學習 四月十二日公出都經過河南湖北湖

南各省 是月公子春榮考試廩生五月引見奉

硯筆圈出外用旋改捐郎中籤分戶部學習行走 六月二十五日
公行抵貴州鎮遠府接受貴州巡撫關防 二十七日拜發抵
黔接印日期一摺 是月公子春榮自桂林送眷赴黔值公洪
江命先行入省 七月初四日專摺奏行抵下游開梵靜山尙
有餘匪飭屬籌辦大概情形附片奏遵

旨籌議道員羅應旛條陳黔事尙有可採容俟詳查復奏又片奏布
政使林肇元等飭回本任 是日公起程赴黔省初十日抵省
署 八月初四日摺奏籌商整頓吏治營伍情形附片奏道員

易佩紳曾紀鳳委管營務會辦上下游改防勇爲練軍又片奏本科鄉試照例入闈監臨又具奏遵

旨詳細據實復陳已故革職巡撫徐之銘被參情節一摺又摺奏湖南協黔捐局第四十二卯請獎 初六日摺奏黔渝成三局收捐請獎 是日公入闈監臨 二十日公出闈還署 二十二日公三子春澤生子德固 九月初六日具奏考驗實缺武員一摺附片奏候補武員嚴飭操練候考又片奏委道員梁金誥吳寶森駐催川鄂協餉 十二日摺奏遵

旨通盤籌畫力求撙節核實每年應需餉項數目附片奏先撥的款以清欠餉又片奏閩省協餉請改撥滬漢關款又片奏貴西道

衛署移建畢節又摺奏湖北協黔捐局第四十卯請獎 二十八日摺奏湖南捐局第四十三卯請獎 十月初二日公下闈
典校武鄉試提督張文德會考 初八日訪聞哥老會匪已革
總兵楊海泰等歃血結盟圖占省城謀爲不軌將於初九夜起
事卽日密派武營將弁帶兵查拏五日之內先後拏獲匪首楊
海泰等八名發司道訊明正法 十五日試竣取中武舉黃藻
章等二十五名 二十五日具奏拏獲會匪楊海泰等訊明正
法一摺附片奏官軍攻拔梵靜山賊營並現籌圍勦餘匪情形
又片奏土會各匪刦盜重犯請就地懲辦又片奏以滇軍撥補
上游練軍用資戒備 十月初三日具奏裁遣冗員一摺又

代奏藩司林肇元陳請

陞見一摺又摺奏派員統帶練軍接換湘省防營二十日具摺奏改防勇爲練軍挑補綠營馬步戰兵仍留防守要隘擬議章程辦理一摺並章程十二條又摺奏下游新設碉屯未臻妥善籌議更正又片奏記名提督何秀林等留黔差委是月委辦梵靜山知府劉廷忠丁憂寇乘換防之際復出竄擾公派貴東道易佩紳記名提督何秀林馳往會勦檄各屬文武分布堵截屢有斬擒附近地方稍安然寇踞朝陽寺舉賢溪老巢山林險阻未能深入大創之也十二月十五日公次子春煦生子德溥十八日具摺奏查禁私鑄及行使小錢

辰光緒六年公五十二歲

正月二十四日摺奏常年兵餉有撥無解請另撥有著之餉定限報解附片奏催各省迅解減歲月餉暨指撥的餉又摺奏遴員接辦梵靜山餘匪疊有斬擒附近地方稍安附片奏委道員張煦署理臬司又附奏權授副將英商麥士尼爲能著有勞績請給二品封典及回國川資二月初四日具奏保曉擊獲哥老會匪十一員弁一摺附片奏道員張日崙延不赴湘催餉請以原品休致時御史黃元善戈靖先後奏請直省宣裁減勇營歸併各局奉

上諭通飭辦理十五日公具摺奏稱臣自上年秋到黔後易勇爲

兵以馬步戰兵爲練軍防守要隘人數悉照兵額營名皆仍舊制以留營守兵分防城池塘汎曾經具奏交議至黔省各局如碉屯志書等局早經裁撤城防保甲採訪清查等局已併入善後總局辦理從前黔省兵餉局費各項開支每歲用銀三百萬二百八十餘萬兩不等現在收支銀不過一百八十萬兩已屬刻苦節省並無浮費 同日奏擬同提臣分校營伍並親往梵靜山查辦恭報出省日期一摺附片奏順路查看地方情形又附奏湖南鳳凰廳屬苗匪滋事偏近松桃分派員弁防勦又摺奏銅仁府知府汪元慶調補貴陽府知府 十七日公出省赴上游松關大定黔西畢亦歸化平遠等營以次皆竣 時四川

總督丁文誠公寶楨亦出閩蜀邊營伍三月初八日公與會於畢節談讐三日二十一日公還省署辦理秋審二十九日馳摺奏黔省官兵會勦湖南鳳凰廳屬之董倒寨苗匪現已撲滅地方安靖附片奏伺秀林等攻破梵靜山朝陽寺舉賢溪賊巢又片奏奉

簡派

臣查閱本年貴州營伍俟校閩省標後遵卽出省查閱又摺奏

補報湖南協黔捐局第四十四卯收捐請獎四月初六日專

摺奏謝年終

恩賞又奏黔省歷年軍需收支各款按季造冊送部核銷一摺附片奏派道員蕭德揆換防黎平屬白水中潮等處又片奏各捐局

報銷玩延又片奏叅知府聶培廉浮收釐金請以通判降補又
摺奏在籍革員饒文斗浮收社穀按律定擬附片奏委道員顏
培鼐接辦報銷局務又片奏知府馮翥鵬等接辦常德九江各
轉運局 是日公出省赴下游校閱營伍 二十六日馳抵梵
靜山軍營是時山寇經官軍勦捕彌年殲斃已衆餘黨屢聚金
頂後洞公往覘形勢不能力攻命布長圍嚴斷接濟會得寇謀
貸其死令誘寇出竄五月初九夜寇竄出至觀音巖殲焉擒寇
酋楊滿等十九名梵靜山肅清 十二三日校閱銅仁松桃各
營 十四日公在烏羅甸大營說明楊滿等正法 十七日馳
摺奏搜勦梵靜山積匪全股殄滅附片奏冒暑患痢擬暫回省

調治又摺奏記名提督林從太等請借補永安協等缺。公摺
起程順道校閱思南石阡遵義長寨各營完竣。六月初六日
還省署。二十四日摺奏請催欠餉附片奏威寧鎮總兵鍾開

蘭請

旨陞見並請給假回籍省親又附奏總兵鄧有德張保和請卹。七
月初六日摺奏道員蕭德揆等積勞瘴故請卹。二十七日附
片奏四川渠縣知縣杜瑞徵捐黔省恤嫠銀四千兩請將該員
三代名氏在籍合建一坊又附奏陳明決過蠹役徐治家等罪
狀。八月初六日摺奏移置銅仁安化縣治劃正經界附片奏
長寨同知羅斛州判擬互易改設又片奏暑退病痊仍出省校

閱營伍 是日公出省赴上游閱安順威寧安義永安定廣長
壩安南冊亨普安各營以次校畢於威寧會雲貴總督劉公長
佑談讌二日九月初一日桐梓縣會匪畢香亭糾黨踞老廠
楊村壩爲亂初三日犯縣城爲兵圍擊敗擒斬寇目五人公時
駐普安檄調將弁會勦初五日破老廠初八日破楊村壩追至
仁懷縣屬尖茶溪蹙寇入水殄除淨盡獲畢香亭田洪山解省
訊辦二十五日摺奏黔省歷年陣亡殉難官紳婦女開單請
歸附片奏重慶捐局十三次至二十四次收捐請獎十月初
五日公還省署十八日訊明畢香亭田洪山正法十九日
附片奏殉難知縣孫翹江專祠請列入祀典二十日馳摺奏

撲滅桐梓縣會匪地方已靖 是日公出省沿途校閱新添都
勾上江古州黎平朗洞荔波下江清江鎮遠台拱天柱各營十
一月二十日行次清平縣調閱丹江黃平平越凱里四營二十
七日還省署 十二月初九日公親臨校場閱視省標各營冬
季合操 十六日摺奏查閱通省營伍一律完竣附片奏閱視
省標各操又片奏記名提督吳占勝等請免騎射又片奏請將
武職蔬紅例馬免搭鈔票守兵月餉免扣搭錢朋銀 二十日
摺奏黔省交代依限結報附片奏請鑄給荔波營遊擊關防又
片奏已故四川候補府經歷李芳之妻徐氏節烈請旌又附奏
請注銷黎平府屯田舊案又摺奏節次勦匪出力人員開單請

獎附片奏前署貴州提督趙德光專祠請列入祀典

辛巳光緒七年公五十三歲

正月十九日具奏革除苗疆積弊一摺奏稱道員羅應旌條陳各件臣與司道悉心籌議除已革之弊勿庸再議外其一土司現飭不准凌虐苗民包攬錢糧擅理詞訟違者革黜停襲其一屯衛現飭屯糧歸地方官上納屯軍歸武營管轄其一苦缺現議古州等廳官吏瘠苦酌給經費役食其一義學現飭清查公產多設苗寨義學勸喻改裝薙髮送子讀書酌請月給學額附片奏挑撥苗弁就歸貴東道考拔開操二月十五日摺奏提

臣張文德傷發出缺請

簡放以重職守所遺篆務暫委何秀林護理奉

上諭貴州提督著羅孝連補授鎮遠鎮總兵著和耀曾補授欽此

附片奏黔省秋糧分別酌量折徵于限十年再復部章又附奏
對調同知佐雜各缺候部覈復二十五日具奏移設縣治並
改移同知州判擬請分撥官兵駐劄以資控制一摺附片奏請
頒繩斛同知等關防又摺奏道員異自發^去請補貴東道二十一
八日專摺奏謝年終

恩賞又摺奏黔省光緒三四五年分各屬短徵關稅羨餘仍請蠲
免三月二十二日摺奏請補清江協副將各員缺又摺奏請
補古州鎮中營遊擊各員缺附片奏收捐貢監銀兩封存由部

撥用又摺奏武職廉俸抵捐虛銜第一卯附片奏委道員吳自
發儲裕立辦理革除苗疆積弊事宜 四月初十日專弁賛奏
恭慰

大孝一摺 二十七日奉到初八日

上諭岑毓英著調補福建巡撫貴州巡撫著勒方鑄調補岑毓英著
卽赴新任勒方鑄候岑毓英到後再行赴任均著毋庸來京請訓
勒方鑄未到任以前貴州巡撫著林肇元議理欽此又奉

上諭本日已有旨將岑毓英調補福建巡撫勒方鑄調補貴州巡撫
並令岑毓英卽赴新任矣臺灣爲南洋門戶防務緊要日本前議
琉球一案未允所請該使臣悻悻而去難保不藉端生辭自應思

患預防嚴行戒備今毓英久懸戎行諸習兵事卽著責成該撫將臺灣防務悉心規畫與何璟會商布置務期有備無患其開山撫番未盡事宜亦當體察情形次第經理以爲久遠之計該撫當隨時前往該郡履勘延閱實事求是認真整頓用副委任遇有緊要事件卽由該撫親往督辦至福建沿海防務並著該督撫妥籌辦理毋稍疏懈將此由四百里諭令知之欽此 五月初六日具奏

整頓通省學校請

敕部立案一摺奏稱黔省各屬紳士呈請培植學校臣分飭各地方官修葺文廟書院添設民苗義學動用地方原有公款無者由鹽經費內酌撥均大致就緒其省城貴山正本學古三書院則

增設舉人膏火二十分每月兩課需銀八十兩每年三書院共
需銀六千一百零二兩三錢遇閏月加銀七十八兩遇鄉試年
加膏火八十分需銀三百九十六兩由鹽經費內開支立爲定
章其安順恩南松桃平遠威寧畢節龍泉等府廳州縣公款既
微復無撥項不能不籌款生息臣與司道會商亦由鹽經費內
提發安順書院銀四千兩恩南書院銀一千兩平遠書院銀二
千兩龍泉書院銀一千兩四川督臣丁寶楨自捐恩南書院銀
二千兩建昌道唐炯自捐松桃廳書院銀一千兩督臣劉長佑
暨臣與藩司林肇元署臬司張煦貴西道曾紀鳳總兵蔡標任
仕斌大定府知府程榮壽其捐銀一千兩發交威寧書院又由

臣捐銀一千兩合之道員曾紀鳳知府楊熙瑞知縣陳昌言等
共捐銀一千二百兩發交畢節書院以上各項皆派紳輪管發
商生息爲書院義學束脩膏火所慮久而廢弛仰懇

敕部立案又附奏興修大定府等處文廟立案又附奏遵義縣烏江
河擬籌建鐵鎖橋 烏江河界修文遵義兩縣境水深流駛濟
以竹筏地故衝要郵遞行旅日有往來動多漂溺公以巡閱營
伍過而太息擬仿滇之金沙瀾滄造鐵鎖橋捐廉五千金爲倡
時川督丁公寶楨建昌道唐公炯捐助一萬五千金滇黔官紳
釀輸又得一萬五千餘金公先相度河岸得基於安皋至是遂
疏請興造設局製料派員督工役未竣而公移撫閩疆諳託新

撫林公肇元竟其功於甲申歲落成橋長十八丈廣一丈五尺
安設守戶置田歲修 同日專摺奏謝

天恩調補閩撫又摺奏酌帶官兵赴閩籌辦海防附片奏赴閩路程
又片奏調道員李鳳書等赴閩差遣又片奏委糧道松長等署
藩司各缺又摺奏新授提督羅孝連請暫緩

陞見附片奏春操完竣又片奏委林從太等署威寧各鎮又摺奏威
寧州被淹田畝請豁免錢糧又摺奏攀獲會匪逆首朱洪祚正
法 初十日具摺奏黔省歷年軍需收支各款按季造報懇請
敕部核銷附片奏司道兩庫年久款項邀免細款報銷 十三日專
摺奏報交錦起程日期附片奏將在黔鑄造炸礮八位運往福

建時恭遇

覃恩請封三代及本身妻室皆封光祿大夫一品夫人十四日領詔命四軸 是日公交卸巡撫關防 十七日自黔起程由古州取道廣西 六月至桂林時苦旱公禱於堯山壽佛寺甘霖立沛乃捐五百金爲葺寺費尋過廣東航海赴閩 是月公三子春澤請假出都省視值於桂林借五子春莫隨侍而行 七月初五日抵福州初六日接受福建巡撫關防 初七日專摺奏抵閩接印叩謝

天恩 二十四日會同將軍穆圖善公總督何公環具奏商辦臺灣防務大概情形一摺附片奏請將臺灣綠營事宜由巡撫咨商

總督辦理 閏七月初四日摺奏光澤等縣猝遭水患查辦情

形附片奏省城猝被颶風又片奏請將岑春澤留在任所讀書

十三日摺奏閩省光緒二三年水灾賑撫收支銀米數目附

片奏渡臺查勘海防 是日公出省坐輪船至馬尾阻風三日

閱視船廠船政大臣黎兆棠見公 十七日駛輪東渡十八日

黎明抵基隆登陸而行順道查勘滬尾鹿港各口 八月初七

日抵臺灣府城 初十日具奏匯解各款京餉起程日期一摺

附片奏渡海至臺灣各日期 十四五日往勘鳳山旅後安平

各口 十六日還臺北 二十四日公七子春蔭生 二十七

日抵基隆 二十九日附片奏六月間臺地颶風大雨又奏現

抵基隆將還閩省 次日內渡 九月初三日還福州署

初

十日摺奏第十四次茶葉洋藥捐餉請獎附片奏籌解豫省河

工銀一萬兩 二十五日具奏成造金州水師戰船工料銀數

一摺 二十六日會摺奏籌商全臺防務一摺奏稱規畫臺防

當以省刑薄歛固結民心爲先務而分路屯兵嚴守陸地次之

添築碉壘保守海口礮臺又次之三者俱宜相輔而行不可偏

廢臣毓英隨時前往督率文武實力辦理附片奏請以琛航永

保兩輪船輪流渡臺又片奏請頒臺灣天后廟匾額又片奏稱

彰化新竹兩縣之大甲溪寬六百二十餘丈歲值夏秋盛漲沙

石並下舟杠難施每溺行旅兼滯文報臣查勘此溪離海不遠

疏鑿較易如挑溪中亂石盛以竹籠鐵柵築爲兩隄左右相交形如八字收束溪水中流趨海即可安設渡船往來無患隄身寬以四丈雜種竹木自資堅久詢諸紳士僉以爲然現提海防經費委辦物料臣仲冬渡臺順便督視開築需用夫役助以防軍俾早歲事 是月公第六女生字新甯劉氏增名永滇 十月初六日摺奏于山王靈官神靈顯應請

賜封號附奏臬司張夢元委署藩篆 十三日附片奏提出省城義穀賑濟澎湖饑民 十一月初四日具奏臺澎各營裁兵餘米變價留作臺防經費一摺附片奏再行渡臺 初八日摺奏第十五次茶葉洋藥捐銀請獎附片奏湖州鎮總兵方耀捐賑請

予其母建坊 是日公出省乘輪渡臺阻風五日十四日抵基

隆登陸 十七日至艋舺 二十二日至大甲溪督視興工

十二月十八日摺奏七年分抽查保甲附奏籌辦開山撫番事

宜 二十日具奏遵汰冗員擬將捐納勞績人員考試分別裁

留一摺附片奏賑濟嘉彰兩屬災民又附奏請頒宜蘭縣城隍

匾額又摺奏宜蘭縣節婦林莊氏等請旌附片奏沈徐氏節烈

請旌 二十一日具摺奏循例密陳年終考語

^壬光緒八年公五十四歲

正月初四日公自大甲溪還臺北府督同官紳布置修築府城
添紮礮臺營碉 二十六日附片奏嘉義縣土匪莊芋等滋事

已飭文武帶兵查辦臣於日內親往督同辦理 二月初四五

日官軍攻破嘉義縣土寇所據大湖等處營寨餘寇潰散寇首

逃逸 初七日公至嘉義縣督令購弋冠酋 二十二日摺奏

第十六次茶葉洋藥捐餉請獎又代奏新授雲南開化鎮總兵

蔡標謝

恩並請

旨陞見附片奏蔡標所統黔軍飭令帶回歸伍 三月初六日摺奏
上半年稅釐收支數目又摺奏七年分徵完新舊錢糧數目又
摺奏提解各款京餉委員起解日期附片奏嘉義縣土匪莊芋
等業經勦辦潰散懸賞購拏並陳明大甲溪隄開築完竣分開

北中二路以通後山均已分投修路紮營前進臣定於日閒內渡還省初十日公由基隆內渡十一日還福州署十六日專摺奏籌撥

陵工經費及茶稅京邊各餉委員起解日期又摺奏再請暫停分發二年附片奏由臺還省辦理秋審二十四日具摺奏參羅源縣營縣教官互相稟訐一併革職審辦附片奏籌解西征協餉銀四萬兩又附奏籌解協黔餉銀二萬兩又附奏濤司沈保靖到任又附片奏糧道葉永元進京引

見

四月十二日摺奏拏獲重罪匪犯請仍就地嚴辦附片奏汀州府雹災查勘賑恤又附奏籌解八年分第二次協甘餉銀又片

奏臬司張夢元進京

陞見 是日公子春澤春莫還廣西鄉試公在黔撫任整頓學校奉旨交部議敘部議給予尋常加二級紀錄一次是月准黔撫咨達公子春榮請假至閩省視尋命同京供職五月初一日專摺奏謝加級

恩 初七日奉

上諭劉長佑著來京陞見雲貴總督著岑毓英署理張兆棟著署理福建巡撫未到任以前著何璟兼署欽此 二十二日摺奏第七次茶葉洋藥捐餉請減又摺奏提撥各款京餉委員起解日期附片奏應撤一半黔軍已經起程 二十四日專摺奏恭謝

天恩籲懇

陞見奉

旨著仍遵前旨迅速交卸起程將一切防務妥爲經理毋庸來京陞見欽此 同日會同總督學政具奏前任雲南巡撫林鴻年主講正誼書院德行純深士民翕服懇

恩賜獎附片奏調閩黔軍全數撤歸原伍又片奏調閩差遣各員飭同原省 二十九日會摺奏臺灣報銷一摺又奏商人樂輸銀兩留作會試卷金恤嫠經費附片奏修理大甲溪及基隆營砌報銷又附奏在臺瘴故遊擊牛世清等分別請卹又片奏番目陳輝煌隨同開山撫番著有勞績請從寬免罪又附奏更正各

衙門公費又附奏隨帶炸礮八位留閩備用 六月初一日具摺奏報交卸赴滇日期 是日交卸廵撫關防 十二日自閩

乘輪船起行 十六日至廣州易舟泝流而上 七月初一日

至桂林 初四日公爲文祭家廟遵慈諭追正賴夫人爲繼配

旋兼程赴黔 八月初一日抵貴陽小住二日 初四日專

摺奏報入黔日期附片密陳俟到任妥籌防務又片奏由閩撤回黔軍帶赴滇防 是日自貴陽啟行赴滇 二十一日抵雲

南省城 公於滇有再造功滇人感公如父母公亦視滇如其家倉卒奉諱而去善後事多未及爲閭閻引領望公復來彌此缺陷及聞奉

命督滇道路額屬官紳軍民有越境爭逐者輿次近郊香花夾道公
下與問勞藹然如家人父子之親 二十二日接受總督關防
二十四日具摺奏報抵滇接印日期 九月十三日會同巡
撫杜公瑞聯馳奏遵

旨飭令藩司唐炯妥辦邊防以專責成並陳明新軍次第調齊舊軍
陸續裁換各情附片奏主事唐景崧尙未到滇未便派令出關
二十五日附片奏開化鎮總兵蔡標飭赴本任 十月十一
日會摺馳奏唐炯查看邊防回省面商分兵換防情形附片奏
唐炯密稟越南情形又附奏委同夷各紳分辨保甲 二十六
日會摺奏據詳裁革夫馬籌款支銷以蘇民困附片奏記名提

督吳永安留帶防軍又附奏參將張永清等留滇差遣又附奏
懲辦土匪趙瀆新又摺奏揀員請補副將各缺附片奏記名提
督劉興等二十七員遇有雲貴缺出酌量補署又附奏滇省有
臣親誼陳明應否迴避又附奏瘴故總兵張繼聲等八員請卹

十一月初二日具摺奏遵

旨復陳雲南報銷一案附片奏整頓營伍又片奏委何秀林等署昭
通鎮各缺又附奏委總兵丁槐統帶黔軍駐紮省城十二月
初九至十四等日公親臨校場閱視省標官兵及練軍冬操
十八日會摺奏校閱省標各營冬操情形

李襄勤公年譜卷七

癸未光緒九年公五十五歲

正月初二日奉到

上諭總理各國事務衙門奏法越交涉一事法人現欲與中國會商
請飭豫籌善法一摺亟須滇粵各省先事妥籌以備臨時會議著
將應行籌畫各節查照該衙門前函詳慎妥議如何有利無害堪
以行之久遠迅速奏明並知照該衙門以憑覈辦等因欽此
初九日會奏遵議覆陳一摺奏稱疆界可分而北圻斷不可割通
商可許而廠利斷不容分土匪可驅而劉永福斷不宜逐宜堅
持定見示以限制方可行之久遠又奏防邊官軍瘞故員弁開

單請卹附片奏由閩撤回在途瘴故遊擊黃正等十八員請卹附奏查明陣亡千總潘文興等保案請准承襲 二月十六日會摺奏遵

旨查明各案出力員弁紳團開單請獎附片奏開復記名提督李應舉等四員原官又片奏開復阿迷州知州光進德等二員處分又摺奏記名總兵丁槐等請補副將各缺附片奏開復總兵楊聯桂原官原銜 二十二日奉到

上諭岑毓英杜瑞聯奏遵議覆陳一摺據稱法使有此調停之舉宜堅持定見不致貽害將來方可行之久遠疆界可分而北圻斷不可割通商可許而廠利斷不容分土匪可驅而劉永福斷不宜逐

洵爲扼要之論深合機宜近聞法國欲更前議並欲將該使寶海
撤回彼族反覆無常惟當持以鎮靜嚴布儆備著李毓英杜瑞聯
倪文蔚督飭關外各營擇要扼守妥籌防範固不宜深入越境必
不可稍有退紮以期固邊疆而維大局欽此 是日公次子春煦

生子德崇 浪穹縣長營有法國教堂司鐸張若望淫暴擾民
衆心怨憤於是月十九日殺若望焚教堂教民男女死者九人

是月法人陷越南南定省 三月初四日會摺奏參浪穹縣
知縣汎弁均暫行革職遴委鹽法道鍾念祖馳往查辦 十二
日摺奏納樓土司絕嗣擇其親支改爲土舍分管地方 二十七
日會摺馳奏據報越南國南定省失守情形 二十七日奉到

上諭總理各國事務衙門奏越南事宜現有變局亟應密籌防務一摺現聞法兵已破越之南定並議將寶海撤回事已中變情殊叵測在我保護屬邦固守邊界均關緊要亟應妥籌備豫著岑毓英倪文蔚杜瑞聯督飭關外防軍挑選勁旅扼要進紮畔端不可自我而開要必壯我聲威用資鎮懾並期實堪備禦進止足恃以杜詭謀而維大局等因欽此 四月初二日會摺馳奏覆陳密籌防務布置情形吩咐片奏派撥滇軍於山西興化擇險扼守又片奏張松林委署騰越鎮總兵 初五日奉到

上諭前諭徐延旭出關現在諒已前往滇省邊防亦應酌派大員帶兵駐紮著岑毓英杜瑞聯飭令唐炯迅速出省統率防軍擇要扼

守等因欽此 初十日會摺馳奏遵

旨飭令藩司唐炯於十五日出省防邊附片奏駐越防軍俟查看添派又會奏查明滇省軍需善後章程兵數營制支發款目造冊送部立案一摺又奏酌給各屬津貼公費一摺附片奏東昭江防東路巡防需用經費奏咨立案 二十二日會摺馳奏道員鍾念祖查明浪穹民教仇殺起衅緣由獲犯提省審辦情形是月十二日劉永福大敗法人於越之懷德府紙橋 二十五日唐公炳行抵蒙自新安所駐營 五月十一日會摺馳奏越南官軍進攻河內連獲勝仗附片奏鍾念祖查解教案人犯到省交訊又片奏拏獲會匪郭應培等三名正法又片奏廣南國

首王澤寬賊准效力贖罪 六月初二日奉到

上諭岑毓英著補授雲貴總督欽此 初六日專摺恭謝
天恩籲懇入

觀又代奏新授普洱鎮總兵何秀林謝

恩並請

旨陞見

初七日會摺馳奏審明浪穹民教滋事各犯分別定擬附片奏酌給銀兩交法國王教古若望自行經理修堂撫恤又片奏委馬忠署普洱鎮總兵 十九日會摺馳奏添募勇營扼紮越南要隘並招安降人韋二等編營助防又摺奏楊建煥請補督標中軍副將附片至貴州藩司沈應奎稟報查辦司庫情形

又片奏參將馬中綴 請歸宗復姓更名 七月十三日具摺奏
遵

旨查明貴州藩庫存款據實覆陳附片奏黔省餉餉民貧情形又片
奏越南近日軍情又片奏參將李茂等請免騎射 是月巡撫

杜公瑞聯因雲南報銷案部議降調唐公炯奉

補授雲南巡撫 二十三日會摺奏揀員請補東川普洱等府缺

附片奏設續修雲南省志局以徵文獻設敬節堂以恤孤嫠

二十五日准部咨查辦雲南報銷案六月二十二日奉

上諭吳毓英著降一級留任准其抵銷欽此 八月初一日奉到

上諭雲南素產五金乃天地自然之利該省銅政久經廢弛本應整

頓規復以資鼓鑄而利民用此外金銀鉛鐵各礦亦復不少均爲
外人覬覦自宜早籌開採以廣中土之利源卽以杜他族之窺伺
實爲裕國籌邊至計惟經費較鉅籌款維艱近來各處開採煤礦
皆係招商集股舉辦較易若仿照辦理廣招各省殷實商民按股
出資與官本相輔而行則衆擎易舉事乃克成前據岑毓英奏整
頓銅務章程五條業經戶部議覆准行昨據署左副都御史張佩
綸奏稱招商集股開採滇礦爲富強本計不爲無見岑毓英唐炯
身膺疆寄於滇省礦務必能留意講求實心經畫著卽詳細會商
妥速籌辦總期事在必行毋得視爲不急之務日久辦無成效坐
失事機至各處礦苗應如何先行相度或仍應購買外洋機器以

利開採均著豫爲籌議一俟欵項集有成數即可剋期興辦不至遲誤等因欽此 是日會摺奏查明各案出力人員勞績分別開單請獎附片奏越南軍情並探聞越南國王阮福時病故繼嗣未立 十二日准部咨撫聞任內解餉議敘七月初四日奉

上諭岑毓英著加一級欽此 十三日馳奏越南劉團營壘因隄決移紮一摺又摺奏密派道府馳往貴州查訪撫藩被參名款二十八日專摺奏加級抵銷恭謝

天恩會摺馳奏密籌越南防務仍照前議聯絡劉團以顧全局又摺奏揀員請補雜西協副將等缺附片奏貴州學政孫宗錫林國柱被參各款密飭赴黔道府併查 九月初五日奉到八月十

上諭法越擣兵一事法人自攻占順化河岸礮臺後迫脅越南議約十三條該國情形岌岌可危邊事孔亟防務尤形喫緊近聞越南黑旗各營復經接仗獲勝滇粵防軍皆須嚴密布置聯絡聲勢不可稍涉鬆勁等因欽此 十九日會摺馳奏探聞法越議和現無戰事劉園仍扼守山西情形又奏滇省度支匱乏請

敕催各省協餉 十月初四日奉到九月十五日

上諭法人脅越議約盡攘該國權利果如所議越南無以圖存大局所關甚重法使脫利古來京在總理各國事務衙門並未提及此事意殊叵測劉永福一軍屢獲勝仗當不因該國議和稍形退沮

現在進規河內如能剋期攻克以固北圻門戶辦理自易得手前
有旨諭倪文蔚等令唐景崧設法激勵著該撫等密速妥籌徐延
旭善懷遵前旨星速出關相機調度所有滇粵防軍卒毓英倪文
蔚徐廷旭唐炯務當督飭將領嚴密布置俾壯聲援勿稍鬆勁糧
餉軍火必須力籌接濟朝廷惟恐該兩省饑需不繼致失事機諭
令戶部籌撥有著之款茲據該部奏稱已撥湖北應解京餉銀十
五萬兩解廣西應用四川應解京餉銀九萬兩湖南應解京餉銀
六萬兩解雲南應用此外另由江西撥銀五萬兩湖北撥銀五萬
解交廣西四川撥銀四萬兩湖南撥銀六萬兩解交雲南等語已
諭令各該督撫分別迅速撥解本年京餉屢有截留部庫益形支

紹茲因邊情緊要特予添撥該督撫等務當深體時艱極力籌辦
俾越事及早挽回以維大局將此由六百里各密諭知之欽此

初九日專摺馳奏密籌恢復越南事宜擬統兵出關駐紮山西
調辦恭候

命下剋日啟行並陳明撫臣唐炯定於月之十四日出省回新安所
防營照料 初十日奉到九月二十日

上諭岑毓英唐炯奏密籌越南邊防倪文蔚奏探報邊情防務愈棘
各一摺法人督越議約果如所議越已無以立國大局所關甚重
獨以劉永福一軍屢次獲勝進規河內如能剋期攻拔辦理得手
則越事尙可挽回乃滇軍遽行退紮以致劉團解體有回駐保勝

之議彼族將益恩狡逞邊事尚可問耶岑毓英唐炯調度乘方貽
誤大局著傳旨嚴行申飭卽著懔遵前旨督飭防軍扼要進紮嚴
密布置倘仍怠緩從事定將該督撫治罪唐炯著星速出省馳赴
防所徐延旭諒已出關法人現由丹鳳攻撲山西黑旗各營恐難
抵禦岑毓英倪文蔚徐延旭唐炯務當飭令各軍嚴申儆備聯絡
聲勢相機援應不得稍涉疏虞將此由六百里各密諭知之欽此
十九日會摺馳奏越南劉團退守山西情形並添兵出關駐
紮備援附片奏河內防守甚固礙難攻堅又片奏黔軍六營改
爲滇軍所遺名糧由黔另補又摺奏永昌府知府以劉毓珂調

補附片奏請

敕催新授雲南藩司龔易圖赴任又片奏委員赴上海香港購辦洋槍二十一日奉到九月三十日

上諭法人既與越南立約必將以驅逐劉園爲名專力於北圻滇粵門戶豈可任令侵逼現經總理各國事務衙門照會法使告以越南久列藩封歷經中國用兵勦匪力爲保護天下各國所共知今乃侵凌無已豈能受此蔑視倘竟侵及我軍駐紮之地惟有開仗不能坐視等語如此後法人仍欲逞兵於北圻則我之用兵固屬名正言順劉園素稱奮勇現在退紮山西距河內稍遠著徐延旭飭令劉永福整軍進紮相機規復河內省城不可稍有退沮北甯爲我軍駐防之所如果法人前來攻逼卽著督飭官軍竭力捍禦

母稍鬆勁岑毓英等前奏滇軍駐紮山西輸船礮彈可及城中防守不易惟該城與北窩相距較近必應固守以成犄角之勢滇省防營無多難資策應著岑毓英唐炯添募數營以厚兵力等因欽此十一月初二日會摺馳奏越南山西近日情形並添募勇營

以厚兵力又摺奏查明貴州撫臣暨藩司各員被參各款據實

覆陳又摺奏查明貴州學政被參各款據實覆陳十五日馳摺奏採報越南山西近日防守情形十九日奉到十月二十

九日

上諭岑毓英奏遵籌越南事宜擬由該督統兵出關籌辦請旨遵行一摺岑毓英以越事現正喫緊擬挑帶所部二十營親赴前敵相

機調度斷屬勇於任事該督威望素著馳赴防所鎮撫其間自可振軍威而維大局著照所請剋日帶兵出關前往山西擇要駐紮前由總理各國事務衙門照會法使如法人侵及我軍駐紮之地不能坐視目前事勢總以保守北圻力固滇粵門戶爲最要該督所奏令南將劉永福黃佐炎等分道進取大軍駐紮山西仍步步謹慎不稍輕率所籌均合機宜卽著隨時妥籌調度與粵西防軍聯絡聲勢嚴密布置力杜彼族殺謀唐炯卽著回省所有籌濟餉需及吏治廠務各事宜著責成該撫質力經理毋稍疏懈本日據內閣學士周德潤奏請飭各省保薦將才一摺國家整軍經武本以儲將才爲要義疊經諭令各直省督撫保薦值茲防務方殷需

才尤亟著該督撫等加意延訪果有曉暢兵機深明韜略及熟諳
邊務練習海防者卽行據實保奏以備任使將此由六百里諭令
知之欽此 二十五日馳摺奏遵

旨帶兵出關恭報起程日期附片奏道員李鳳書等帶往關外差遣
又片奏調記名提督鄒復勝赴越南遣用又片奏所帶出關勇
營月需餉銀五萬餘兩又摺奏滇省署事武員擬照文員半支
廉俸銀兩 是日公自省城禡牙啟行 十二月初一日次通
海接探報法人攻越南山西省於上月十七日失守 十一日
抵越南保勝與唐公炯會商機宜唐公旋於十四日回省籌辦
餉械 十五日會摺奏行抵越南保勝聞山西失守會商防

堵布置情形附奏請由津滬兩局再撥洋槍逼碼三百萬顆又附奏委馬忠查辦車里宣尉司爭襲一案十九日奉到十一

月二十二日

上諭現據張樹聲電報順化海口久爲法踞陸出欽州路僻難行擬仍由龍州出關前赴越都等語師行以速爲主若道里遼遠轉餉遲滯於越事緩不濟急且據曾紀澤電報法人現又添兵以鎮越亂則大兵前進尤宜取道便捷退赴事機本日已諭令張樹聲毋庸赴越著改派岑毓英前往越南宣布威德削平禍亂並令該國擇賢繼位奏請冊封至該督統兵赴越應由何路前往卽著隨時相機務期穩慎倘一時驟難進發仍著與粵軍聯絡策應堅守山

西北甯等處以固邊疆門戶欽此 二十日具奏循例密陳年終

考語一 摺學政關防一片 二十三日奉到十一月二十八日

上諭前經疊次諭令李毓英統兵出關葉據該督奏報派撥各營先期次第出省該督剋日起程馳赴防所昨聞法兵攻破越南山西省城復諭令該督嚴密扼紮毋稍鬆懈現在事機緊急邊關安危關係甚重該督行抵何處著卽迅速前進將關外一切防務嚴密布置妥籌備禦並著體察越南現在情形應如何相機辦理之處迅速覆奏以慰塵系將此由六百里密諭知之欽此 二十四日

馳摺奏道

旨籌畫防禦情形附奏奉

諭迅速前進駐紮保勝待運軍裝 是月十四日公側室周氏病卒

甲申光緒十年公五十六歲

正月初四日馳摺奏興化防守情形並拔赴前敵日期 初八
日公率親軍舟行赴興化留道員湯聘珍駐保勝陳席珍駐蒙
自轉運餉械 十五日公至家喻關關距興化城三十里許
越南使相黃佐炎參知梁輝懿總督阮廷潤巡撫阮光碧黃相
協等先後來見公 二十日公至興化關視城外地營 二十一
二日奉到九年十二月二十三日

上諭徐延旭奏法人攻踞越南山西省城現在嚴防北竄請飭廣東
等省合圖掃蕩各摺片現據岑毓英奏報已率所部二十營起程

十二月內可以齊抵防所著該督撫妥籌調度實力扼防激勵劉永福一軍速行整頓並著督飭各營與粵軍聯絡聲勢援應北甯該督撫等總當合謀併力保守完善之區以固邊境是爲至要等因欽此 二十六日馳摺奏報行抵興化家喻關等處布置防守陳明北圻尙爲越有者惟北甯諒山興化宣光太原高平六省及山西省屬之臨洮端雄二府滇軍分守興化宣光及臨洮端雄餘歸粵軍分守仍聯絡呼應附片奏探聞越京內亂議約各情又片奏應辦題奏事件展限一月又片奏查辦貴州撫藩參案已結陳明已故藩司吳德溥在黔聲名平常新授糧儲道吳自發苗情信服 三十日探報法人進攻北甯 二月初一日

公派王事唐景崧南將劉永福馳援北甯 初八日奉到正月

十八日

上諭岑毓英已抵保勝亟應親往興化一帶查勘布置邊外各軍心
志未齊必當有所統攝以一事權所有徐延旭統帶各營及各路
調防諸軍均著歸岑毓英節制調度徐延旭仍當和衷商辦不得
稍存意見致誤戎機等因欽此 十三日馳奏懇辭節制粵楚各
軍一摺又奏增募勇營請撥協餉附片奏陣亡員弁秦濬等請
卹 十五日法人攻陷北甯 二十一日馳摺奏北甯失守情
形附片奏南官黃佐炎等帶兵嚮導借用餉銀一千兩懇免繳
還以示體恤又片奏遵籌周德潤陳奏越事二十日太原失

守二十九日馳摺奏太原繼失興化孤懸餉械未備擬全師
撤守邊境三月初一日公赴綰旺家喻關等處閱視防營

十二十三十四等日公飭興化官軍陸續退紮鎮安縣館司關
轟毀興化城營飭宣光軍退守河陽十八十九等日全軍退
至保勝分紮古林箐馬白關新街蒿枝地蠻耗窯頭新安所以
劉永福紮大灘二十日馳奏官軍糧盡勢孤全軍退守邊境
裁併節餉情形又摺奏道員陳廷珍請補廻南道四月初六

日奉到三月十二日

上諭岑毓英奏增募勇營請添協餉並懲免節制粵楚各軍各一摺
前因北甯被陷邊事日棘疊經諭令岑毓英激勵各軍擇要扼守

旋聞太原又被法踞邊防更形喫緊茲覽該督所奏尙在北甯太
原未失以前目下局勢迥不相同軍情瞬息萬變該督所擬添募
各營自係力圖振作爲避堅攻瑕之計惟孤軍深入務策萬全法
人詭詐百出越官黃佐炎阮輝琼等是否可信該督惟當穩慎進
取不可稍涉大意滇軍增募日多需餉益亟著戶部速卽籌撥有
著的款銀一百萬兩趕緊解交應用不得以空言搪塞關外各軍
不可無所統攝該督所請免其節制越楚粵各軍之處著毋庸議
廣西巡撫已有旨令潘鼎新署理俟該署撫到防後和衷商榷力
固邊陲以維大局將此由六百里密諭知之欽此 初八日馳摺
奏官軍撤回大灘保勝河陽等處布置防守仍懇辭節制之

命附片奏遣撤道員岑毓寶所部先行入關 初九日公子春莫奉

諭由桂林還滇署綜理家務 十六日奉到三月二十二日

上諭岑毓英奏北甯失陷興化等處布置防守並隨時激勵劉團暨
請賞給越南官軍餉銀各摺片覽奏均悉正在寄諭閒接據李鴻
章曾紀澤電報法犯興化華軍將城焚燬退走等語是否屬實著
岑毓英迅速詳細奏聞現在進止機宜著該督酌量兵力妥慎籌
辦總以力保邊疆門戶爲要不得疏懈等因欽此 二十一日馳

摺奏遵

旨詳細覆奏並陳明據險設防力保紅江上游附片奏請酌劑軍火
洋械附片奏提督周萬順等遣撤回川專摺奏謝年終

恩賞 是月唐公烟奉

旨褫職逮問張公凱嵩代爲雲南巡撫 五月初一日奉到四月初

八日

上諭署都察院左副都御史張佩綸奏請飭邊海各軍嚴防備戰以杜要盟之計一摺滇粵邊境著張樹聲岑毓英潘鼎新督飭各營實力扼守毋稍鬆懈至所稱將來法人必索劉永福請飭李鴻章岑毓英顧全大局等語法人屢爲黑旗所敗其蓄志驅除自在意中著李鴻章岑毓英先事籌計以爲辯論地步等因欽此 初三日馳摺奏稱雲南出關之路有二由蒙自出保勝一由開化出河陽保勝據紅江上游對江過山卽十洲三猛地面現在劉

永福屯保勝文盤大灘黃守忠屯河陽宣光劉仁豫練中和等
屯三猛各隘四月內法人兩次竄入猛羅俱爲劉國擊卻擒斬
數十人臣部各營皆分紮關內外附近劉團以備策應至劉永
福爲越南提督守越南地方理直氣壯官軍自守邊境門戶亦
在情理之中均可與之辯論劉永福比來與越京聲息不通憂
形於色臣告以

天恩高厚必能委曲保全其心稍安若予以一官其部下頭目亦量
予位置將來邊徼海澨皆可隨地驅策附片奏由廣東代購外
洋火器十三日奉到四月十五日

上諭雲南廣西官軍駐紮越南地方該處係煙瘴之鄉現交夏令軍

士荷戈遠役往來於炎風暑雨深宮塵念宵旰殷懷著發去御製
平安丹各十匣交岑毓英潘鼎新傳旨分賞各營俾除瘴癘該督
撫並當盡心拊循用副體恤行聞至意將此由六百里各諭令知
之欽此 十四日奉到四月二十五日

上諭岑毓英奏官軍糧盡勢孤現已退守邊境並酌裁勇營一摺覽
奏均悉越事萬難補救而我軍糧盡勢孤全師而返固與退縮者
有間惟雖奏明並未奉旨究有應得之咎本日已明降諭旨將岑
毓英交部議處以示薄懲現在法國使臣已到天津與李鴻章講
解漸有成議惟條目尙未議定事變殊難預度越南地方未靖尤
易橫生枝節各路防軍斷不可因有可和之機稍形鬆懈仍著岑

毓英嚴督各營擇要駐紮認真操練以備不虞至進止機宜仍遵前旨候諭遵行所有裁併勇營著照所議辦理務須汰弱留強以資得力劉永福一軍前經打仗著績不無微勞此時該軍退紮大難保勝一帶著該督妥爲拊循並詳察該軍現在勇數若干若何安置之處妥籌具奏聞法人有雇募廣東人爲兵勇者廣東有此恐雲南亦所不免著岑毓英飭屬不動聲色設法禁止是爲至要將此由六百里密諭知之欽此 十六日專摺奏叩謝

天恩頒賞各營平安丹藥附片奏法人侵萊州劉團擊郤之 二十

二日馳摺奏滇軍汰弱留強現留七千五百人編爲二十營分布防守劉永福祖籍廣東情殷內向曾報捐游擊職銜二品封

典所部兩廣勇丁強壯可用將來如於廣東水陸各標

恩予一缺調赴海防自必力圖報效附片奏瘴故副將王茂林等四

十八員請卹又片奏奉撥京餉一百萬兩仍請解京以重根本

又附奏道員陳廷珍委署迤南道糧道劉海龍委管志書局

是月法人駛兵輪八艘攻宣光城黃守忠退紮離城六十里之

山竈 閏五月初三日奉到五月初八日

上諭周德潤奏滇粵當籌善後法人以保護中國邊境爲詞意欲借
爲甌脫屯兵觀釁請於分界前先扼其要等語法越構衅現經李
鴻章與法酋議有簡明條款雖據聲稱不入雲南然此後滇粵邊
境均應豫爲布置以峻防閑廣西廣東水陸各隘究以何處爲最

要雲南將來有邊外互市之事尤須扼定界限自固藩籬應如何
 駐紮重鎮增備船礮訓練營伍全在該督撫相度地勢先事綢繆
 著張樹聲張之洞岑毓英倪文蔚潘鼎新張凱嵩各就該省形勢
 切實籌畫奏明辦理如有周德潤陳奏所未及者該督撫亦當各
 抨所見竭力籌辦以臻周密等因欽此 十一日准部咨遵議處
 分照例降二級留任不准抵銷奉

旨依議欽此 十三日馳摺奏邊關形勢並探聞敵情添兵防備附
 片奏殲故副將孫毓等四十六員請卹又摺奏叩謝降級留任
 恩附片奏劉團餉銀按月撥給拏獲法兵二名已經殲故 十七日

奉到五月二十五日

諭旨本日據李鴻章照錄潘鼎新電信法兵來至屯梅谷松以外桂軍防守嚴戒等語著岑毓英嚴飭各營仍紮原處不准稍退示弱亦不必先機接仗倘法兵竟來撲犯則衅自彼開惟謹與之決戰力遏克鋒並著岑毓英傳知劉永福伊旣與法結仇越南亦無恩誼前已屢受中國接濟之恩此時自可率部來歸以定趨向劉永福如何答覆之處卽著迅速具奏該軍糧餉軍火仍著隨時接濟飭令扼險駐守欽此 二十一日馳奏遵

旨密陳籌辦情形一摺附片奏瘡故參將王森等十五員請卹
是月公移駐馬白關一六月初十日奉到閏五月二十四日照
約將防營撤回關內之

旨同日又奉

諭旨法國巴使逗遛上海不卽來津議約並據各處電報孤拔有集
兵船他駛占據中國地方爲質索賠兵費之說無理要求萬難遷
就海江防務喫緊著沿海各省將軍督撫統兵大臣等密飭各軍
嚴防以待一面廣爲偵探倘有法軍前來按兵不動我亦靜以待
之如果撲犯我營或登岸肆擾務須併力迎擊並設法斷其接濟
期於有戰必勝如退縮不前者立卽軍前正法等因欽此 十二

日馳奏奉

旨調兵入關現擬籌辦情形一摺又摺奏大理府知府鄧華熙調補
雲南府知府 是月奉

上諭雲南邊防緊要著丁寶楨於四川現有各營中酌撥五營交鮑超統帶馳赴雲南擇要駐紮爲岑毓英後繼之師等因欽此 七

月初二日奉到六月十一日

上諭雲南防軍前有旨飭令撤回關內原係查照天津所議簡明條約辦理現在局勢未定防務仍屬緊要該督現已移軍馬自關卽著扼紮嚴防認真訓練以期緩急足恃所調各營到後亦在關內擇地駐紮不准輕進劉永福一軍仍著接濟糧餉軍火羈縻勿絕能否率衆來歸並遵照五月二十五日詢問諭旨迅速覆奏欽此

又奉

諭旨彭玉麐等派營援閩力顧大局殊堪嘉尚現在滬議未定法情

叵測萬一決裂必宜出奇制勝潘鼎新岑毓英務將現駐關內各軍切實訓練聽候調遣彼此聯絡聲勢庶足迅赴事機牽制敵勢等因欽此 初三日接潘公鼎新函稱法破雞籠礮臺陷而未據

法船駛赴閩省

初八日馳奏訓練各軍聽候調遣並函商廣

西撫臣預籌聯絡一摺附片奏懇准帶兵赴吳淞口駐防又摺

奏參將覃修綱被訐各款查無實據請免置議附片奏瘴故提

舉賀起清等十七員請卹 初九日奉到六月二十七日

諭旨法人狡橫無理已甚現惟一意主戰著岑毓英飭令劉永福先行進兵近圖規復北圻岑毓英潘鼎新關內各軍陸續進發不日卽當明發諭旨宣示並將劉永福錄用等因欽此 初十日公派

劉永福張世榮等相機前進又派覃修綱帶勇三千繼之 十二日公率親軍赴保勝途次患病至古林箐暫駐 十六日奉到六月二十三日

上諭張凱嵩奏擬籌滇省邊防大略情形一摺前據周德潤奏滇粵宜籌善後當諭令岑毓英等切實籌畫奏明辦理茲據張凱嵩先籌大略情形具奏滇省善後事宜將來如果互市通商以相度地勢嚴防邊隘爲最要張凱嵩所陳擬辦屯田建設碉卡練習刀矛各節著岑毓英會同張凱嵩妥籌辦理其移鎮以重責成一節臨元鎮總兵移紮蒙自是否實有裨益並著岑毓英詳加酌度妥議具奏欽此 二十日奉到初六日

上諭張之洞電稱牽敵以圖越爲上策現令唐景崧募勇出關與劉永福合力犄角趕籌餉項軍火接濟所辦甚是前有旨令雲桂兩軍進發岑毓英潘鼎新務卽督率所部星馳前進相機籌辦俟各軍齊抵前敵迅速奏聞等因欽此 二十四日馳摺奏遵

旨進兵奉制敵勢擬移駐保勝督飭各軍協同劉團進發附奏敬陳管見一片 八月初一日奉到七月初六日

上諭越南爲我大清封貢之國二百餘年載在典冊中外咸知法人狡焉思逞肆其鯨吞先據南圻各省旋又進據河內等處戕其民人利其土地奪其賦稅越南君臣闇懦苟安私與立約並未奏聞法固無理越亦與有罪焉是以姑予包涵不加詰問光緒八年冬

聞法使寶海在天津與李鴻章議約三條正飭總理各國事務衙門會商妥籌法又撤使翻議我存覽大彼益驕貪越之山西甯等省爲我軍駐紮之地清查越匪保護屬藩與法國絕不相涉本年二月聞法兵竟來撲犯防營當經降旨宣示正擬派兵進取力爲鎮撫忽據該國總兵福祿諾先向中國議和其時該國因埃及之事岌岌可危中國明知其勢處迫蹙本可峻詞拒絕而仍不以大度許其行成特命李鴻章與議簡明條約五款互相畫押諒山保勝等軍照議於定約三月後調回曇經諭飭各該防軍扼紮原處不准輕動生衅帶兵各官奉令維謹乃該國不遵定約忽於閏五月初一初二等日以巡邊爲名在諒山地方直撲防營先行開

敵擊我軍始與接仗互有殺傷法人違背條約無端開衅傷我官兵本應以干戈從事因念訂約和好二十餘年亦不必因此盡棄前盟仍准總理各國事務衙門與在京法使往返照會情喻理曉至再至三閏五月二十四日復明降諭旨照約撤兵昭示大信所以保全和局者實已仁至義盡如果法人稍知禮義自當翻然改悔乃竟始終怙過節詞狡賴橫索無名兵費恣意要求輒於六月十五日占據臺北基隆山礮臺經劉銘傳迎勦獲勝立卽擊退本月初三日何璟等甫接法領事照會開戰而法兵已在馬尾先期攻擊傷壞兵商各船轟燬船廠雖經官兵焚燬法船二隻擊壞雷船一隻並陣斃法國兵官尙未大加懲創該國專行詭計反覆

無常先啟兵端若再曲予含容何以伸公論而順人心用特揭其
無理情節布告天下俾曉然於法人有意廢約畔自彼開各路統
兵大臣暨各該督撫整軍經武備禦有年沿海各口如有法國兵
輪駛入著卽督率防軍合力攻擊悉數驅除其陸路各軍有應行
進兵之處亦卽迅速前進劉永福雖抱忠懷而越南昧於知人未
加拔擢該員本係中國之人卽可收爲我用著以提督記名簡放
並賞戴花翎統率所部出奇制勝將法人侵占越南各城迅圖恢
復凡我將士奮勇立功者破格施恩並頒內帑獎賞退縮貽誤者
立卽軍前正法朝廷於此寧審慎權衡總因動衆興師難免震驚
百姓故不輕於一發此次法人背約失信衆怒難平不得已而用

兵各省團練衆志成城定能同仇敵愾並著各該督撫督率戰守
共建殊勲同膺懋賞此事係法人渝盟肇衅至此外通商各國與
中國訂約已久毫無嫌隙斷不可因法人之事有傷和好著沿海
各督撫嚴飭地方官及各營統領將各國商民一律保護卽法國
官商教民有願留內地安分守業者亦當一保衛倘有干預軍
事等情一經察出卽照公例懲治各該督撫卽曉諭軍民人等知
悉倘有藉端滋擾情事則是故違詔旨妄生事端我忠義兵民必
不出此此等匪徒卽著嚴拏正法毋稍寬貸用示朝廷保全大局
至意將此通諭知之欽此 初四日奉到七月十七日

諭旨李鴻章電稱潘鼎新來電越境瘴潦正盛守易攻難卒毓英函

中領俟秋後瘴減乃可進等語雲粵各軍既難前進劉永福所部久居該國能耐煙瘴著傳知該提督趕緊督軍進取岑毓英撥給餉需軍火務使足用迅赴戎機雲粵各營與該軍聯絡策應用壯聲援現已秋高瘴減迅速進發不得藉詞遷延致干重咎等因欽此

初七日馳指奏遵

旨飭催進兵擬卽親赴文盤州督飭迅圖進取附片奏廣東代購軍火價銀請由該省撥發又片奏瘴故知縣雷金澤等六員請卽又片奏調降調道員唐啟蔭出關差遣 是日公乘小船赴文盤州劉永福軍營 初十日督催諸軍進發 十三日法人毀館司關礮臺退守宣光劉永福進軍規取 十五日奉到七月

二十二日

諭旨前令廣西至雲南安設電線現在雲粵督撫已否辦理能否由
龍州徑至馬白關著張之洞轉電潘鼎新迭咨岑毓英立卽商辦
以速軍報等因欽此 二十二日奉到初一日

上諭岑毓英奏遵旨訓練各軍聽候調遣並請准帶所部馳赴吳淞
口各指片覽奏均悉前疊諭岑毓英督師出關規復北圻各城茲
據該督所奏尙未接奉前旨現值秋高氣爽卽著督飭劉永福及
在防各營力圖進取迅赴戎機岑毓英以內地防務重於邊關請
率所部馳赴吳淞口察看敵勢或南或北相機策應具見憚忱沿
海各省防務已疊諭該大臣將軍督撫嚴密布置岑毓英素性勇

往惟當懔遵前旨速赴越南盡力攻取以副委任所請著毋庸議等因欽此 九月初二日馳摺奏督催劉永福各營前進法人毀館司關退守宣光又代奏記名提督劉永福叩謝

天恩並至請獎卹所部出力陣亡員弁附片奏越南政苛賦重民心離散難以收爲我用又片奏差遣道員湯聘珍請

旨錄用又片奏雲桂接設電線已商由廣西撫臣酌核會辦又片奏探聞越南新立嗣王阮膺登爲法人威逼自盡又片奏瘴故知州郭拉豐阿等九員請卹 初五日奉到八月十六日

諭旨昨據李鴻章電稱閩口法船大隊南行今復有基隆失守之信法人兇狡惟有攻其必救直通四寶等處庶使分兵西援臺灣乃

可稍鬆前諭令岑毓英潘鼎新合力進兵著卽迅速前進並激勵
劉永福率軍進剿先攻克太原北甯各城越南義民如有可爲內應
務當設法聯絡內外夾攻使法人無可駐足自可直達南圻以期
牽制欽此又奉二十日

諭旨岑毓英電稱飭令劉永福進兵有藉詞求緩之語現在進規北
圻全在用人得宜著岑毓英激勵該提督奮勉立功並妥爲籠絡
務令感恩畏威毫無猜疑倘駕馭失宜惟該督是問前令酌保黃
守忠等並飭速行奏請候旨施恩等因欽此 二十四日馳摺奏

遵

旨迅速進兵已逼圍宣光擬添募兵勇分道深入懲撫給月餉附片

奏記名提督楊國發病痊調營差遣　十七十八兩日法人援
宣光劉永福擊敗之頗有斬擒四面逼攻法人嬰城而守　二
十六日馳指奏圍攻宣光截斷法援頗有斬擒現又添兵助勦
附片奏鶴麗鎮總兵朱洪章願募五營出關隨征所遺鎮篆委
丁桂智署理又片奏新授藩司剛毅業已到任臣署日行公事
檄委代行代拆又片奏痘故遊擊劉占春等十八員請卹　二
十一至二十五等日法人屢由水路援宣光劉永福擊破之擒
斬數十人溺斃數百計奪東京船二十餘隻　十月初四日馳
奏疊破宣光法援憑陳爾源枯竭懲催造速籌解一指附片奏
招安客民添募粵勇業經照辦又片奏鮑超一軍可否改調北

洋差遣以紓渙餉又片奏雲南火藥局失慎請將管理各員議處又片奏越營長夫難募請加給價銀自九月杪連日陰雨河水驟漲法得以兵輪駛近宣光入城接濟我軍飲河水患病多死者公甚憂之二十五日馳摺奏劉永福所部援奉獎賞行知卽謝

天恩並陳明近日戰守情形附片奏瘴故記名提督蕭祥勝等四十三員請卹二十六日馳摺奏遵

旨查明由暹羅進攻西貢竊礙難行附片奏四川巴釐竊擾巧家廳屬官軍土目合勦蠻衆投誠地方安靖十一月初五日宣光法人乘霧出撲我軍營壘劉永福唐景崧等夾擊卻之初九

日公添派總兵丁槐帶三千人至宣光會勦 二十日馳摺奏

宣光法匪出犯官軍夾擊大挫兇鋒附片奏查明由車里老撾進攻順化窒礙難行又片奏瘴故揀選知縣石潤芷等二十一

員請卹 二十八日公移駐館司開派總兵何秀林所部三千

餘人赴宣光協堵法援派同知潘德繼率新募粵勇一千三百人歸唐景崧兼統派提督楊國發所部一千二百人防守道岸

浪泊 劉永福舊部頭目王玉珠黃功詠陳二記越南頭目張

文擎阮文美等前陷於法公招徠之皆率部來歸王玉珠弁焚燬法壘殺其首目收復山西屬之美良縣 十二月初八日奉

到十一月二十四日

諭旨曾紀澤電稱旁報法新兵卽酉派六千兵躡越另派六千續往
擬乘雨潦前逼我軍出越又云擬取道陸岸繞出北里華兵之後
使不戰自潰西人以我兵心易亂慣用此間道等語敵情叵測著
岑毓英潘鼎新嚴備並力籌攻取彼如繞出北里正可斷其歸路
出奇制勝須相機妥辦張之洞催馮子材王孝祺兩軍迅速到防
欽此又奉

旨宣光接仗情形若何著岑毓英電奏聞丁槐至宣光與劉永福黃
守忠有意見該督妥籌務使和衷毋得貽誤欽此 初十日馳摺
奏添派官軍圍攻宣光並招撫降目收復美良縣附片奏劉永
福軍餉歸滇劃撥又摺奏查明各案出力武職人員開單請獎

十一日至十五日丁槐何秀林唐景崧各軍攻平宣光城外
碉壘逼城開挖地道 法人犯美良縣錦溪縣山圍社我軍皆
擊走之 二十七日馳摺奏官軍連日血戰堵平宣光城外法
壘現在逼城開挖地道附片奏委新授昭通鎮總兵何雄輝募
粵勇五營赴越差遣又片奏鮑超軍餉請另籌撥又片奏丁槐
劉永福分任堵勦尙無貽誤又片奏委知府黃金衡等辦理轉
運

岑襄勤公年譜卷八

乙酉光緒十一年公五十七歲

正月公在館司關大營。自上年十二月二十八至正月初八日我軍以地雷轟破宣光城垣四處法人死拒缺口城卒不克連日大雨戰於泥淖中精銳多傷時值桂軍失利法人得以全力來援十六日攻左城劉永福部將黃守忠同章營壘失守各軍皆退駐老營。是日奉到電寄初三日

諭旨宣光業已得手著岑毓英嚴飭丁槐唐景崧劉永福等軍指日攻克無稍鬆勁欽此又奉初五日

諭旨前據岑毓英電稱宣光旦夕可拔近日戰事如何未見電奏法

逆如盤踞諒山計必分兵救宣雲軍垂成之功恐將掣動著飭各軍急將該城攻克墮蕩而前以分敵勢一面卽行電聞雲軍餉械張之洞力籌接濟毋任缺乏欽此又奉初六日

諭旨宣光近日何似岑毓英並無電報該督務當力圖攻克以牽敵勢等因欽此

二十三日公弟毓寶募勇到營派統懷遠正副十營

二十五日馳奏賊援宣光左城不支圍師歛守老營請將首先失營之遊擊黃守忠革職查辦一摺附片奏糧餉軍械艱紾情形又片奏道員岑毓寶募勇到營差遣又片奏唐景崧退紮霑化擬移赴牧馬歸順擇地駐守專摺奏恭謝年終

恩賚附片奏循例審考展緩辦理 是月二十三日派覃修綱所部

王文嵒等攻克綱旺並收復清水清山兩縣 鮑公超於十二
日行抵雲南省城 二月初九日奉到正月二十六日

諭旨岑毓英電稱雲軍糧餉艱難鮑超一軍到開化宜出保樂往防
牧馬保樂糧多如桂軍出攻諒山亦可夾擊等語所籌甚妥著岑
毓英飛咨鮑超迅由開化東趨保樂力顧牧馬一路使桂軍與宣
光城外各軍聲息相通並以截斷援賊應如何相機進兵著岑毓
英潛鼎新隨時酌定知會鮑超辦理欽此 是月初七日法人大
出臨洮圍我山圍社由義庸地營相持一晝夜初八日黎明營
官李應珍韋雲青等開壁奮擊縱橫盪決法軍披靡公弟毓寶
總兵覃修綱督援軍亦至乘勝會勦逐北數十里計陣斬法酋

七晝至一晝凡數十人白帽紅衣法匪千餘人教匪數千人得
軍械圖籍輜重無算十五日馳奏收復綏旺及清水清山兩
縣暨臨洮大勝情形一摺附奏滇軍月餉擬照川粵勇餉發給
以免向隅又片奏道

旨否催鮑超迅出保樂力顧牧馬又片奏劉永福招募新勇撥給經
費又摺奏道員李鳳書在營積勞瘡故請

敕部從優議卽附片奏南官黃相協陳克良阮芪等首鼠兩端掣獲
禁錮又片奏陣斬法首人名探聽未實委員解俘獲圖籍由兩
廣督臣衙門繙譯查驗二十日覃修納所部新附各營收復
廣威府不拔縣暨梅枝關黃岡鶴江各隘二十七日馳摺奏

收復廣威府不拔縣等處並籌抽出一軍渡河相機攻勦附片
奏劉永福軍餉章程現咨商兩廣督臣議發又摺奏查明滇粵

兩軍圍攻宣光陣亡總兵劉節高等二十七員懇

恩優卹附片奏瘴故都司李崇魁等二十二員請卹又片奏道員唐
啟蔭留營差遣 是月奉電寄

諭旨岑毓英奏各軍在臨洮府等處大獲勝仗該督運籌決策足示
國威卽遵旨如期停戰欽此公猶慮其於條約未定之前挾詐背
盟督飭各路將士加意戒備嚴密扼守 三月初八日奉到二

月二十二日

諭旨法人現來請和於津約外別無要求業經允其所請約定越南

宣光以東三月初一日停戰十一日華兵拔隊撤回二十日齊抵廣西邊界宣光以西三月十一日停戰二十一日華兵拔隊撤同四月二十二日齊抵雲南邊界臺灣定於三月初一日停戰法國卽開各處封口已由李鴻章分電沿海雲桂各督撫如約遵行惟條款未定之前仍恐彼族挾詐背盟伺隙猝發不可不嚴加防範著傳諭沿海各省將軍督撫並雲南廣西督撫及各路統兵大臣督飭防軍隨時加意巡察嚴密整備毋稍疎懈是爲至要欽此
又奉正月二十四日

上諭朕奉

慈禧端佑康頤昭豫莊誠皇太后懿旨三載考績爲國家激揚大典

中外滿漢諸臣有能恪共職守勞勦最著者尤宜特加甄敘以示
優眷茲當京察屆期吏部開單題請詳加披閱雲貴總督岑毓英
果勇性成不避艱險著開復降二級留任處分等因欽此

十三日馳摺奏遵

旨停戰撤師並陳明劉永福及越南隨征官民宜籌安置三猛刁文
持父子情殷內附所轄州縣地名另單開呈專摺奏京察開復
降留處分明謝

天恩又代奏新授貴州古州鎮總兵丁槐叩謝

天恩又片奏請暫開米捐一年停止又片奏瘴故守備徐思廉等十
三員請卹又片奏陣亡遊擊楊開曙等十七員請卹又片奏進

呈越人開呈由綱旺至順化路程清單又片奏調派鹽法道鍾
念祖來營會同營務道員湯聘珍核算餉械委雲南府知府鄧
華熙兼護鹽法道篆又片奏遊擊熊遇周請免騎射二十日
奉到初六日

諭旨張之洞電奏擬令劉永福屯紮思欽一帶等語所籌尙是著該
督與岑毓英商辦等因欽此公飭滇軍先後撤營入紮關內飭
劉永福粵軍暫紮越邊公亦定於二十七日率親軍起程入關
二十六日馳奏撤師起程日期一摺附片奏張之洞派員航
海來越咨會停戰仍令委員回粵銷差又片奏霆軍似可遣撤
回川二十七日公自館司關起程四月初一日公行抵文

盤州 十八日馳奏行抵文盤州布置關外要隘以資鎮衛一摺

附片奏遵

旨將越南叛臣黃相協等正法又片奏陣亡守備武上林等七員請
卹又片奏竊故遊擊倪連升等三十一員請卹又會同張公之
洞張公凱嵩奏查明宣光臨洮出力人員開單請獎一摺附奏
保獎唐景崧覃修綱湯聘珍三片又片奏藩司剛毅籌餉勤勞
請獎又片奏已革雲南巡撫唐炯銀

恩貸其一死又摺奏遵

旨獎賞各營出力兵勇叩謝

天恩附片奏劃撥霆軍糧餉暫資接濟 二十日公至保勝小住旋

卽入關 五月初一日公至蒙自縣駐城中行館 初六日奉

到四月二十二日

諭旨雲省各營除已撤回滇境外其留關外者著迅速一律撤回邊界勿逾定期該督應卽在彼調度一切不淮意存推諉遽行回省鮑超一軍仍著駐紮馬白關內聽候諭旨岑毓英所請飭派熟習洋務人員赴滇之處俟詳約定後再行辦理將來分界通商事宜係地方大吏專責該督務當先事豫籌不得以此次未預和議託詞不諳洋務輒思置身事外等因欽此 機飭粵勇各營一律移駐關內 初十日馳奏行抵雲南邊界日期及在防調度並撤回關外各營一摺附片奏委道員湯聘珍署糧儲道岑毓寶陳

席珍會辦營務又片奏委吳永安署昭通鎮總兵覃修綱署普
洱鎮總兵又片奏滇故副將蘇成林等二十六員請卹 十三
日劉永福率所部眷屬遷入滇界南溪二十四日起程赴粵

六月初三日奉到五月十二日

諭旨雲南關外各軍及劉永福一軍於何日撤進關內卽著迅速電
奏所有歷次電諭七道著再鈔給閱看等因欽此 初八日馳奏
覆陳關外各軍及劉永福所部一律撤竣啟程抵界日期一摺
附片奏文報遲滯應請添設雲南電線又片奏陣擒法兵立即
斬決並無囚繫又片奏鹽法道鍾念祖銷差回任 十八日奉
到五月二十六日

諭旨現在中法詳約已定法兵業經退出基隆雲南廣西閩外均已撤兵所有鮑超一軍自應迅速遣撤以節餉需著該提督督飭將弁將各營所領槍礮器械一律呈繳點驗造冊就近移交岑毓英收存該軍所需餉銀卽著丁寶楨趕速撥解應用未解到以前著岑毓英先行墊撥再由四川歸款等因欽此 是日公子春莫春薩至蒙自省視春莫旋返桂林鄉試 是時滇餉支絀公勉於粵東解到協餉二十萬內劃撥霆軍十萬兩咨會先行撤師一半而張公之洞亦疏言鮑軍久候虛糜不如迎餉回川

朝命丁公寶楨撥餉迎交霆軍遂陸續撤行 滇軍撤入關內共三萬餘人公念餉絀加意裁併資遣病者汰遣弱者共裁一萬四

千餘人留一萬六千餘人分布邊防 二十八日准部咨欽奉
上諭岑毓英奏已革雲南巡撫唐炯前官四川辦事認真操守廉潔
此次身罹重辟可否貸其一死等語唐炯失誤軍機罪由自取刑
賞大權操之自上豈臣下所得瀆請岑毓英代爲乞恩實屬冒昧
著交部嚴加議處欽此經部議革職留任奏奉

上諭岑毓英應得革職留任處分著加恩改爲降二級留任欽此

七月初二日馳奏滇邊主客各軍現擬酌量裁撤一摺附片奏
總兵何雄輝留統防邊粵勇又片奏陣亡遊擊劉泰清請卹又
片奏採報越國嗣王遷都拒法情形又片奏瘴故記名提督李
運祥等一百一十二員請卹又片奏瘴故同知劉汝璆請卹專

摺奏叩謝

天恩降級留任 二十三日奉到

穆宗毅皇帝聖訓一部二十四日奉到初一日

諭旨岑毓英奏雲南文報由蒙自至廣西南寧驛遞遲滯請飭籌設電線等語滇省程站逕遠文報稽遲嗣後邊防商務均關緊要自應安設電線以期迅速著照該督所請由廣西南寧接設電線直達雲南其應如何擇地安線之處並著李鴻章會商岑毓英李秉衡派員前往查勘妥為籌畫奏明辦理等因欽此 二十六日奉

到初五日

上諭鎮南馬白二關為滇桂入越邊要處所現當和議甫成越南避

匪爲患關內亦多伏莽此後分界道商中外人民往來尤夥必須
大枝重兵添紮要隘以輯奸宄而靖人心著岑毓英張之洞張凱
嵩李秉衡悉心會商將如何添設提鎮專官確覈兵勇營數或留
現在得力勝兵以充新額汰腹地無用常卒以省空糧何處總紮
何處分防一切通盤籌畫繪圖貼說續悉覆陳候旨定奪其新設
各營尤須選練精實能戰能守一兵得一兵之用勿以疲弱應汰
之兵濫竽充額用副朝廷慎固邊防消弭隱患之至意欽此 是
日具摺奏霆軍先撤十營餘亦陸續開拔沿途迎餉回川遣散

又摺奏遼南道沈壽榕在軍營立功後積勞病故請

勅部從優議卹專摺奏叩謝

恩賞附片奏騰越鎮總兵張松林調赴防營員缺以朱洪章調署又

片奏臣署日行公事委署藩司史念祖代行代拆又片奏瘴故

知府張奎斗等十員請卹 二十八日提督劉永福所部一律

起程出滇 八月初一日具奏覆陳滇省勇營並無空額局卡

勢難裁減陋規經費無可提解一摺附片奏瘴故察將陳定國

等七員請卹 鮑公超霆軍於初三日撤盡軍械移交廣南府

庫存備提用 十一日奉到七月二十日

上諭總理各國事務衙門奏請派大臣勘定滇粵邊界一摺據稱現

接法國使臣巴特納照會近接外務部電咨已派浦理燮等六員

勘定邊界於中曆十月初三日即可行抵河內等語越南北圻與

兩廣雲南三省毗連其間山林川澤華離交錯未易分明此次既與法國勘定中越邊界中外之限卽自此而分凡我舊疆固應割析詳明卽約內所云現在之界稍有改正亦不得略涉遷就本日已降旨派周德潤前往雲南鄧承修前往廣西會同各該督撫辦理勘界事宜卽著岑毓英等各委明幹之員帶同熟習輿地之人周厯邊境詳加履勘繪具圖說以備考證一俟法國勘界大臣到後卽由周德潤鄧承修與岑毓英李秉衡會同勘定該大臣等務當詳細審慎按照條約持平辦理是爲至要欽此二十日奉到

五月十五日

上諭岑毓英奏查明宣光臨洮獲勝出力人員分別請獎開單呈覽

一摺上年十一月初五日本年二月間岑毓英督飭官軍先後在宣光臨洮等處大獲勝仗主事唐景崧提督劉永福總兵何秀林丁槐覃修綱等督隊進勦甚爲得手岑毓英調度有方懋著勞勳著加賞一雲騎尉世職並交部從優議敘在事出力員弁均屬著有微勞自應量予獎敘欽奉

慈禧端佑康頤昭豫莊誠皇太后懿旨所有雲南官軍及唐景崧劉永福等所部各軍尤爲出力兵勇著共賞給內帑銀一萬兩由岑毓英分別發給以示鼓勵等因欽此 二十四日具摺奏鮑超拔隊回川劉永福拔隊赴粵起程日期附片奏瘴故遊擊童金山等三十三員請卹又摺奏續查陣亡瘡故員弁開單請卹又摺

奏查明已革道員劉鳳苞被叅實情專摺奏謝

天恩加賞一雲騎尉世職並獎賞各員弁兵勇 二十七日接總兵
覃修綱轉呈越南使臣禮部尙書阮光碧遞呈越南國王嗣子

阮福明書函懇請代奏

錫封 九月初二日具摺奏越南國王嗣子阮福明遣使遞書求代

奏請

錫封頒印謹鈔呈原書請

旨定奪附片奏請飭總署開導法人還越北圻以存越祀而利商務
又會奏遵籌布防邊隘酌移鎮將添移文武員弁以資分任繪
圖貼說覆陳一摺附奏普洱鎮總兵何秀林臨元鎮總兵鄧榮

陞擬請對調一片又附奏大賭兜河內都竇新街原係滇地將來勘界似應劃回仍以大賭兜河爲界又附奏委道員岑毓寶先行履勘沿邊地界又片奏委降調道員唐啟蔭辦理蒙自糧臺是月公子春澤中式廣西鄉試舉人十月初二日具奏查明保獎宣光出力文員分晰各項勞績覆陳一摺附片奏遊擊韓亮參將劉映華保案錯誤懇請更正二片又附奏瘴故知縣黎熙垣等十三員請卹又附奏保獎道員陳席珍又摺奏查明部駁保案出力各員開單仍懇核獎初九日奉到九月十八日

諭旨昨據曾紀澤電稱英久占南緝今圖其北本日復據李鴻章電

奏印度出示招人運軍往緬各等語緬甸爲朝貢之邦與雲南接壤英人圖其北鄙不獨屬國後患尤慮逼近吾圉不可不豫籌布置爲未雨綢繆之計著岑毓英張凱嵩派委妥員不動聲色密探英緬近日詳細情形趕緊馳奏一面相機籌措固我邊陲勿得稍涉張皇至滇省與緬甸交界各要隘係何地名里數若干暨八莫究竟坐落何處是否卽係新街並著該督撫先行確查奏聞隨卽詳晰繪圖貼說呈覽將此由六百里密諭知之欽此
十三日會旨辦理附片奏派員赴緬密探情形並西路擬設臺站以速文報又片奏展緩查閱營伍又片奏擬卽赴開化俟周德潤到時會勘

邊界又片奏遵辦川滇安接電線 二十三日奉到初二日

諭旨中越勘界事宜前經諭令周德潤鄧承修會同各該督撫詳細勘定此事關係重大必應慎之於始各處所繪地圖詳略不一法使所攜難保不互有異同目前分界自應以會典及通志所載圖說爲主仍須履勘地勢詳加斟酌若於兩界之間留出隙地作爲甌脫以免爭端最屬相宜周德潤鄧承修親自履勘該處地形瞭然在目自可相機辦理岑毓英李秉衡就近面商務臻妥善張之洞張凱嵩倪文蔚身任地方如有所見亦當詳告以資商榷閩法國所派巴呂人頗和平如能孚以誠信辦事或可順手並著周德潤等隨時加意聯絡以期於事有益等因欽此 十月初三日

奉到十月十一日

諭旨茲據總理各國事務衙門呈遞許景澄信函所陳寬留既脫以杜後來爭衅等語與前次諭飭辦法正相脗合目前與法使會議分界事宜必應博採眾說以資辯論岑毓英前奏擬請開導法使令其退還北圻數省於河內海陽地方通商等語周德潤鄧承修等與法使晤談時不妨姑持此諭以爲抵制總之分界一事有關大局周德潤等務當詳度地勢設法辯難多爭一分卽多得一分之利益切勿輕率從事等因欽此 初十日會同周公德潤張公凱嵩馳奏商辦滇邊界務情形一摺附片奏近來辦理礦務情形又片奏委道員湯聘珍經理軍需報銷 二十六日馳摺奏

英綱兵爭現籌布置邊防並派總兵丁槐帶兵二千馳往騰越
扼守附片奏周德潤於二十六日出勘馬白關派道員岑毓寶
隨往踏勘又代奏普洱鎮總兵何秀林叩謝

天恩並陳明駐防邊營暫緩

陞見又片奏委楊景修丁彥勸辦迤西各屬米捐又片奏委道員翁
壽鑑會辦軍需報銷又片奏瘴故副將謝敬彪等十員請卹
是月公子春澤春冀孫德固至開化省視春澤旋計偕北上德
固留偕春蔭在行署讀書十二月十八日接探報十月二十
二日英人襲踞綱都二十四日執綱王暨眷屬大臣下船載往
漾貢二十一年馳摺奏英踞綱都滇省西防喫重餉需窘迫


懇請

勅催協撥附片奏挑補十成戰兵外仍留粵勇六千助防又代奏新授四川川北鎮總兵覃修綱叩謝

天恩 是月公子春莫旋省署綜理家事 前太常卿臨桂周瑞清

與公交厚周獲謹戍黑龍江值本年

恩詔賜環應發原籍改擬公憫其母老助三千金贖緩得以終養後豫災籌賑廢籍助輸者許開復銜翎周集貲甚艱公復助二千金贊成之俾博親歡



李襄勤公年譜卷九

丙戌光緒十二年公五十八歲

正月公在開化 初六日馳奏覆陳滇緬邊務情形並接據邊防譯呈英人賣投文書一摺附片奏副將袁善抗令作亂業經正法 同日會同周公德潤奏遵

旨查明法人改立越嗣並接據越臣阮廷潤等稟函乞請代奏一摺
附片奏隨同辦理雲越勘界事宜新授臺灣道唐景崧已抵開化 二十五日准部咨奉

旨雲貴總督岑毓英交部從優議敘遵議照一等軍功從優議敘例給予軍功加三級光緒十一年十二月十六日具奏奉

旨依議欽此 二月初一日會同巡撫馳奏接據邊報緬甸竄投文

書內稱備貢求援各情照譯繕單一摺附片奏探聞法人至龍
舊地方法使尙無來信又片奏安平同知衙署應仍移建馬白
關又片奏瘴故遊擊張德明等十五員請卹又片奏委署廸西
道吳其楨赴騰越會辦邊防又片奏委在籍刑部員外郎吳世
欽辦理永昌郡團練專摺奏叩謝年終

恩賞

十九日馳摺奏滇省待餉迫切請催減成舊餉按數起解變
通摺注附片奏法使尙未到邊勘界又片奏委楊國發署鶴麗
鎮總兵又片奏勘界隨員巡檢杜厚培瘴故請卹會摺奏遵
旨添移文武各員防守關隘請改頒關防附片奏移建衙署公欵不

足勸捐辦理又片奏酌增開臨兩鎮官弁年支養廉又片奏開復道員唐啟蔭等請免繳捐復銀兩 二十二日奉到十二日

電寄

諭旨岑毓英冬電已悉曾紀澤前奏潞江本係伊拉瓦底江之誤八
募新街傍伊江岸至潞江確在騰越之東總理各國事務衙門備
查國圖與該督所奏相同早經電知曾紀澤更正矣英因外部換
人前所允又有翻覆已飭曾紀澤堅持存緬祀之議與之力爭俟
有成說再行諭知欽此 二十四日新授雲南藩司麗際雲迂道
至開化見公 三月初一日馳奏法人已抵保勝邊境安堵一
摺又奏參知府朱鴻知縣席葆真馬恩榮分別勒休革職附片

奏副將李文秀私逃出邊現飭拏辦又片奏飭薄司屢際雲赴省接印二十八日會同馳奏騰越防務布置周密並聯絡土司駐守情形一摺附片奏請飭總署知會法國公使不許保勝法兵越界生事附片奏英教士施題鳳欲由騰赴緬暫經阻止此後外人出入邊防應請申禁文片奏據報李文秀爲緬境野夷傷斃又片奏總兵張松林統帶古林等各處防營又片奏瘴故副將林紹喜等二十員請卹又奏查明克復廣威不拔府縣城壘前敵後路出力人員開單請獎一摺又片奏保何秀林請

賞頭品頂戴覃修綱丁槐湯聘珍請

賞穿黃馬褂並陳明學毓寶係臣胞弟未敢請獎又片奏撫臣張凱

高督同司道史念祖熊昭鏡鍾念祖崇善陳廷珍吳其楨翁等
錢等盡心籌濟餉械撫臣應得優敘出自

天恩史念祖等懇給獎敘 嗣奉

旨照所請給獎公弟毓寶亦

賞穿黃馬褂 四月初一日法人投書並送琴酒各物乞護往來商
旅據約照復存其物於開化府庫答以茶葉蔗糖 十三日馳
奏法人投書函物乞爲招護往來客商當經據約答復一摺附
片奏騰越鎮總兵張松林古州鎮總兵丁槐暫請對調以裨防
務又片奏採聞彌甸軍情專摺奏叩謝

天恩優敘又摺奏揀員請補參將都守各缺又摺奏揀員請補新設

邊防武職各缺 二十二日具摺奏參東兵不嚴之參將楊玉春遊擊劉映華暫行革職飭交出滋事弁兵審辦附片奏臣署日行公事委藩司驅際雲代行代拆又片奏法國勘界使臣狄隆五月初旬可抵保勝 五月初四日馳奏綱甸土司投遞稟函懇請發兵救援鈔呈稟函一摺附片奏英教士施題鳳執意出關騰防派兵送至綱界又片奏騰防添用土練酌加口糧又摺奏對調迴避遊擊都守等缺附片奏參將馬柱等暫留滇缺辦防又片奏瘴故遊擊張鵬翼等十三員請卹 六月初四日具摺奏揀員請補參將守備員缺附片奏開臨兩鎮先行招補五成戰兵以實營伍又片奏北洋派來洋礮敎習汪茂林瘴故

請卹又馳奏採報緬甸英兵失利停戰關外土司懇請內附一
摺附片奏聞復武員張顯福等請免交捐復銀兩又片奏參將
木達春戰功卓著請仍以副將補用並

賞給喀勒春巴圖魯名號又片奏臣病疾未愈勘界事重仍當力疾
同辦 初九日公偕周公德潤自開化起程十三日至南溪公
疾劇留駐醫調周公率隨員等於十五日進駐河口法使狄隆
狄塞爾達魯倪思海士等來會連日反覆辯論函牘往返議定
開勘節略八條 二十四日奉到五月二十九日

諭旨奉報英奏緬甸土司投遞稟函懇請發兵救援並鈔錄稟函呈
覽一摺緬甸爲中國藩服前既私與英人通商被其占據土地歷

有年所上年

例應進貢之

經諭令曾如

一節英國立

該土司稟請

等若再來

將此由四五

八條寄凡

大臣代奏

一摺附片

統又片奏朱洪章飭回鶴麗鎮本任又片奏派員往上海香港
購運銅帽洋槍又片奏商號墊解協餉悉繳庫平另給息銀按
月計算作正報銷十三日法官達魯倪思會同道員葉廷眷
等各由水路駛上往勘龍勝河地段二十日法船至者蘭爲越
人截殺燬船一隻法兵死者十四人餘船退回保勝葉廷眷等
聞警亦退回河口二十二日馳摺奏滇省餉源益竭協解不
及一成開單懇請嚴催附片奏催收米捐以一成爲委紳薪水
又片奏瘴故遊擊董祥等十三員請卹又片奏狄隆會議要求
情形又附奏中法會勘龍勝河法船於者蘭被越人截燬殺傷
情形又片奏蓋達土司刀思鴻祚居官貪暴請革職令土族刀

恩必治護理印務 法使狄隆懲者蘭之變來請接圖定界公
會同周公德潤電奏請

旨

八月二十一日具摺奏武定直隸州知州興祿請補廣南府知
府附片奏法使請按圖定界情形又片奏派員招撫綱甯邊界
裸黑山頭目石朝鳳等又摺奏知府黃金銜請補麗江府知府
九月初三日會奏陳覆滇省窘迫異常並無存儲款項實在
情形一摺又會奏道員葉廷春隨勘邊界受瘴病故怨

恩優卹一摺附片奏瘴故總兵蕭太和等十八員請卹 周公德潤
偕法使狄隆校對界圖竣事狄隆定於月間赴粵議以圖說費
送公營畫押 二十一日具奏撤弁王明魁意圖滋擾越界擊

說正法一摺附片奏中法使臣會校界圖業將竣事俟遞營畫押會奏又片奏道員許繼衡委署巡西道又片奏藩司龐際雲因病出缺臣署日行公事委署藩司史念祖代行代拆又片奏

知府余澤春仍照原保改獎十月月初七日張公凱嵩薨於任

十四日馳摺奏撫臣因病出缺請

旨近賜簡放並陳明界務已定臣擬回省兼顧西防電由李鴻章代

奏請

旨飭遵附片奏瘴故都司張耀龍等五員請卹又附奏道員岑毓寶隨同勘界事竣銷差又具奏貴州紳士具呈已故原任貴州巡撫林肇元功績在黔請援案聞復處分據情願懇

天恩一摺又奏查明已革知縣鄧炳堯京控情詞並無實據 十五

日奉到電寄初四日

諭旨李鴻章奏據岑毓英電稱界圖校畢現已畫押惟疾尙未愈殊深廑系岑毓英著暫行回省調理以示體恤其界務防務未盡事宜仍著妥籌辦理一俟稍痊再行前往欽此 十六日專摺奏遵旨回省調理即謝

天恩附片奏中書科中書葉乃翰隨其父葉廷眷來滇勘界相繼癟故請一併議卹 二十七日公自防營起程回省 十月初五日臨安途次奉到電寄十月二十三日

諭旨雲南巡撫著岑毓英兼署等因欽此 十一日還抵省署接受

巡撫關防 十五日具摺奏報回省兼署撫篆日期叩謝

天恩附片奏祿勸縣水災查賑又摺奏巡南道陳廷珍因病出缺附片奏昭通鎮總兵何雄輝飭赴本任又片奏蓋達土司屬夷匪滋事檄飭總兵丁槐馳往勦撫又片奏委唐啟蔭代理巡南道篆二十五日奏參黑井提舉蕭培基積欠鹽課薪本銀兩請革職追繳附片奏阿陋井火災借給柴木以示體恤又摺奏著山洱海龍神靈應籲懇

敕加封號附片奏陳席珍委署糧儲道又片奏彌渡士民捐建昭忠祠請列入祀典 二十八日具奏遵

旨查明滇省本年被災各屬分別賑恤來春毋庸接濟一摺又奏查

明滇省勸捐情形據實覆陳一摺又摺奏歲修雲臨河工經費
仍提糧庫閒款實用實銷是月東川土匪張學義勾結川蠻
遊匪報仇殺掠已故武紳楊威宗家屬死者七人因據村寨四
出滋擾署知府全林績帶兵圍馳往查辦旋撲滅之蓋達吏
匪亦爲總兵丁槐等擊破斬匪首小胖戶弄吭等土司屬地肅
清十二月初二日馳奏官軍撲滅蓋達土司所屬夷匪地方
肅清一摺附片奏探聞緬甸情形又片奏裁撤前設儲材館又
摺奏湯聘珍請補迤南道十七日馳奏東川匪徒勾結川蠻
竄踞村寨經派兵圍剿滅地方安靖一摺附片奏委勘昆明縣
屬被霜災田畝又片奏飭東川府暫行添募土勇駐防上中江

以衛商旅又片奏裁撤前設五金局又摺奏清獲遺失筆碼請開復委員詣頂二十日具奏陣亡記名提督楊玉科請於雲

南大理府城廣西鎮南關

賞准建立專祠列入祀典以彰忠盡一摺附片奏提還銅本銀三萬七千餘兩是月五十七十八等日公赴校場閱視省標六營暨駐省戰兵操演陣式

丁光緒十三年公五十九歲

亥正月二十四日具摺奏校閩省標六營暨駐省戰兵冬操一摺附片奏恩安縣屬水災查明蠲緩錢糧又摺奏審結雲南省城兵練互設一案又署奏滇省海防捐輸第七卯彙案請獎專摺

奏恭謝年終

恩賞 二月初二日具奏滇省餉需支繙繕單請

旨敕部嚴催一摺附片奏廣東前代滇省借餉受累請緩咨催舊餉以示區別又附奏綱越紛擾未定邊防不能疏懈又摺奏雲南文閣簾所各官酌定員數並添設外收掌官一員懇請立案附片奏瘴故副將張有福等二十三員請卹又片奏顏雲芳請以副將補用 雲南安設電線公飭地方官採辦桿料派員協同北洋委員李必昌臧宣懷等於上年十一月十五日由蒙自開工安線至月之初七日至可渡河與四川電線接合 二十一日具摺奏川滇電線接合工成請

旨飭議電奏章程 三月初三日具奏總兵

陞見擬分別展緩一摺附片奏川北鎮總兵草修綱現駐防滇邊請於雲南普洱鶴麗兩鎮中對調一缺又片奏營伍嚴操槍礮酌定賞罰又摺奏雲南土藥隨同百貨抽釐未便設局加稅附片奏七起二批京銅起運日期 二十一日具奏查明虧欠正襟錢糧各官分別勒限追繳附片奏四川籌解滇餉道員文天駿等請予獎敘又摺奏滇省第八卯海防捐輸彙案請獎 是月二十三日貴州畢節縣民折毀電桿打搶報局公派總兵吳永安協同李必昌馳往查辦 四月初一日督辦雲南礦務巡撫銜唐公炯至滇 初四日具奏貴州畢節縣民毀搶電報分局

派員查辦一摺附片奏馬忠楊國發委署普洱鶴麗兩鎮篆務二十日具奏招撫裸黑頭目就緒請給予土職並陳明裸匪張秉權已死其子張登發相繼爲惡擬秋涼派兵勦辦一摺又具奏滇省光緒七年正月起至六月止七月起至十二月止善後支銷各款兩摺附片奏江蘇協餉留購軍械請免督撫藩司置議閏四月初四日具摺奏滇鹽煎銷均絀實難依限啟徵裸款又摺奏滇省第九卯海防捐輸算案請獎附片奏臨元鎮新設戰守兵糧餉照例由藩糧兩署支領又片奏瘡故都司楊文彬等十一員請卹又片奏唐炯抵滇所有開礦鑄錢事宜自當協心商辦十一日具奏遵照部駁另行揀員鄧華熙請補

廸南道員缺一摺又摺奏鄒馨德請補黑鹽井提舉 二十一
日具奏滇餉奇紬擬提借糧道庫添支一摺附片奏撥還司庫
借用銅本銀兩又片奏趙州棍徒鄭富訊明正法又片奏遵

旨察看雲南提督黃武賢廸東道崇繕各員分別覆陳 是日雲南

巡撫譚公鈞培抵任公交卸兼署巡撫關防 五月初六日具

摺奏滇省光緒八年正月初一起至六月底止善後支銷各款
附片奏派員招募土勇分紮黑要隘以備進剿又代奏調補

雲南普洱鎮總兵覃修綱叩謝

天恩

二十二日公長子春榮生子德純 二十八日具摺奏結查

辦畢節縣民毀搶電報分局一案又附奏雲南學政戴鴻慈道

其故父戴其芬遺命捐雲南普濟堂經費銀一千兩請予建坊
又附奏陣亡從九品任蕙請卽又代奏調補四川川北鎮總兵
鄧榮升恭謝

天恩并陳明籲懇

陞見 黑蠻簸箕力甫之弟簸箕滋角復渡江竄擾二十七日江防
兵團攻破寇巢擒斬簸箕滋角 三十日奉到初十日

諭旨中法續訂界務商務條約已令總理各國事務衙門王大臣與
法使恭思當畫押所有條約照會各件不日由總理衙門咨行該
督撫查照辦理滇省界務周德潤與法使狄隆會勘時意見未合
歸入請示者兩段此次定議經總理衙門與周德潤按圖商據

稱猛梭猛賴一段荒遠瘴癘棄之不足惜岑毓英所見相同至我
所必爭者南丹山以北馬白關以南其中山川險峻田疇沃美如
能割歸中國既可固我疆圉亦可兼收地利當經總理各國事務
王大臣與法使恭思當反覆辯論將猛梭猛賴一段准歸越界其
南丹山以北西至狗頭寨東至清水河一帶地方均歸中國管轄
約計收回各地段不下方四百餘里此事煞費唇舌始克就我範
圍所有各該處界址應照約接圖由地方官會同駐越之法員申
畫清楚設立界牌其餘善後各事宜屯田應如何興辦防兵應如
何分戍該督撫務當詳細籌商次第經理界務既定即須接辦商
務岑毓英前奏布置邊防措內有蒙自爲通商要津之語現准蒙

自設立領事開辦通商正相脗合至蠻耗係保勝至蒙自水道必由之路准其分設領事屬員與中國分設之稅司互相稽察現經議定蒙自設立領事官時必於數月之前先期照會以便駐紮關道安設稅司粵省以龍州開闢請設太平歸順道一員駐紮該處雲南事同一律著該督撫趁此尙未開辦之時悉心布置奏明辦理至滇之土藥釐金向來徵收甚微現定每百斤稅釐各收銀二兩必須完過釐銀後方准法商完稅接買將來於課項亦有裨益總之界務商務總理各國事務王大臣所定條約挈其大綱此外節目周詳施行盡利全在該督撫隨時規畫用人得當一切慎之於始免致別生枝節是爲至要將此由五百里各諭令知之欽此

六月十三日會摺馳奏遵

旨覆陳籌辦滇省界務商務防務情形附片奏蒙自設關無益商務有礙防務擬請先於蠻耗試辦又片奏請添設關道撥轄臨安開化廣南三府又片奏改建昭通府屬鐵鎖橋 廣南土冠王潮義等竄踞皈朝檄派文武兵團撲滅之 七月初二日會摺馳奏官軍勦除黑蠻匪首簸箕滾角又摺奏滇省報銷冊籍繁多恐驛遞失誤擬請差弁解京 十三日會摺奏報銷滇省光緒八年七月初一日起至十二月底止善後邊防支銷各款銀數附片奏雲南提督黃武賢休致新授提督馮子材到任需時揀委開化鎮總兵蔡標署理提篆又片奏展緩辦理軍政又摺奏

順寧府知府周範調補普洱府知府 二十二日公次子春煦
生子德新 公督率官紳籌捐款項建置省城昭忠祠敬節堂
產業又重建城南常樂寺風脈塔忠愛碧雞金馬三坊先後興
工於是月告成公親往閱視 八月初一日會摺奏查明各省
欠解協餉開單懇請

勅催又具奏滇省昭忠祠敬節堂置產生息奏明立案附片奏新建
鋪房收租添資通省及昆明士子會試卷金又片奏劍川紳士
李應舉趙藩等籌建劍川昭忠貞烈兩祠及忠義總坊請列入
祀典 十三十六等日公分派將弁帶兵由省開拔進剿裸黑
夷寇 十七日會摺奏廣南土富州匪徒滋事已派兵圍剿辦

平靖二十七日會摺馳奏籌勦黑夷匪派員管理糧餉發照章文給薪水又摺奏保獎隨辦界務出力人員九月初四日具摺保薦吳永安楊國發二員二十五日會摺奏揀調大理府知府桂霖請補雲南府知府又奏官軍撲滅盜達夷匪擇尤保獎附片奏巧家江防出力員弁請獎又附奏殲故參將鄒續雲等十四員請卹是月提督黃武賢總兵蔡標均來省交代提篆公旋派蔡標督辦黑軍務在籍知府李光翰辦理營務由省西上十月初八日會摺奏黑匪負固擬令署提臣蔡標親往督勦起程日期附片奏黃武賢交卸提篆起程回籍又片奏貴州歸化營遊擊蔡興國調隨署提臣蔡標軍營差遣

又摺奏雲南新設臨安開廣道員兼管關務一切事宜詳議具奏 十月初四五六等日西路官軍連破猓黑寇壘進次大蚌江邊 初十至十五等日南路官軍破寇渡江會合西路盡掃寇寨寇併聚圍控壩卡大箐各巢 二十日會摺奏報銷滇省光緒九年分善後邊防支銷銀數附片奏西路官軍勦辦猓匪疊勝大概情形 十一月初三日會摺馳奏官軍分道進勦猓匪連獲大勝收復張逆所踞地方十分之七附片奏委李必昌協辦猓黑營務 官軍於十月十六日攻破圍控寇巢壩卡旋下深入大箐招撫降夷搜捕渠魁於月之初三初六等日先後擒獲首逆張登發並逆族張懷良張秉意寇酋楊定國等正法

某示衆黑六山夷境一律肅清 武定州屬夷目魯占高滋事
派記名提督吳永安帶兵勦辦於初九日擒占高父子解省訊
明正法 二十一日馳奏官軍攻破衆黑賊巢擒斬首逆地方
肅清現籌善後一摺又奏本內遺漏要字自行檢舉一摺又摺
奏招募土勇支給薪餉起止日期又摺奏查明部駁保獎文職
各員分別開單改獎 十二月十五日會摺奏請將滇省電線
與廣西南寧接通並擬自騰越廳至雲南省城添接一線以通
西南邊報附片奏滇省借墊霆軍餉銀六萬兩請由四川籌遣
又摺奏揀員陳燦請補順寧府知府附片奏擬設官茶局情形
是日公赴校場閱視冬操 二十日具摺奏校閱冬操會摺

奏官軍勦捕古黑滋事夷匪擒斬首犯魯占高地方肅清又摺奏駐邊勇仍請加給鹽菜米糧 是年公復捐廉籌款增建省城昭忠祠修葺西山龍神祠又以

文廟奎星閣形家議其過低凡材改建增高於舊者丈許

岑襄勤公年譜卷十

戊光緒十四年公六十歲

正月二十五日專摺奏謝年終

恩賞又摺奏道員許繼衡請補廸南道缺附片奏道員翁壽鑑厯署各任捐施裕如又片奏鶴慶州紳士李毓煊之母李施氏等捐助敬節堂經費銀二千兩請予建坊又片奏邊防續報傷亡瘴故弁勇二千四十名請卹又摺奏久病未愈懇

恩開缺回籍醫調奉

旨著賞假四箇月毋庸開缺欽此 二月初十日馳摺奏本憂塞滋事土匪業經派衆黑凱撤之兵就近協同普洱防兵勦辦肅清

諭片奏委鹽法道湯聘珍候補道鄧在鏞會辦營務又片奏保
獎湖南籌餉出力司道孫翼謀但湘良又摺奏滇省防綱出力
人員擬請三年保獎一次 十四日奉到

上諭岑毓英等奏官軍攻破獨黑賊巢擒獲首逆並籌辦善後一摺
雲南順寧府邊境獨黑夷匪叛服靡常屢爲邊患經岑毓英等調
派官軍分道進剿地方一律肅清辦理甚爲妥速岑毓英前得降
二級留任處分著加恩開復其獨黑地方應如何添設文武員弁
扼要管轄之處著該督撫酌度情形妥議具奏等因欽此 十七
日摺奏滇省舊設五成戰兵現擬抽調三成編營操練並裁併
粵勇添設土勇附片奏瘴故記名提督楊春林等十一員請卹

又摺奏叩謝

天恩開復處分 二十二日摺奏遵

旨添設雲南省城至騰越電線請提用北洋購存四川物料附片奏
前設雲南電線借撥滬關出使經費銀八萬兩請

敷北洋作正報銷又摺奏叩謝

天恩本中漏字免其議處 二十八日奉到

上諭三載考績爲國家激揚大典中外滿漢諸臣有能職守恪共勞
勸最著者允宜特加甄敘以示優眷雲貴總督岑毓英盡心民事
綏輯嚴疆殲竭不辭勞瘁著交部從優議敘等因欽此 三

月十五日摺奏邊防緊要擬將武職敘補章程稍爲變通以備

恩

將材而重防務附奏派兵駐防車里土司又片奏臨安開廣道
湯壽銘飭赴新任又捐奏京察議敘謝

四月十六日會摺奏遵議裸黑地方建設城署先行委員署理
責成籌辦善後附奏揀員先委新設鎮邊廳同知參將等缺員
弁又奏滇省籌議河工用款情形一摺附片奏裸黑夷目李先
春請給士千總職銜又片奏刊給臨安開廣道木質關防先行
啟用又附奏副將楊發貴更正保案 二十七日會摺奏揀員
鄒馨蘭請補永昌府知府附片奏昆明陽州知州吳裕昆背歛錢
糧請革職永不敍用又片奏迴避道員鄧在鏞暫行留滇差遣
五月公長子戶部郎中春榮三子工部主事春澤報效海軍

經費海軍衙門奏獎初七日奉

皇太后懿旨奉春榮著發往山西以道員卽用奉春澤著以郎中歸本部卽補欽此 十七日具奏輪應查閱雲南營伍擬請秋後出省一摺附片奏陣亡守備包文煊等六員請卹 二十五日公六十生日奉

旨賜壽由軍機處咨交到

御書綏折錫祐匾額一面

御書福壽字各一方梵銅相一尊紫檀嵌玉如意一柄蟒袍一件吉綢八件湯綢八件 演黔官紳軍民躋堂稱觥有勳德介福圖冊之獻 六月初六日公五子春蓂還粵西鄉試 十一日會

奏揀員請補巧家廳同知元江直隸州知州二摺附片奏停止
開辦普洱官茶局又片奏署提督蔡標養子遊擊蔡興國請准
復姓歸宗十九日專摺奏舊疾稍痊勉力銷假視事又摺奏
揀員韋勛承請補騰越廳同知二十八日會摺奏官軍勦平
獵黑及木戛案內出力文武員弁開單請獎又摺奏報銷滇
省光緒十年分善後邊防支銷銀數附片奏保雲南司道曾紀
鳳鄧華熙湯聘珍松林鄧在鏞又片奏保署雲南提督蔡標又
片奏保四川道員夏旨又片奏保升任貴州藩司史念祖又奏
保廣西降補知府李必昌留滇補用同知郝映奎二片七月

十一日專摺奏叩謝

天恩賞岑春榮道員岑春澤郎中 十八日會摺奏察看知府彭澤
眷尙堪勝任又摺奏留防禦黑練勇照戰兵支給月餉奏咨立
案 八月初一日公五子春莫生子德安 十四日具摺奏報
出省查閱營伍起程日期附片奏元江州屬士匪楊發昌等滋
事派副將馬維騏帶兵馳往勦撫 十八日公自省啟行至安
寧途中風雨驟寒觸發舊疾言語惝恍舉動需人留一日醫
調二十一日至祿豐縣疾未見瘥隨行僚屬及沿途文武力勸
公節勞旋省疏請展緩公以受

恩深重義當盡瘁仍力疾進發行程改尖爲宿病勢時減時增迄不
能愈 二十六日至楚雄府留駐調攝 九月初二日閱視楚

雄協營 初三日具摺奏出巡迤西營伍中途疾作勉力前進
查閱情形 初四日發楚雄 十五日至大理府城 二十一
二兩日閱視提標大理城守各營暨鶴麗維西永北劍川等鎮
協營 十月初一二兩日閱視調集永騰順雲龍陵各營千總
以上員弁其把總以下弁兵委員前往點閱 永昌府屬孟定
土知府罕忠邦灣甸土知州景玉金鎮康土知州刀闔錦圖騰
越廳屬干崖宣撫司才盈延南甸宣撫司才定國等偕來見公
勉以綏輯土民慎固邊圉遣回轄境 初六日具摺奏查閱迤
西營伍事竣起程回省日期又摺奏雲南臨安府屬納樓土族
普應昌聚衆滋事現經知府全林積拏獲訊明正法 是日公

自大理啟行旋省 二十二日還抵省署 十月初一日代奏藩司曾紀鳳親老呈請開缺回籍終養一摺附片奏曾紀鳳器識深厚心細才長滇省正需助理可否暫緩開缺又片奏同抵省城疾未痊愈巡東南各營伍展緩明春出閱 十二月初八日公赴校場閱視省標六營及武定澂江各管官兵冬操 公五子春蓂聞公弗豫兼程星馳還滇侍養 初九初十十三四十五等日校閱各營官兵 十九日具奏查閱省標六營及武定澂江等營冬操一摺又奏川省欠解協滇月餉請嚴催補解附片奏保記名提督吳永安 是月公連日出閱營伍感受風寒疾復大作 是年公纂輯西林岑氏族譜十卷以夏四

月鋟板成書 東漢舞陰壯侯君然公墓在成都華陽縣治東
南三十四里東寧寺側歲久稍圯公捐俸于金界四川族人遊
擊成元修墓置田歲時祭享復撰立墓碑 宋知永寧軍事蘊
山公賓州墓歷年數百碑碣無存他姓藏骸侵及兆域公以丙
子展祭怒焉心傷議資以遷因循十稔弗從且訟至丙戌得地
方官理喻法禁始徙如約塋臺廟清公再出俸修葺買置祭田
立碑紀之

己
丑光緒十五年公六十一歲
正月二十二日專摺奏恭謝年終

恩賞又摺奏入春病勢增劇顰懼

天恩賞假醫調奉

硃批賞假兩箇月欽此 是日內閣奉

慈禧端佑康頤昭豫莊誠皇太后懿旨各省封疆大吏均爲國家倚任之臣其久歷戎旗懋建殊勳熟請報畧賢勞尤著現任提鎮諸臣類皆起自行間淳膺專閫各該文武大員爲國家勤勞歷久不懈現在歸政伊邇允宜分別沛恩大學士直隸總督李鴻章著賞用紫纏兩江總督曾國荃雲貴總督岑毓英均著賞加太子太保銜等因欽此 三月初三日會摺奏蒙自設關事宜預籌妥辦情形又奏雲南九龍池等五處龍神顯應請

勅加封號並

賜匾額又奏弟毓寶補授福建鹽法道叩謝

天恩附片奏署鎮邊直隸同知王德誥瘴故請卹又摺奏邊防續報
陣亡瘴故文武員弁兵勇七十七員名開單請卹 十九日奏
揀員先請借補新設鎮邊營參將要缺一摺附片奏蒙自開開
經費先由藩庫撥借又摺奏舊疾漸痊勉力銷假視事附片奏
請展緩巡閱廻東南營伍 公疾入春增劇故請假醫調於拜
摺之日起扣假期節勞靜攝藥餌見效諸患日瘥然心思不能
久用起居尙異常時羣醫皆謂宜續假調理方可復元公以欽
奉

皇太后懿旨賞加太子太保銜而弟毓寶子春榮春煊春澤更名復疊荷

升除一門之內渥被

恩施恭值

皇上親裁大政滇黔邊要時塵

聖懷自揣精神勉可指揮不敢不竭效桑榆以圖報稱遂力疾如期

銷假 四月初三日會摺奏遵

旨查辦元江夷匪滋事情形又奏揀員請補新設鎮邊要缺同知附
片奏鎮邊廳南柵夷匪勾結野林狃滋事勦辦略定又專摺叩

謝

天恩又代奏新授鶴麗鎮總兵吳永安謝

恩 初十日摺奏滇省餉需奇紳請

勅部速催各省新舊欠餉附片奏法國領事官業已入滇稅務司已

由粵起程又奏道

旨發籌安挿越南投奔滇境難民一摺奏言越南土著與兩粵流寓客難民在法人視爲亂氓驅除不遺餘力在中國同爲赤子膜視殊覺難安且從前出師越南曾與聯絡以孤敵勢不無微勞勢迫來投亦難峻拒查投入邊境者計分三股今遣籌安挿刁文持一股於臨安邊外之芙通壩湯宗政練中和一股於開化邊外之河口魏名高一股於普洱邊外鄰近南掌之大筆山三處皆令該管文武前往編查丁口酌給屯墾收其梟桀添補營勇有家可歸者分別資遣回籍以期保全一流民地方卽少一

盜賊於防務商務皆有裨益又片奏鶴麗鎮總兵吳永安調署
普洱鎮篆又片奏遊擊韋雲青請免騎射又片奏瘴故參將侯
應賢等十三員請卹 是月法蘭西領事官彌樂石自保勝至
蒙自申請照約開闢通商並餽時辰表後膛槍公申明約章卻
其餽物彌樂石旋向關道要索給法人遊歷各廠護照公執不
予復與譚公鈞培唐公烟商電總理各國事務衙門謂礦廠爲
滇人性命不可使外人窺利源孳生計致生衅隙凡數百言

五月初二日奉

上諭岑毓英等奏龍神顯應請加封號並頒匾額一摺雲南省城九
龍池龍神附近之西山龍神黑龍潭龍神邵甸龍神海源寺龍神

夙著靈應上年夏閒本年春閒該省雨澤愆期該督撫等虔誠祈
禱屢沛甘霖著發去御書匾額各一方交督撫祇領敬謹懸掛至
所請勅加封號之處著禮部議奏欽此

初四日公家宴趙藩與

焉公強以酒意甚眷眷酬酢笑語如平常而自謂精神疲茶勉

自揩拭苦不耐久坐也

初六日公晨起核閱公牘畢隨接見

僚屬朝餐後假寐片晌起而入廁感冒風和疾復大作歸寢室

數歐吐服藥歐止偃息榻上晚餐少許夜尤喘噦初七日凌晨

食蓮子半碗服藥數劑午進燕窩粥數匙至申酉之間病勢益

篤趙藩入候疾公伏枕促治遣疏連稱妥

皇上厚恩他生矢報語不及私公五子春寢侍側欲稟請遺囑而公
自病起每語輒喘喘輒汗涔涔下故茹痛不敢以請急進侵革
大劑迄無效至初八日卯刻公喘止而鼻端玉柱下垂迺薨
譚公鈞培電奏以

聞並代呈遺摺

上軫悼

諭曰雲貴總督岑毓英秉性公忠才識沉毅由諸生從事戎行咸豐

同治年間雲南回匪倡亂兵事孔殷仰荷

先朝特達之知迭加拔擢代理雲南藩司旋卽簡授巡撫當兵單餉
糾之時激勵衆心出奇制勝克復省城肅清大理等府墻穴擒渠

全滇底定厥功甚偉迭經賞給騎都尉世職並改爲一等輕車都尉世職朕御極後擢任雲貴總督整頓地方操練營伍均能實心任事光緒九年統兵出關卓著勞勳復加賞一雲騎尉世職該督久駐邊關染瘴成病上年查閱營伍途次觸發舊病迭次賞假調理本年四月力疾銷假方冀醫治就痊長資倚畀遽聞溘逝軫惜殊深岑毓英著加恩晉贈太子太傅入祀賢良祠並於雲南省建立專祠生平政績事實宣付國史館立傳賞銀一千兩治喪由雲南藩庫給發照總督例賙卹任內一切處分悉予開復應得卹典該衙門查例具奏鑾輅回籍時沿途地方官妥爲照料伊子山西卽用道岑春榮著遇有道員缺出請旨簡放候選同知岑春煦著

以知府選用應升之缺升用前工部郎中岑春煊著以五品京堂候補監生岑春莫著俟服闋後由吏部帶領引見岑春蔭並伊孫岑德純著俟及歲時帶領引見用示篤念盡臣至意欽此未幾閣

臣擬謚上請

子謚襄勤 譚公鈞培旋兼署總督疏陳公功績尤詳盡奉

諭宣付史館欽此 貴州巡撫潘公霨尋疏陳公功德在黔請於貴

州省城建立專祠奉

旨著照所請該部知道欽此 公季弟毓琦長子春榮次子春煦三子春煊先後聞訃馳至十月扶柩同籍 光緒十六年二月十八日公之喪抵桂林省城閏二月十四日公子春榮等葬公於

臨桂縣城東堯山之高高嶺與江夫人合墓公生時所命也
光緒十七年廣西巡撫馬公丕瑤奏泗城府凌雲西隆西林三
州縣紳士王績寬等聯名稟稱已故督臣岑毓英辦團保境功
在桑梓請於三州縣捐建專祠列入祀典一摺奉

硃批著照所請禮部知道欽此 公天性孝友事鶴亭公謝太夫人

先意承志惟恐失當而尤得鄧太夫人歡心愛諸弟妹最篤家
庭雍睦無間言微時師友死綏將士歲時必存問其家餽貽從
厚幕僚孤子附爲婚姻待如骨肉訓課諸子以身爲教每言讀
書立品親賢遠佞勿以驕矜損德勿以玩愒曠功居家則以孝
友爲本而推及於敬宗收族服官則以勤廉爲本而行之以酌

理準情惟能變名斯能保身惟不辱先斯不負國聞者以爲名
言生平不溺於聲色擣蕩麌藥之好在軍在官校牘治事率昧
爽起夜分乃寢疾病寒暑不改常度喜接見士大夫所至田野
耆老苗夷首目見輒不拒聞或賚以酒食諮訪地方利病故下
情不隔設施鮮齟齬者爲學大旨主於析理致用經史而外亦
旁涉孫吳兵法觀其大意不事章句藻繪草旣倥偬政務殷煩
草奏書檄幕僚具草手自核定時有點竄多中敍要其存者爲
批諭奏疏六十卷書牘二十卷諸子與門人復輯公遺詩一卷遺文

二卷

אנו מודים לך

תל

右 先嚴年譜十卷壬辰秋趙君樾村編次於都門時兄弟輩同在都中以行蹤未卜欲鋟板而弗果遂各繕清本分藏之以俟諸異日旋於癸巳奉分守河朔之

命忽忽五六年矣公餘敬檢藏稿展讀輒懼或有散遺負罪益深因取是編詳校而付諸剞劂俾世世子孫咸曉然於

君恩之隆重 先德之貽謀所以垂裕後昆者胥在於是而勉繼家聲於弗墜是則兢兢焉而不能自己者也他如奏疏書牘及詩文等集卷帙繁衆俟校竣付梓旣光緒己亥夏五男春榮謹誌於河朔使署

